

元史地名考

元史地名攷

順德李文田撰

元和胡玉縉錄

目錄

八里屯河懶

禿律別兒河

兀魯回失達真河

答力台

把憐

哈闌真沙陀之地

西夏

帖麥該川

建武該山

玉律哥泉

海刺兒
帖兒火魯罕之地

班珠尼河

哈刺渾山

折運都山

龜茲

白達達都

按臺

沅海山

力吉里

輯難河源

也兒的石河

乞力吉思

龍庭

畏吾兒

中興府

靜州

哈刺魯部

泰寒寨

落思城

兀魯塔山

輯羅孩城

野牒亦納里部
柯里替也兒部

輯亦刺河

克夷門

烏沙堡

怯綠連河

野狐嶺
豐利

大水梁

馬月營
會河川
德興府
中都
隆安
獼兒背
密谷口
東京
懷來
涿鹿
五回嶺

宣平
居庸關
雲內
武州
撫州
西京
奉聖州
宣德府
北口
紫荆關
汴

東勝
朔州
桓

紀軍

遼東高州

涼涇

遼東

臚胸河行宮

訛荅刺城

尋思干

卜哈兒

養吉干八兒真

班勒紇城

魚兒濼

北京

紅羅山寨

興州

禿滿部

蒲華

幹脫羅兒城

薛迷思干

鐵門關

玉龍傑赤城

馬魯察葉可
馬魯昔刺史

木刺夷國

塔里寒寨

東印度國

沙陀

鹽州川

積石州

六盤山

起輦谷

忽魯班雪不只

徒思匿
寨兀兒城

棚棚河
也里城

八魯彎川

黑水

黃河九渡

金南京

臨洮府

清水

薩里川哈老徒

霍博

曲雕阿蘭

庫鐵烏柯刺里

韓兒寒河

九十九泉

官山

納蘭赤刺溫

青城

阿魯兀忽可吾

八里黑答蘭答八思

和林

欽察

伊思八刺約城

塔密兒河

南京

江華島

鐵列都

兀必思地

達蘭達葩

脫卜寒地

揭揭察合之澤

埽鄰城

迦堅茶寒殿

圖蘇湖城

迎駕殿

蔑怯思城

鉅鐵鋒胡蘭山

荅蘭荅八思

曲律淮黑哈速

橫相乙兒

大魯刺部

也烈贊城

野馬川

阿蘇

西域

木柵山

汪吉宿滅禿里

捌思藥部

黃忽荅部

輯羅思

阿刺脫忽刺兀

別失八里

阿母河

末來吉兒都怯寨

曲兒只

沒脫赤

身毒

素丹

哈里登

火兒忽納要不花

忒刺

禾山
三角山

東州
楊根

春州
天龍城

失灰

海押立

葉密立

大理

沒里奚

月帖吉忽蘭

八哈塔
怯失迷兒

軍腦兒

汪吉地

月兒滅怯

欣都思

札刺亦兒
顯顯兒
昔刺兀魯朵
白蠻
河塔哈帖
乞兒蠻
忽蘭也兒吉
也里本朵哈
瓜忽都
曲先惱兒
奉聖州

也減干哈里义海
塔蜜兒
得亦兒何塔
昔八兒地
阿木河
漢南
玉龍棧
也里海牙
桓撫間
撫州
桓州東灤水北

開平府

也可迭烈孫

撫州沙井
靖州魚兒凖

中都

昔光

火少里

開元女直水達達

何石寒

豐州算麻林

潮河州

合刺八刺合孫

按坦河

北京

轉都兒哥

李闊奚

鴨綠江

沙井
魚兒凖

宣德州

平灤

得勝口

古北口

帖買和來

興州

懷來

興州

雲州

木速蠻
也里可溫

弘州

望雲驛

女直

應州

松州

畏吾兒
答失蠻

昔木土腦兒

居庸口

速木合打

蓋利泊

平濟海口

東京廣甯

北京

金州

龍門

槍杆嶺

隆興府

興隆路
野孤嶺
雙塔河
謙謙州
八東乞兒部
德興府
大都城
亦即納
別怯赤山
東京

上都
宣德府
吉里迷
匣荅路
恤品
茶速禿
東勝
中興路
遼東水驛
東甯府
慈悲嶺

兀魯吾
應昌府
興中府
高良河
沙州瓜州
韓端
怯鹿難
獅子國
鴉兒看
合失合兒

撫甯縣
黃忽兒
婆娑府
義州
珍島
全羅道
昂吉河
乞里吉思
于闐
土番國
八達山

合答城

別十八里

四川

桑乾河

朵哥麻思

和州

北庭都護府

焉木拔都怯兒

干不昔國

晃元兒

阿力麻里之地

日忽思

脫里北

龍門鎮

算木多城

察罕腦兒

太和嶺

怯憐口

柳林

龍虎臺

木連靈
禿烈禿
狗國
雙城
羅不怡台
閭鄜
合思罕
咸平府
八都兗
合迷里
河兗渾

曲先
慙答孫
欽察
康里
亦集乃
朵魯朵海
欽察衛
遼陽
八刺忽思之地
亦里黑
宣甯縣

開元

女直水達達部

涼陁

馬八兒國

撒兒都魯之地

豪州

河西務

怯烈河
黃土山

宏吉刺站

業里干腦兒

唐古衛

雍古部

太子河

豐州

千大利斡魯脫之地

潘州

八立渾

口溫腦兒

建州

許泥百牙

寧羅海腦兒

朵郎不帶之地

鐵烈兒河

胡魯口

昂兀刺

折連怯兒

望都
榛子

秃木合

甘木里

伯要

兀良合

沙陀

聶延驛

狗站

托吾兒河

黃兀兒

木鄰站

秃魯花

亦乞烈

納鄰

老亂山西

苦鹽灘

雙城
婆娑府

篋古

大口

呂連站

闊里吉思

寬河

外刺

午平

瓦法

山後

茶罕
雙泉
樞兒

列兀難

牙兒馬兀

武平

晃火兒
月連地

白塔

塔义兒

赤城

合敦奴孫
合里賓
合思合
安西
肇州
應昌
朮朮合
稱海
合亦而
五條河

杭海
耽羅
鴨綠江
阿合兀蘭
困赤朮
隆興
兀魯思
縉山
大口
安同泊
可溫

柳林
亦乞列
鐵里干
朵甘思
合刺魯
阻嬌
阿札
石徑山
平陵臺
和林

五臺山
朵思麻
八兜思禿
紅城
兩都
沒刺由
太和嶺
黃花嶺
曲尤濠
全甯府

辭出合出谷

瓦吉刺

闊別列

迭怯里古

也里的失

建州

也里合牙

五臺寺

蘇魯圖

塔失之

朵耳思

雷家站

按台山

合刺合塔

都瓦部

旺兀察都

納蘭不刺

忽秃秃

塔刺思

開甯路

西番

昂兀腦兒

嶺北

新店

夕河川

只合赤

赤斤

者連怯耶兒

木鄰

大窩路

水達達

只合赤

西窩州

興和路

雲需

連怯烈

鹿頂殿

雍吉剌部

鐵里干

斡端

金甯府

寶昌州

軒羅思

紅花萬戶

吳吉刺

末吉

野狐桑乾

南坡

龍居河

高良河

奴兒

塔塔刺

那懷

哈里賓

阿蘭禿

兀者

北部

禿刺

四大斡耳朵

不賽因

撒思加部

海刺禿

撒撒兒

火兒火思

玉泉山河

兀敦

兀魯思部

黃羊坡

賀蘭山

札顏

野泥

阿難荅

間連

帖列干木倫

車兒罕

山後

五花城

月也倫宮

汪古刺

萬歲山

幹羅幹察山

潔聖察罕

察苦魯

朵里伯真

探秃兒海

斡羅斡秃

忽刺失失温

撒里

闊朵

哈里温

哈兒哈納秃

字羅火你

小只

必忒怯兒

秃忽刺

不魯通

坤都也不刺

兀納八

撒里怯兒

闊朵傑阿刺倫

忽秃

不羅察罕

王忽察都

居庸關

白馬甸

碑樓口

陟羅臺

崞州

榆河

石槽

察罕腦兒

王忽察都

塔罕閣干
忽剌禿

盧克嶺

泰和嶺

古北口

流沙河

兩家店

白浮

瀘溝橋

水達達路

字羅察罕

開元路胡里改

帖麥赤

哈刺火州

棘斯察兀河罕

偏嶺

嶺北

木納火失溫

霧靈山

野馬川

法郎

鐵幡竿

赤西解

哈思罕

木鄰札里
苦鹽池

東西涼亭

黑龍江
宋瓦江

欽察左右二衛

昔察赤
失兒瓦

龍刺亦集乃

撒思吉牙

北邊

上都
引者思
薛連可
怯魯連
哈刺奴兒
龍岡
佛郎國
吾者野人
寵吉兒
阿輕乞
八兒思

扼胡嶺
不蘭奚
馬札罕
失刺幹耳朵
八魯刺思
怯薛丹
八憐
哈兒分
太兒古撒兀
阿難答察罕腦兒

亦母兒乞嶺

鐵門關

畏兀兒

寬田吉思海

韓羅斯

薛迷則干

乞失哈里

回鶻
八瓦耳

白雷

別失八里
獨山城

八達

阿刺合的思

清水答蘭答八

和林山

阿速

滅怯思城

海刺兒

亦兒渾

合刺合察兒

拔沙河
納火石

唆里迷

畏兀國相噉欲谷

別庵伯爾

阿帶

阿力麻里

阿撒忽秃鎖

別竭兒

哈刺霍州

貴烈河

玉龍罕

阿雷河
火兒哈秃

赤訥思

亦忒海迷失

高麗雙城

塔刺不歡

必失秃

白只刺山

玉里伯里山

漢塔海

百塔山

兀兒秃

渾麻出之海上

赤麥干

珊瑚帶

唐古

昔門禿

兀納刺城

忽爾刺河

韓麻站兀刺河

明安倫城

納兀河

合刺合察罕

北庭

禿刺
韓魯歡

博而赤

於彌

康里

夢哥山

帖麥哈必兒哈

霸郎兒

黑河

馬八兒國

失木里禿

伯牙

別失八里

斡耳罕河

滅怯該

亦必兒失必兒

徹兀臺

草地

克疏速
不周兀

黑山

不里罕哈里敦

馬札屯國

不魯合

懷魯哈都

不里古
都伯塔哈

曲連江

兀兒禿

麥名思

渴密里

石巴禿

靜州天山

玉耳別里
伯牙吾

失畝里禿

鑲寶直

揭只揭烈溫

牙里伴朵

哈刺

博落脫兜

魁烈兜

惟臺嶺

順必赤顏
聖武開天記

別失拔里

榆林

脫脫忒

兀朗孩

別失八刺哈思

脫別

八兜胡

不別八憐

板勒紇

河中

北鄙

北山

哈刺塔

默而吉

雞鳴山

亦集乃路

白野山

鐵旗竿山

狼牙嶺

牛心幄殿

河西阿里秋城

蒲華

博思干城

察八兒

帖列聖

撒思

撒思嘉

卜領勒多福伯臺

卧龍岡

中興

迪吉腦兒

合迷城

東夏萬奴國

古徐鬼國
訛夷朮城
忽章河城
乃滿國
乞則里八海
答里國
兀里兜城
乞石迷部
大房
富浪
賓鐵

別失蘭城
暗木河
馬里四城
鐵門
大雪山
鐵山
雪嶺
乞都卜
阿刺汀
西戎
密昔兜
石羅子
兀林

乞里彎

宿瓦都

賽蘭國

黑軍

哈刺河

札刺麻禿

西域別石八里

合納忽石溫

劉三霸都

金口

奚雲

賽因八都兒

迪列訖氏

撒里禿魯

失刺幹耳朵

木骨不刺

洪水山

女直
烏古倫

麻峪村

一畝泉

積水潭

通惠河

韓魯光

咸賓

益蘭州

哈罕

白海

兀速
乞里吉思

農桑輯要書

馬紀嶺
撒旦水

慈哈納思

南水門

兀速洋

纏春

何納克阿

欠欠州

乞祿倫部

阿八剌忽

地理指掌圖

女真加古部

東丹

烏若部

涼樓

靈武

西涼甘州

應吉里

黑水東沙陀

昌入里城

葉密里城

忽只兒

換札孫

徹徹里澤刺之山

也里虔城

和林

禿忽思

馬支山

沙州天山
北庭都護府

馬納思河

火字

字勞撒里

不刺城

出布兒城

亦思寬

可失哈里城

阿體八升山

伊州大漠

漆水郡

脫卜赤顏

失速鮮耳朵思

凱烈

薩斯迦

尼波羅國

目錄終

渾八升城

苦先城

哈刺火州
上都大安閣

察納兒台
皇朝經世大典

鐵燈干

迪烈公

坦古思

旭烈

元史地名攷若干卷順德李若農先生文田撰原稿未見此係友人元和
祝心淵秉綱在先生幕中節錄本限於時刻文義間有未明且或舛誤余
借錄一過已將敘次按元史排定惟先生所据是明監本余据江蘇局刻
乃出於武英殿本所有地名等俱經改譯文字多異他日當更將局本
注於各條下以便緝核其下號數上為卷下為葉即局本也光緒戊戌正
月下旬元湖胡正縉記

元史地名攷

順德李文田撰

元和胡玉縉錄

八里屯阿懶卷一

太祖紀字端义兒乘青白馬至八里屯阿懶居焉

阿懶即阿拉蒙古語山

也 秘史作巴勒諱阿剌明宗紀壬午次不魯通之地即八里屯之聲轉

玉律哥泉

札木合部人禿台察兒居玉律哥泉掠薩里河牧馬以去

此泉與薩里河

當不甚遠

玉律哥泉即月兒滅怯其地有泉

憲宗紀四年五年七年皆

幸月兒滅怯地亦稱月兒滅怯土其云上者蒙古語有曰圖或曰土或曰禿

或曰都皆以其地有此泉也憲宗六年紀又作欲兒陌哥都會諸王百官於

此宴六十餘日蓋札木合故居之地山水宜人故兩月游宴足知其勝概焉

禿律別兒河上

宏吉刺等部盟於禿律別兒河岸 蒙古語謂河曰必拉別兒者必拉之對音禿律河者蓋宏吉刺部所居之拓刺里也 遼志遼防城皮被河出回紇北東南入臚朐河東流入洮漉河入於海則禿律必拉即拓刺里又即洮漉河又即提綱之三泚兒河也 連不台傳攻下特勒等部指此部也

海刺兒 帖尼火魯罕之地

帝即起兵逆戰於海刺兒帖尼火魯罕之地破之札木哈克脫走宏吉刺部來降 海刺兒秘史四作合漉泐海子即其地 帖尼又一地秘史三作塔納小河 火魯罕又一地秘史六作忽刺安忽惕卷七作忽刺安不刺合惕即其地 王延德使高昌記有合羅川

兀魯回失達真河上

壬戌帝發兵於兀魯回失達真河伐塔塔兒 祕史云成吉思於荅闌捏木
兒格思地面與察阿安塔塔兒對陣戰勝耳遂至兀勒灰河失魯格勒只惕
地面并四種奧魯據盡 明史西域哈密傳其地種落雜居一日回回一日
畏吾兒一日哈刺灰

班珠尼河文

至班朱尼河字徒哈札兒來會於河上時汪罕形勢盛強帝微弱眾頗危懟
凡與飲河水者謂之飲渾水言其曾同艱難也 列傳中同班朱尼河之役
者札八兒火者傳鎮海傳速不台傳哈散納傳阿朮魯傳紹古兒傳均作班
珠尼河朮赤台傳作班真海子 雪不台傳作班朱泥河 速哥傳作班朮

居河水 按居當作尼速哥傳後阿塔海遜都思人祖塔海拔都兒嘗從太祖同飲黑水河則又作黑河 懷都傳亦作黑河 麥里傳作班真河水 耶律充花傳作班朮河水 耶律阿海傳作辨屯河水 案班珠尼河即龍居河速不台傳太祖初建興都於班珠尼河今龍居河也

荅力台 把憐文

荅力台把憐等部來降 二部皆汪罕舊屬 伯顏傳云蒙古八隣部人則八隣亦蒙古之一部此把憐即八隣之對音 輟耕錄蒙古七十二種有八憐 土土哈傳師踰金山攻八隣之地其南有荅魯忽河則把憐乃金山以北之一部落 荅力台又即鐵勒台也地在和林之北天文志云鐵勒北極出地五十五度夏至晷景長五尺一分晝七十刻夜三十刻即其地但是時

太祖兵力未及和林以北或是鐵勒種族南徙者耳

哈刺渾山文

哈撒兒別居哈刺渾山妻子為汪罕所擄挾幼子脫虎走狼絕探鳥卵為食
秘史七作合刺溫山 名臣事略引土土哈紀績碑與敵戰於兀魯灰彼
軍被創師還至哈刺溫山宵濟貴列河云云則山與貴列河不遠貴列河者
今科爾沁之歸勒里河也 姚燧牧庵集忙兀公博羅驪神道碑云帝與王
罕陣於曷刺真即下文之哈蘭真

哈蘭真沙陀之地文

帝與汪罕戰於哈蘭真沙陀之地汪罕大敗狂奔乃鑾此即耶律希亮傳之
黑水東沙陀也此哈蘭真即黑龍江發源之地蒙古語謂黑曰哈刺此哈蘭

二字即哈刺之聲轉畏答兒傳作哈刺真此其證也

折運都山

文

帝謀攻汪罕復遣二使往汪罕所令軍士銜枚趨折運都山出其不意襲攻汪罕敗之降克烈部眾 祕史六者者額兒溫都兒山卷七之者折額兒溫都兒山即此山也

西夏

文

亦刺哈走西夏 邊境紀行忽蘭赤斤石塘行三驛有唐古河水東北流源出西夏故也

龜茲

文

亦刺哈為西夏所攻走至龜茲國 祕史八王罕桑昆父子二人走至的的

克撒合勒地面涅坤水處王罕被乃蠻殺了桑昆往川勒地面裏去了此文云走龜茲國蓋今之庫車也漢西域傳龜茲國王治延城去長安七千四百八十里南與精東南與且末西與杆彌北與烏孫西與姑墨接東至都護治所烏壘城三百五十里祁韻士西域釋地云庫車漢龜茲國唐置安西都護於此庫車猶今衙衙其地為達西南要路故名西距阿克蘇七百餘里西南由所屬之沙雅爾通和闐東南沮沮如西北大山通伊犁

帖麥該川

既滅汪罕大獵於帖麥該川甲子帝大會於帖麥該川議伐乃蠻秘史云此時太祖正在帖蔑延客額兒地面與眾人商量按滅汪罕而後獵此則此乃汪罕故地也又是時乃蠻未滅故會此而議伐之地在乃蠻之東似

即塔米兒河也

白達達都文

祕史作汪古惕種的主阿剌忽失的吉惕忽里 輟耕錄色目三十一種有
雍古歹 月乃合傳其先屬雍古部祖把埽馬野禮徙靜州之天山蓋雍古
即汪古又即白達達也其部在淨州今以金志求之西京路淨州有天山縣
蓋今蒙古河霸該部落在山西大同邊外歸化城北 以列傳攷之白達達
部即巴爾求阿而忒的斤也詳本傳

建武該山片

伐乃驤駐兵於此 祕史八從阿卜只濶帖兒格地面起去至合勒合河幹
兒訥兀地的客勒帖該合谷行下了建武該即客勒帖該之聲轉 地近沅

海山

按臺

太陽罕至按臺營於沆海山 元年乃變卜魯欲罕獵於兀魯塔山擒之以
歸 按臺即阿爾台山唐書突厥蓋古匈奴北部也居金山之陽 唐書回
鶻列傳東極室韋西金山南控大漠盡得古匈奴地 又葛邏祿本突厥諸
族在北庭西北金山之西 提綱云自哈密城北踰天山至巴勒庫兒北即
沙漠三百里其山皆以阿爾泰為祖疑即古西金山也 名臣事略引忠武
王本華黎世家克烈王可汗為奈蠻氏曲薩窟撒不剌所困王可汗之子亦
剌哈詳穩為所傷太祖遣王救之殲其眾於按臺之下

沆海山

太陽罕營於沆海山帝與乃蠻軍大戰諸部皆潰眾悉降于於朶魯班四部
亦來降 提綱云阿爾泰山頂東大幹杭愛山南行支阜百數十里為枯庫
嶺又東二百餘里折而南百里又東百餘里為杭愛山尾甚高大色鄂勒昆
河諸源而東又東至大漠而止

秦寒寨

片

禽殺乃蠻太陽罕餘眾悉降帝至此寨遣案維歡沈白平茂兒乞 西北地
附錄有塔里干此即祕史之台合勒山寨

力吉里

片

帝征西夏拔此寨

落思城

片

西夏地帝征西夏征北大掠而還

幹難河源

元年丙寅即皇帝位於此金泰和元年也 提綱二十四黑龍江上源曰教嫩河即元時幹難河也肯忒山高大為漠北羣山東至大海之祖山之西支阜曰即龍嶺又西曰忒勒爾凡嶺凡諸嶺以南水皆流入克魯倫河以北水皆流入教嫩河教嫩源處在克魯倫河源西北三百餘里土人呼為阿即格肯忒山山南為喀爾喀地北為俄羅斯邊界

皆漠西清室舊地也

兀魯塔山

卜魯欲罕獵此擒之以歸 此即前文太陽罕至於按臺山今所云阿爾臺山也

也兒的石河上

太祖紀太陽罕子屈出律罕與脫脫奔也兒的石河上 三年用幹亦剌部
為向導至也兒的石河討蔑里乞部滅之屈出律奔契丹 憲宗二年紀分
遷諸王蔑里於葉兒的石河 祕史九作額兒的失水 西域釋地云額爾
齊斯河在塔米巴哈台綏靖城東北六百餘里為祥布多界此水發源東南
山中滌洄環繞匯入齊桑諾爾又西北溢出流入俄羅斯境

幹羅孩城上

二年征西夏克幹羅孩城 四年克兀刺海城

乞力吉思上

道按彈不兀剌使 世祖本紀至元九年滅乞里吉思屯田所入租 英宗

至治元年乞兒吉思部 遼史屬國軍有轄戛斯
野牒亦納里部 阿里替也兒部

皆遣使來獻名鷹 阿里替即阿勒坦也兒部蓋以也兒的石河得名二部
當是乞力吉思之屬地阿里替似即阿爾台之轉聲以近此山故傳曰阿爾
台也兒部也也兒即後文太宗紀之也里地兒里一聲之轉耳

龍庭

太祖紀三年春至自西夏夏避暑龍庭 太宗紀四年帝還龍庭九年十月
獵於野馬川幸龍庭遂至行宮 雙溪集自注云龍庭和林西北也此與野
馬川相去不遠故知野馬川亦在和林 前漢匈奴傳五月大會龍城祭其
先天地鬼神

幹亦刺河上

祕史十二幹亦刺河克巴思諸種都降降投了

畏吾兒上

四年來歸 六年國主亦都護來覲 泰定元年以畏吾字課西番經 輟

耕錄色目三十一種有畏吾兀

克夷門上

西夏地 進至克夷門復敗夏師

中興府上

和 薄西夏王中興府引河水灌之遣太傅訛荅入中興招諭夏主夏主納女請

烏沙堡

五年庚午金謀來伐築烏沙堡 六年金復築金沙堡秋七月命遮別攻烏沙堡及烏月營拔之

靜州

五年金主使衛王允濟受貢於靜州 至元九年紀作靖州 明志東勝衛西北有豐州元屬大同路又有淨州路元直隸中書省亦洪武中廢怯綠連河

汪罕分兵自由怯綠連河而行 太祖六年春三軍居怯綠連河 太宗紀元年八月諸王百官大會於怯綠連河 憲宗紀七年六月會於怯魯連之地 即秘史之客魯連河也 提綱二十五克魯倫河即臚朐河出肯忒山

東南百餘里支峰西南麓兩源西流而合是為克魯倫色禽在西六度六分
極高四十八度四分在教嫩色禽東南二百餘里

哈刺魯部

西域哈刺魯部主阿昔蘭罕來降 地志西北地附錄有柯年魯地劉祁北
使記有合魯

野狐嶺 大水灤 豐利

六年二月敗金將定薛於野狐嶺取大水灤豐利等縣 世祖中統四年禁
野狐嶺行營民毋入南北口縱畜牧 泰定二年三年皆修野狐嶺色澤桑
乾嶺道 一統志野狐山在上都牧廠西南獨石口西北九十五土人名為
納格忒 遼志德州宣德縣有野狐嶺白道坂 明志萬全右衛北有野狐

嶺東有張家口堡北有膳房堡上莊堡西北有新開口 彭大雅黑韃事略
云徐霆疏言霆自草地回程宿野狐嶺下正是七月初五日早起極冷手足
俱凍 金史地志桓州平遠縣有大魚灤 又云豐利縣明昌四年以泥灤
置有蓋里泊屬撫州 口北三廳志大水灤在張家口新河口外白城子東
興和城北土人呼為伊克腦兒伊克華言大腦兒華言水灤也 又云豐利
縣元廢在興和城西舊志謂在大同天成衛交畛

烏月營下

近烏沙堡

宣平下

六年帝及金師戰於宣平之會河川 金志宣平縣居西京路宣德州方

輿紀要故城在今宣化西七十里

會河川 德興府下

六年八月帝及金師戰於宣平之會河川敗之 九月拔德興府 八年七月克甯德府遂攻德興府 遼志西京道奉聖州統州三歸化州雄武軍晉高祖割獻於遼改今名有桑乾河會河川愛陽川炭山 金志西京路德興府晉新州遼奉聖州武定軍節度大安元年升為府名德興統縣六 木華黎傳大敗金兵追至會河殪尸百里 名臣事略引元好問撰木華黎世家云金軍四十萬陣於野狐嶺王抗言曰敵眾我寡不致死力未易破也策馬橫戈大呼陷陣上麾諸軍齊進日未午大破之乘勝追至澮河堡殪尸百餘里壬申薄宣德府遂克德興

居庸關上

六年九月拔德興府居庸關守將遁去 遼志南京道析津府晉高祖以遼有援立之勞割幽州以獻升為南京其外有居庸之關 金志中都路大興府昌平縣有居庸關國名查刺合攀 按班志上谷郡居庸縣有關 程大昌北邊備對曰太行山南自河陽懷德縣迤邐北出直至燕北無有間斷也此其為山不同他地蓋數千百里自麓至脊皆陡峻不可登越獨有八處粗通微徑名之曰陁居庸關也者即其最北之第八陁也

中都下

遮別遂入關抵中都 八年帝至中都 九年駐蹕中都北郊 十年三月金御史中丞李英率師援中都敗之 五月金中都留守完顏福興仰藥死

抹然盡忠景城走遣忽都忽籍中都督藏 此中都者金之中都後來改稱
大都路者也 金志中都路遼南京開泰元年號燕京海陵貞元元年定都
以燕為列國之名不當為京師號遂改為中都府 按元有兩中都永樂北
征錄云沙城即元中都宜牧馬此武宗大德中所建中都在旺兀察都見武
宗紀迨順帝周伯琦撰扈從記所謂興和路東界宣德府府西北名新城武
宗築行宮故又名中都也

雲內 東勝 武朔

遼志西京道統雲內州朔州統武州 又曰東勝州唐貞觀於河南地置決
勝州故謂之為東勝州天寶七年為榆林郡太祖神冊元年復置
隆安

七年耶律留哥聚衆於隆安自為都元帥遣使來附 金史隆州太祖時黃龍府天眷三年濟州天德二年置上京路貞祐初升為隆安府 按黃龍府今吉林城西北二百餘里

昌州 桓州 撫州

七年帝破昌桓撫等州 口北三廳志昌州當在撫州之北元楊興詩云北界連南界昌州又撫州 又曰業金志昌州在撫州北桓州西南今蘇尼特部境內當是舊昌州地 方輿紀要桓州在開平衛西明初置桓州驛 口北三廳志桓州故城在牧廠北舊開平城之西南土人呼為庫爾圖巴爾哈孫城直獨石口東北一百八十六里城址周八里已毀灤水經其南 明地志開平衛元上都路直隸中書省西有桓州元屬上都路洪武中廢為開平

府屬北平行省尋置衛 大清一統志興和故城在張家口外太僕寺左翼
牧廠西南二十里南至張家口百里本金時撫州 邱處機西游記燕子城
撫州是也

羅兒背下

帝興戰於羅兒背大敗之 明地志萬全右衛有羅兒背 口北三廳志羅
兒背在新河口西北 紫明志萬全右衛西有新河口堡

西京下

秋園西京 七年復攻西京帝中流矢 十三年木華黎自西京入河東克
太原平陽及忻代澤潞汾霍等州 金志西京路大同府遼重熙十三年升
西京府為大同金因之

密谷口上

七年圍西京金元帥左都監與屯襄率師來援帝遣兵誘至密谷口逆擊之盡殪 雙溪集有密谷口行自注云金崇慶間漆壽榮祿領曉里駐京畿為聲援聞聖朝太祖皇帝圍守西京遂命漆壽援之賜手詔云今悉國力當清此方次密谷口時太祖皇帝親率大軍以前騎三千攔之大軍繼至未鼓敵敗全軍覆沒

奉聖州上

九月察罕克奉聖州 遼志奉聖州屬西京道本唐新州石晉高宗割獻太宗改升為有西河會溫泉

東京上

遮別攻東京不拔遂引去夜馳還襲克之 金志東京路遼陽府東京留守
司本渤海遼陽故城遼完蓋之郡名東平天顯三年升南京府為遼陽十三
年更為東京 祕史云東平似指此

宣德府

八年七月克宣德府遂攻德興府 金志宣德係刺史州此云府者以元制
書之也上文云克奉聖州即德興府矣此又云攻者德興府領縣六一鎮察
罕克府治之德興縣其餘媯川縉山望雲樂山龍門及永安鎮未盡得之故
復攻之耳

懷來

帝進至懷來 金志德興府媯川縣遼太祖名曰懷戎又更名懷來金明昌

更曰媯川稱懷來者用元制

北口

追高琪至此 又契丹訛魯不兒等北口遮別遂取居庸 元王憚中堂事
記 北口軍營距居庸南口三十里而遠

涿鹿

金兵保居庸帝遂趨涿鹿 遼志奉聖州永興縣本漢涿鹿縣地黃帝與蚩
尤戰於此 按涿鹿本非今涿州但此文似以涿鹿為涿州別名故下文出
紫荆關即在今易州涿易相連之地也

紫荆關

八年帝出紫荆關敗京師於五回嶺 十三年兵出紫荆口 遼志蔚州飛

狐有紫荆嶺 明志山西大同府蔚州廣昌縣州東南元曰飛狐洪武初更名紫荆關在東北接北直易州界倒馬關在東南接北直定州界又飛狐關在北今為黑石嶺保與蔚州界 按漢書匈奴傳趙屯飛狐口師古云險阨之處在代郡之南南衝燕趙之中

五回嶺

出紫荆關敗金師於五回嶺拔涿易二州 元和郡縣志河北道易州滿城縣五回嶺在縣西北五十里高四十許里 明楊守謙紫荆攷曰自易州設山場紫荆關之山木斬伐殆空非復昔日之險隘關內即唐完二縣人載米由諸口出蔚州廣昌賣之諸口益夷漫寬衍矣乃閱紫荆輿圖見有所謂五虎嶺者即元人敗金兵之處則汗流浹背神不怡者累日今且百年誰知紫

荆之當重哉

汴

九年金主遷汴 七月金太子守忠走汴 金志南京路國初曰汴京貞元

元年更號南京開封府城郭有汴河

紀軍

九年六月金紀軍斫荅等殺其主帥率眾來降 金志詳袞九處曰咩紀曰

木典紀曰骨典紀曰唐古紀曰耶刺都紀曰移典紀曰胡都紀曰霞馬紀

魚兒灤

九年詔三摸合等圍中都帝避暑魚兒灤 邱氏西游記出明昌界行六七

日忽入大沙陀出沙陀至魚兒灤始有人煙聚落多以耕釣為業時已清明

凝冰未泮 金志撫州桑遠縣有大魚鰲 按特薛禪傳咸甲戌太祖在迭
蔑可兒時有旨賜按陳火忽冊農土按甲戌即太祖九年也是年太祖從
中都出居庸避暑魚兒鰲則所謂迭蔑可兒者必魚兒鰲北之地名蓋即周
伯琦扈從北行後記之統墓王憚中堂事記之統墓店也統墓迭蔑皆一聲
之轉蓋正在懷來縣北雞鳴山南之地所謂迭蔑可兒者即英宗時之土木
驛矣

遼東高州

上

木華黎征北 遼志中京大定府統州十高州觀察唐信州之地萬歲通天
元年以契丹室活部置開泰初聖宗伐高麗以俘尸置高州統縣一三韓

北京

上

十年木華黎攻北京 天文志北京北極出地四十二度強 金志北京路
大定府留守司遼統和二十五年建為中京金初因之海陵貞元元年更為
北京置留守司都轉運司警察院

涼涇

十年五月避暑桓州涼涇 金志桓州昌里許東川更名金蓮川有景明宮
避暑宮也在涼涇有札實有白灤國語曰白赤勒 遼志歸化州有炭山又
謂之涇頭有涼殿承天皇帝納涼於此山東北三十里有新涼殿景宗納涼於
此惟松杉數陁而已 唐書元宗紀先天元年六月幽州都督孫佺等及奚
戰於冷陁山敗績 唐書奚亦東胡種其國西抵大洛泊盛夏必徙保冷陁
山直媯州西北

紅羅山寨

十年七月紅羅山寨主杜秀降以秀為錦州節度使 按山屬錦州 明志
廣甯中屯衛元錦州屬大甯路東有木葉山西有東西紅螺山 明史朵顏
傳自大甯前抵喜峰口近宣府曰朵顏朵顏花當屯駐紅羅山

遼東

十年十月金宣撫蒲鮮萬奴據遼東僭稱天王國號大真改元天泰 養新
錄云十一年蒲鮮萬奴降既而復叛僭稱東夏據東平王世家癸巳太宗五
年王與皇子貴由攻完顏萬奴於遼東平之完顏萬奴金內族也自己亥歲
聚據東海號東夏至是凡十九年而滅太宗紀但書平萬奴而不言皇子貴
由國王增思當據世家補之

興州

史天祥討興州擒其節度使趙守玉 遼史興州興中軍節度本漢海宜縣地渤海置州故縣盛吉蒜山鐵山皆廢在東京遼陽府西南三百里 滿洲源流攷云明人地志有以興州為鐵嶺縣之懿路城者 蒙古游牧記云興州在今承德鐵嶺之閒

臚胸河行宮

十一年丙子春還臚胸河行宮 遼東邊防城塔懶主城太康九年置在臚胸河又皮被河出回紇北東南經羽厥入臚胸河 金志北京路臨潢府長春其北千餘里有龍駒河國語曰喝必刺有撒里葛覲地 提綱二十五克魯倫河即臚胸河源出肯忒山東南百餘里支峰西南麓東南流經拖諾山

前漢書匈奴傳太初三年漢使光祿徐同為出五原塞數百里遠者千里
築城障列亭至臚胸師古曰臚胸山名也胸音叻

禿滿部

十二年禿滿部民叛命鉢魯完朵魯伯討平之 祕史太祖命孛羅忽征豁
里禿馬種即此事 明人稱土蠻部蓋即此種族 又曰非也土蠻乃小王

子

訛荅刺城

十四年西域殺使者帝親征取訛荅刺城 西北地附錄作兀提刺耳 西
游錄云苦蓋西北五百里有訛打刺城附庸城十數此城渠酋常殺命吏數
商賈百人盡掠其財貨西伐之舉由此也

蒲華₁₈

十五年克蒲華城 西游錄尋思干西六七百里有蒲華城 西北埵錄作不花刺 秘史作不合兒城云太祖將札剌丁勝了欲入不合兒城不得直追至申河軍馬溺死殆盡

尋思干₁₈

十五年五月克尋思干城駐蹕也兒的石河 近鄒代鈞西征紀程引英吉利士人恭甯翰印度古蹟書云大唐西域記之颯秣建即唐書之康國元史之薛迷思干又作尋思干明史作撒馬兒罕皆一音之轉也赤道北三十九度四十九分偏西四十九度八分 西北地埵錄作撒麻耳干 按撒麻耳干者元中葉以後所改之名非元初之制也觀西北地埵錄載丕慕因封地

而不實因名字至秦定後屢見本紀足見增錄一編多後來所定元初西域不盡然也 西游錄訛打刺西千餘里有大城曰奔思干奔思干者西人云肥也其地土肥饒故以名甚富庶

幹脫羅兒城

十五年秋季攻幹脫羅兒城克之 祕史十三至是太祖得了兀都刺兒等城此仍是訛荅刺城以所采不一書而年月抵牾不問可知 西游錄言蓋西北五百里有訛打刺城 賈塔刺渾傳已云將所部及契丹女直唐兀漢兵攻幹脫刺兒城督諸軍六城先入破之 大德四年紀命和林戌軍借幹脫錢者止償其本按此所謂西域羊羔兒息者也然則幹脫即西域回回國重利放債之地

卜哈兒 18

十六年春帝攻卜哈兒薛迷思干等城 西游錄尋思干西六七百里有蒲
華城蒲華即卜哈兒也 西征紀程云元史地志作阿八哈爾明史作卜花
爾即今布哈爾回部會城在赤道北三十九度四十六分偏西五十一度五
十三分 明史外國傳卜花兒在撒馬兒罕西北七百餘里城居平川周十
餘里戶萬計市里繁華號為富庶

薛迷思干

帝攻卜哈兒薛迷思干等城 武宗至大元年命雪尼台鐵木察使薛迷思
干部亥萬戶也列門合散來自薛迷思干等城進呈太祖時所造戶口清
冊 西游錄訛打刺西千餘里大城曰尋斯干尋斯干者西人云肥也此與

上文尋思千複出史氏之疏忽也 明史外國傳撒馬兒罕即漢屬賓地隋
曰漕國唐復屬賓皆通中國元太祖蕩平西域盡以諸王駙馬為之君長易
前代國名以蒙古始有撒馬兒罕之名去嘉峪關九千六百里元末為王者
駙馬帖木兒也

養吉千八兒真

皇子亦攻養吉千八兒真等城並下 西北地附錄有仰吉八里在他古
新之後古塔巴之前 明史外國傳養夷在賽藍東三百六十里城居亂山
間東北有大溪西流入巨川行百里多荒城蓋在介別失八里蒙古部落之
間數被侵擾以致人民散亡

鐵門關

十六年夏四月駐蹕鐵門關金主遣烏古孫仲端奉國書請和稱帝為兄不
凡 西游記辛巳十月至邪迷思干城壬午三月過鐵門關四月達行在所
時上在雪山之陽 上年十五年為金宣宗興定四年詔遣禮部侍郎吾古
孫仲端使於北朝見劉祁西使記蓋遣在上年而至西域則在是年也 名
臣事略引耶律楚材神道碑云太祖行次東印度國鐵門關見一獸鹿形馬
尾綠色而獨角能為人言汝軍宜早迴 按此乃丙戌年事今引以知鐵門
關地是時稱東印度耳 明史外國傳渴石在撒馬兒罕西南三百六十里
城居大村周十餘里又西三百里大山屹立中有石峽兩崖如斧劈行二三
里出峽口有石門色如鐵路通東西番人號鐵門關設兵守之或言元太祖
至東印度鐵門關遇一角獸能人言即此地也 西征紀程云嘉定十六年

元太祖十八年癸未太祖取波斯明年駐軍鐵門鐵門在今布哈爾境內撒
馬兒罕城南數百里南臨阿母河赤道北三十七度十八分京師偏西四十
九度十一分

班勒訖城

十六年秋帝攻班勒訖等城察罕傳云西域板勒訖城人也西北地附
錄有巴黑黑西游錄玉里捷城又西瀕大河有班城西游記過班里城
皆此城也明世法錄哈烈國東有八刺黑諸城並隸其國西征紀程云
漢書大月氏老上單于擊大夏而臣之都嬌水北為王庭即今之阿母河月
氏王庭在河北今西人作史以為拔克德里地在河南即此事也元班勒訖
城即漢之大夏國都西游記作班里城今為巴爾克城

玉龍傑赤城18

十六年皇子朮赤察合台窩闊台分攻玉龍傑赤等城下之祕史十三作
兀龍格赤城西游錄蒲華之西有大河西入于海其西有玉里提城梭里
松母后所居

馬魯察葉哥馬魯昔刺史18

十六年皇子拖雷所克城二城蓋在徒思匿察兀兒之東北
馬合魯回回國名是年吾古孫仲端正奉金國命請和親見其事作北使記
其所列番族國名有馬合魯在古途之後乃知馬合魯即此馬魯其察葉哥
及昔刺史皆馬魯國之城名

徒思匿察兀兒城18

十七年壬午春皇子拖雷克徒思薩察兀兒等城 祕史十三云此時拖雷已取了亦魯等城正攻做出黑扯連城至城破方回來與太祖相合

木剌夷國

太祖紀十七年皇子拖雷克徒思薩察兀兒等城還經木剌夷國大掠之太宗紀元年木羅夷國主來朝 世祖紀至元十七年以奉使木剌由國速刺驪等為招討使佩金符十八年奉使木剌由國苦思丁至占城船壞 憲宗紀作末奉由又作沒思宴皆此地也 郭侃傳從宗王旭烈兀西征癸丑至木乃今國 西使託孺端兒城近西南六七里新得國曰木乃奚其木乃奚在西域中最高山悍威脇鄰國霸四十餘年王師既克誅之無遺類 按記文所言指旭烈兀所征時言之若太祖太宗時未至若此也 近鄰氏西征

紀程云木剌奚即木乃奚按西使記其地在馬蘭城之西馬蘭城即今阿富汗國之邁端那城木乃奚在其西不過三四百里今邁端那之西南有木爾哈河西北流入沙漠者與木乃奚音近河畔當是木乃奚之地

棚棚蘭河也里城也

渡棚棚蘭河克也里城 西征紀程云棚棚蘭河疑即阿富汗國侯勒特城之赫里河 西北地附錄有賽蘭當是以棚棚蘭河得名蓋棚棚蘭河即賽蘭河之對音 也里城即秘史亦魯城 穆古刺侍云憲宗朝與也里牙阿速三十人來歸則也里與阿速皆阿羅斯地也 劉祁北使記云至回紇國之益離城即回紇所都 棚棚蘭河即西游記西使記之賽蘭城 黑韃事略云黑韃殘虐諸國已破而無事者西南曰斛速益律子水韃靼也 按益

律即也里之聲轉即賽蘭也

塔里寒寨

十七年皇子拖雷克也里等城遂與帝會合兵攻塔里寒寨拔之 夏避暑
塔里寒寨 西北地附錄有塔里干 祕史太祖于回回王過夏的河勒坛
豁兒桓山嶺處過夏了此時拖雷已取了亦魯城 西征紀程云今波斯
國哥刺森部有特爾寒斯城即塔里寒寨也 按史文作寒非寒字且以祕
史証之與台合勒山寨對音決不可以特爾寒三字譯之且元史如太宗六
年紀律於脫卜寒世祖中統二年紀給阿石寒軍價銀千二百兩以寒名地
者多矣其為寒字無疑

八魯驛

十八年夏避暑八魯彎川皇子朮赤察合台窩闊台及八剌之兵來會遂定西域諸域置連魯花赤 西游錄虎司窩魯赤又西南有芭攬城城邊皆芭攬園故以名其花如杏而微淡 按阿剌瓦而思列傳云太祖征西域駐蹕八瓦耳之地阿剌瓦而思率部曲陣則八魯彎川當在八瓦耳之地 即西北地圻錄之巴瓦兒的也

東印度國口

十九年帝至東印度國角端見班師事亦詳五行志

黑水口

二十一年帝伐西夏取黑水等城夏取甘肅等州 提綱五布隆兀勒河疑古黑自山丹衛西北靖逆廳西南境平地兩源合而北流七十里有小水二

自東來會折而西流有小水八俱南白柳溝衛北流注之又西數十里至雙塔南有小水南自真拖來地北注之又西北流曲曲而西安西府北又西百里至古沙州北境有西拉噶金河自南經州東而北來注之又西北流曲曲而西三百里瀦為巨澤曰哈勒池周六十餘里按布隆九勒即漢時南藉端水西拉噶金即氏置水也

沙陀口

遂逾沙陀至黃河九渡取應里等縣 遼史屬國軍有沙陀 明志甯夏中衛元應理州屬宣夏府路大河在南東南有鳴沙州

黃河九渡口

明志陝西省榆林衛北有大河自甯夏衛北流經此西經舊豐州西折而東

經三受降城南折而南經舊東勝衛又東入山西平虜衛界地可二千里大河三面環之所謂河套也河源州錄忽蘭也里求合流入赤賓其流浸大始名黃河又一二口歧為八九股名也孫幹淪譯言九渡通廣五七里可渡馬鹽州川

冬十一月帝攻靈州駐蹕鹽州川明志陝西靈州元屬靈夏府路南有小

鹽池程大昌北邊備對云漢緣邊九郡五原郡即鹽州

金南京

是歲窩闊台及察罕圍金南京金史南京路國初曰汴京貞元元年更號南京府三領節鎮三防禦八刺史郡八縣百八鎮九十八

積石州

二十二年帝留兵攻夏王城自率師渡河攻積石州
河州枹罕縣積石山今名小積石山在縣北七十里
按河出積石在縣南
羌中注於蒲昌海潛行地下出於積石為中國河故今人目彼山為大積石
此山為小積石 明志臨洮府河州西北有積石州元屬吐蕃宣慰司 河
源增錄河水至貴德州地名必赤里始有州治隸吐蕃宣慰司治河州又
四五日至積石州即為貴積石

臨洮府 仁

三月破臨洮府 元和志崐州後魏改為臨洮郡天寶元年改和政郡上元
二年因羌叛陷於西蕃

六盤山 仁

二十二年閏月避暑六盤山 明志陝西固原州西南有六盤山上有六盤
關東北有清水河出焉 祁韵士萬里行程記固原州瓦亭驛西行二十里
至六盤山愈上愈高山半俗呼貓兒坪山巔有舊驛亭過嶺至隆德縣
清水 薩里川哈老徒 仁

帝次清水縣西江秋七月壬午不豫己丑崩於薩里川哈老徒之行宮金
志鳳翔路泰縣清水宋舊縣有中隴山嵯冢山渭水 前文云帝麾下擲只
別居薩里河又帝疑汪罕有異志退師薩里河 明宗紀天曆二年六月次
撒里之地

起顰谷 仁

葬起顰谷 元自太祖太宗以下至泰定帝皆葬起顰谷 宋徐霆黑韃事

略云霍見咸沒真之墓在瀘溝河之側山水環繞相傳云咸沒真生於此故
死葬於此未知果否馮一鵬塞外雜云元太祖陵在河套中間不封不樹
深埋於地下葬後放馬十萬匹使平艸長了無痕迹然後制去之按諸書
多以元太祖陵在今歸化城或在河套然攷之周伯琦扈從詩序則徐霆之
說為是周伯琦扈從詩後序云車駕幸上都以六月十四日晏七月九日望
祭園陵竣事屬車皆南向釋典也遂以二十二日發上都而南云云據此則
元人乃北望臚胸河舊都而祭陵然則起輦谷在故都無疑矣

元史地名攷

順德李文田撰

元和胡玉縉錄

霍博二

太宗本紀自霍博之地來會喪 睿宗列傳太祖崩太宗留霍博之地國事屬拖雷任之 西北地附錄有可不里

忽魯班雪不只

元年己丑夏至忽魯班雪不只之地皇弟拖雷來見 輟耕錄太宗即位於忽魯班雪不只之地

曲雕阿蘭

以太祖遺詔即位於庫鐵烏阿剌里此與下文闊帖烏阿剌里本是一地其地近斡難河而在克魯倫河之南

庫鐵烏阿刺里

見上 憲宗紀諸王大會於濶帖兀阿蘭共推即位於斡難河
伊思八刺約城

酋長來降 西北地冊錄有亦思法抗

斡兒寒河

二年春與諸王獵於斡兒寒河六年會諸王宴射於斡兒寒河即鄂爾昆河
塔密兒河

二年夏避暑於塔密兒河秋七月自將南伐 憲宗紀六年夏四月馬蹕於
塔密兒五月幸苦刺兀魯朵 提綱二十三他米勒河亦曰塔米兒河南源
出杭愛山北麓在鄂勒昆河之西三湖合二水皆會又東北始曰他米兒河

又東北與北源會北源出枯庫東麓在杭愛山西三百里東北流三湘合又東北始曰他米勒河又東北會鄂勒昆河元史嚴實傳庚寅四月朝太宗於牛心之幄殿牛心蓋塔密兒河上之山名也是時米城和林

九十九泉

夏五月避暑者於九十九泉遼志遼州天德軍有大鹽澤九十九泉沒越澤古蹟曰青冢即王昭君墓張鵬使俄羅斯行程錄葉不孫郭兒地稍平行清水北流有九十九泉元太宗嘗避暑於此其水發源官山流為黑河云是蒙古祖塚

南京

四年速不台圍南京金主遣弟入朝帝留速不台守河南五年金西面元

帥崔立殺留守完顏奴申以南京降 南京已前見

官山

出居庸關避暑官山 睿宗拖雷列傳出北口住夏於官山 特薛禪傳葬
官人山 金志西京路大同府宣甯縣有官山 宋彭大雅黑韃事略云居
庸關北如官山金蓮川等處雖六月亦雪

江華島

高麗殺所置官吏徙居江華島八月撒禮塔復征高麗 明人所傳覺華島
即其地也 提綱卷一海西經松山杏山 又西經甯遠縣東南水口口東
有桃花菊花二島菊花即明覺華島也

納蘭赤刺溫

四年獵於納蘭赤刺溫 是年九月帝還龍庭則此地乃和林左近之地納蘭河名武宗大德十一年以納蘭不剌糧販近飢民土土哈傳敗海都之將於蘭不剌 納蘭之河上其他有赤刺溫山也此與武宗紀及土土哈傳之納蘭皆隸和林附近之地

鐵列都

五年二月幸鐵列都之地 太祖紀帝復伐薛徹大丑追至帖烈徒之隘即其地也 故秦赤烏部蓋在大漠之偏東蓋萬奴故女貞地也 北邊備對回紇部其先匈奴也後呼鐵勒 按鐵列與帖烈皆鐵勒之聲轉 又按鐵勒亦有兩部元史天文志云鐵勒北極出地五十五度此北匈奴之地非唐書回紇也

青城川

速不台進至青城崔立以金太后王氏后徒單氏及梁王荆王至軍中遂入
南京青城者汴梁城外之地

兀必思地川

五年秋獵兀必思地

阿魯兀忽可吾川

五年冬帝至阿魯兀忽可吾行宮 世祖至元七年紀賑兀魯吾民戶鈔疑

即其地

達蘭達葩川

六年五月帝在達蘭達葩大會諸王百僚諭條令達葩者山嶺之名此山名

達蘭故曰達蘭達葩 醉隱集達蘭河河名也在和林北百餘里云云據此則達蘭山乃達蘭河所出即今年所住之荅蘭荅八思之地 定宗紀皇后臨朝會諸王百官於荅蘭荅八思之地即此達蘭達思之對音

八里荅蘭荅八思川

六年秋於八里荅蘭荅八思之地議伐宋 定宗紀太宗崩皇后臨朝會諸王百官於荅蘭荅八思之地議立帝 察罕傳太宗即位從略河南北還清水荅蘭荅八思之地則八里里者八刺河漢語乃清水二字也西番語謂河為里 太祖初起於八刺忽又駐軍於荅蘭版朱思之野此云八里里當即八刺合黑河番語以河為里也荅蘭荅八思即荅蘭版朱思之異文譯云有緩急故每有異字耳

脫卜寒地

六年冬獵脫卜寒地

和林

七年城和林世祖紀元年阿里不哥僭號於和林城西按坦河至元十一年徙生劄軍八十一人屯田和林仁宗皇慶元年改和林省為山嶺北省又改和林路為和甯路醉隱集取和林詩注云和林城必似可汗之故地也歲乙未聖朝太宗皇帝城此作萬安宮城西北七十里有必似可汗宮城遺址城東北七十里有唐明皇開元壬申御製御書闕特勤碑提綱二十三色楞格河自喀爾喀西北杭愛山頂之西南大幹諸山發源南北源既會東流又東曲曲百數十里有阿义河注之北岸有山疑即元時和林上都地

山水迴合西十四度一二分極四十九度三分所云嶺北當指賽址山及庫
庫齊老圖諸嶺又東有哈喇烏倫河經納馬納山西麓而南來注之烏倫疑
即和林之轉聲然則此河之東色楞格河之北即古和林城也 又云鄂勒
昆河源有二一出杭愛南麓曰姑洛河一自北麓東南流曰阿木勒稽烏林
塔河西十四度六分極四十六度八分亦作烏里雅思台河北地元時屬和
林疑烏林烏里皆和林音之轉也

揭揭察合之澤

九年春十年夏十一年春十二年春均獵於揭揭察合之澤 提綱三十二
鄂勒昆河東北流折西北二百里有爾馬台河自西南來會亦曰朱勒馬台
河出額黑鐵木兒山南麓東南流繞布庫鐵木兒山足三面東北流曲曲二

百餘里渚為池曰蔡子郭模廣數十里 後卷憲宗紀作怯蹇义罕即其地

也

欽察

蒙哥征欽察部擒其酋八赤蠻 憲宗紀嘗攻欽察其酋八赤蠻逃於海島

西北地附錄有欽察

醉隱集麇沆馬桐也以馬乳為酒愈桐治則味愈

甘甘謂之麇沆奄蔡語也奄蔡西漢西域傳無有

大宛傳宛王昧蔡師古

曰蔡千葛切書二百里蔡毛晃韵葛蔡葛切廣韵亦然奄蔡蔡千葛切為是

今有其種率皆從事桐馬

按耶律鑄以欽察二字不古當仍寫漢書之奄

蔡而讀為欽察耳

沈氏云欽察部近寬田苦鬼海在韓嶽思之西阿

婦鄰城

遠之北臨帆樓五十二里

九年四月築埽鄰城 輟耕錄內八府宰相條有云埽鄰者宮門外院官會集處也

迦堅茶寒殿

作迦堅茶寒殿

憲宗紀三年獵於怯蹇义罕之地

殿在揭揭察罕澤上

故曰揭揭察罕殿察罕者白也湖水色白此湖亦名揭揭腦兒轉寫亦作顯

顯腦兒也

憲宗紀云云即此殿明宗紀次潔堅察罕之地亦即此地也

地志云太宗乙未年城和林作萬安宮丁酉治迦堅茶寒殿在和林北七十

餘里

野馬川

九年十月獵野馬川幸龍庭遂至行宮 定宗元年獵黃羊於野馬川 明

岷峨山人譯語野馬川在宣府西路膳房堡外 輟耕錄回紇有木曰鎖鎖
燒之經年不滅且不作灰

圖蘇湖城 迎駕殿

十年獵於揭揭察合之澤築圖蘇湖城 揭揭察哈即前文迦堅茶寒殿所
由命名也此於澤畔再築一城而名曰迎駕則在中站可知 地志云戊戌
營圖蘇湖迎駕殿去和林城三十餘里

阿蘇子

十一年蒙哥圍阿蘇後怯思城闕三月拔之 西北地志錄云阿速亦以水
為名今俄羅斯阿速海 明文外國傳阿速近天方撒馬兒罕幅員甚廣城
倚山面川南流入海有魚鹽之利不宜耕牧 又沙哈魯在阿速西海島

中

蔑怯思城子

見上 昔里鈴部傳作滅怯思 土土哈傳作麥怯斯拔都兒傳作麥冬思
明艾儒略職方外紀有莫斯科未亞國此城當即其地

西域子

皇子貴由克西域未下諸部 耶律希亮傳云葉密里城乃定宗潛邸湯沐
之邑也云云意當時克西域時所居與

鉏鐵鐸胡蘭山上

十三年十一月大獵遂至鉏鐵鐸胡蘭山遲明崩於行宮 憲宗紀諸王大
會於闊帖兀阿蘭共推即位於斡難河此紀之鉏鐵鐸胡蘭山即斡難河之

濶帖兀阿蘭也

輟耕錄太宗崩於胡蘭山

木柵山

定宗紀從諸王拔都西征次阿速境攻圍木柵山寨以三十餘人與戰帝及
憲宗與馬耶律希亮傳云至葉密里城乃定宗潛邸今按定宗本紀無此
地蓋史氏失傳又按葉密與野馬二字聲轉定宗紀元年冬獵黃羊於野
馬川其地据輟耕錄以為回紇之地出鎮鎮木若火鼠布疑此或即葉密里
城也

荅蘭荅八思

太宗后會諸王議立帝即太宗議伐宋之地見六年紀詳見前達蘭達葩下
汪吉宿滅禿里

元年七月即皇帝位於汪古宿滅禿里之地帝雖御極而朝政猶出於六皇后云 泰定二年紀五花城宿滅禿拙只干麻兀三驛飢賑糧二千石不知即此宿滅克否

曲律淮黑哈速

二年夏避暑於曲律淮黑哈速之地秋西巡 孛禿傳世祖命忽憐復征薛徹至曲列兒塔兀兒二河之間

棚思孛部

命野里知吉帶率此部征西

橫相乙兒

帝崩於橫相乙兒之地 輟耕錄作崩於胡眉斜陽吉兒之地胡眉者橫字

之轉斜陽者相字之轉吉兒與乙兒亦音近

黃忽答部三

憲宗紀黃忽答部知天象者言帝大貴 輟耕錄蒙古七十二種有晃忽攏

又有晃兀攏皆此部也

火魯剌部

火魯剌部女火里差為妃 輟耕錄色目三十一種有火里刺

幹羅思

與諸王拔都征幹羅斯部 三年遣必闊別兒等括幹羅斯戶口七年以馬
馬刺真之子乞解為達魯花赤鎮守幹羅思

也烈贊城

至也烈贊城躬自搏戰破之 昔里鈴部從諸王拔都征幹羅斯至也里贊城

阿剌脫忽刺兀

定宗崩諸王大會於阿剌脫忽刺兀之地 秘史四札木合領著三萬人越過阿剌兀惕土兒合兀的嶺似即此地

濶帖兀阿蘭

元年諸王大會共推即皇帝位於幹難河濶帖兀阿蘭之地 明宗紀戊申次濶朵傑阿剌倫與此音近蓋一地也其地距哈里溫山相去一站在合刺合納之北 紀云即位於幹難河 輟耕錄直云即位於濶帖兀阿蘭則此地即在幹難河上也

別失八里

別失八里等處行營書省事

二年分遷諸王合丹於別石八里地十五年

征別十八里軍士免其徭役

醉隱集庭州詩注庭州唐北庭都護府也輪

臺隸焉俗號五城之地別石把里突厥語也別石華言五也八里華言城也

輟耕錄云高麗以北地名別十八罪人之流奴兒干者必經之其地有狗

站云云此正諸王合丹所遷之別石八里在五國城地今之甯古塔也西

北地附錄之別失八里則今之烏什及烏克蘇也祁韻士西域釋地烏什

元明為巴什伯里即別失八里又曰阿克蘇元明為巴什伯里地今名烏什

及阿克蘇明史外國傳別失八里西域大國也南接于闐北連瓦剌西抵

撒馬兒罕東抵火州東南距嘉峪關三千七百里

阿母河

阿母河行尚書省事 西游錄云蒲華之西有大河西入於海其西有五里
健城 祕史過阿梅河至兀籠格赤城 西征紀程漢書有大月氏過大宛
西擊大夏而臣之都媯水北為王庭媯水今之阿母河 明陳使西域記失
迭里迷在撒馬兒罕西南城在阿木河東岸西多蘆林獅子所產處也

失灰川

二年事失灰 按紀上年六月即位於幹難河失灰之地與河不遠 明史
韃靼傳永樂二十年阿魯台大入興和於是詔親征之阿魯台盡棄輜車馬
畜於濶濶海測以其孥直北遁明年秋帝分部甯陽侯陳懋為先鋒至宿崑
山不見敵此紀失灰即大漠之宿崑山也

末來吉兒都怯寨

遣乞都不花攻末來吉兒都怯寨 七年春乞都不花等討末來吉兒都怯寨平之 世祖紀二十九年立末來府於雲南金齒之地此末來即木來地志木來軍民府至元二十九年立

海押立

分遷諸王海都於海押立地 速不台傳有哈咂里山 此即今俄羅斯國地也

曲兒只

分別兒哥於曲兒只地 速不台傳略也迷里霍只部也迷里即葉密立霍只即曲只也

葉密立川

分脫脫於葉密立地 耶律希亮傳云至葉密里城乃定宗潛邸 按希亮
元人且為楚材之孫鑄之子世有文采習知掌故所稱必不差謬而求之定
宗紀無此地名元史疏略非一至於葉密里城即此葉密立則可推矣 西
域釋地額密爾河在塔爾巴哈台城南七十里河有兩源會合西入阿拉克
圖琥勒諾爾

沒脫赤川

謫失烈門也速字里等於沒脫赤之地 此沒脫赤者疑即耶律希亮傳之
字劣撒里以其與諸人所遷者皆相近易防護也

大理川

二年七月命忽必烈征大理 三年十二月大理平

身毒

二年七月命禿兒花等征身毒

沒里奚

怯的不花征沒里奚 即太祖紀之本刺夷國 西使記云殢埽兒城近西
南新得國曰木乃奚又云木乃奚在西域中最高為凶悍威脅鄰國四十餘年
劉祁吾古孫仲端北使記云興定四年冬十二月初出北界行西北向地
浸高並身國前七八千里山之東水盡東山之西水盡西地浸下又前四五
千里地甚煩懣城百餘皆非漢名訪其人有磨里奚

素丹

旭烈征西域素丹諸國

月帖古忽蘭

帝駐蹕於月帖古忽蘭之地因獵傷臂地近幹難河即元年諸王大會之
濶帖兀阿蘭也急讀之則聲一轍矣

哈里發

三年命諸王旭烈兀及兀良合台征西域哈里發八年諸王旭烈兀討回
回哈里發平之發音讀如撥今謂之阿剌伯者即其地也八年旭烈兀禽
哈里發王而憲宗紀二年之末忽書是歲諸王旭烈兀薨何以征西域耶此
真駁文也伯顏傳至元初旭烈兀遣伯顏入奏事世祖曰非諸侯王臣也其
留事朕是世祖平宋之前稱旭烈兀無日不經營西域安得憲宗時已死哉

此真荒唐也 劉祁北使記成於太祖十六年稱吾古孫仲端游歷有航里塊

八哈塔 欣都思 怯失迷兒

命諸王旭烈兀等征西域哈里發八哈塔等國 又命塔塔兒帶等征欣都思及怯失迷兒等國 西北地附錄有八哈刺國 欣都思今印度 怯失迷兒西北地附錄作怯失今印度北有克什米爾即其地

火兒忽納要不花

帝幸火兒忽納要不花之地 火兒忽即秘史八之幹兒豁水今鄂勒渾河之聲轉也

軍腦兒

三年秋幸軍腦兒 七年秋駐蹕於軍腦兒醴馬乳祭天 兵志馬政篇塔
刺木連等處有地名軍腦兒劉郁西使記有昏木犂

武刺×

九月忽必烈次武刺征大理 世祖紀九月壬寅次武刺 明志雲南省有
底兀刺宣慰使司永樂二十二年置蓋即武刺

汪吉地×

十二月帝直蹕汪吉地 太宗紀即位於汪吉宿滅禿里之地 輟耕錄太
宗即位於蒼蘭答八思則汪吉宿滅禿里與蒼蘭答八思為一處明矣 又
泰定二年紀有宿滅禿一驛則汪吉是總名宿滅禿是汪吉之中一地名也
此紀稱汪吉者蓋地與和林相近

永山 東州 春州 三角山 楊根 天龍城

均宗王耶虎等攻拔高麗之地名

月兒滅怯

四年夏幸月兒滅怯之地 五年春幸月兒滅怯土 六年會諸王於欲兒

陌哥都之地宴六十日 七年六月會於怯魯連之地還幸月兒滅怯土

兵志屯田篇世祖至元十七年十二月月兒魯官人言近於滅捏怯土赤納

赤高州忽蘭若班等處改置驛傳云云

札刺亦兒

遣札刺亦兒部人火兒赤征高麗

也滅干哈里义海

冬大獵於也滅干哈里義海之地忽必烈還自大理留兀良合台攻諸夷之未附者

顯顯腦兒 日月山

是歲會諸王於顯顯腦兒之西祭天於日月山 西游錄云自回鶻五城渡黑水河西北至庫克腦兒譯言青海子也 按庫克腦兒即顯顯腦兒之對音 列傳四十七徐世隆傳壬子世祖在潛邸召見於日月山時方圖征雲南 金史易州寶山縣北五百餘里有日月山大定二年改名抹白山國語抹白塞山云云按抹白者漢語刎脖子字本塞地故金人更名為厭勝計時世祖潛邸以日月之名吉祥故稱日月山不用金名 口北三廳志云元史憲宗紀日月山當在今蘇尼特郡王境內

塔密兒

六年夏四月駐蹕於塔密兒之地 即今之塔米爾河也 張德輝紀行作
塌末河其地在和林川之西北馬頭山之西南

昔刺兀魯朵

五月幸昔刺兀魯朵 蒙語昔刺黃也兀魯朵行宮也此兀魯朵即張德輝
紀行之帳殿在峻嶺北即阿勒坦山 元柳貫集有觀失刺幹耳朵詩注云
失刺幹耳朵深廣可容數十人云云據柳所詠則上京之帳殿也此年夏四
月駐蹕塔密兒河則五月未能至上都所云幹耳朵者當屬和林耳

解亦兒阿塔

六月幸解亦兒阿塔 輟耕錄蒙古七十一種有塔一兒當即居此山也與

解亦兒三字音合

白蠻_二

兀良合討白蠻平之 按上年命兀良合台帥師征西域 白蠻者白面之
蠻今西人自名白人顏注漢書所謂深目高鼻狀如獼猴者也

昔八兒地_二

兀良合台自昔八兒地還至重慶府 昔八兒地蓋白蠻地也今俄國有悉
畢爾斯科猶沿其名 祕史自失必兒等種以南林木百姓拙赤多收捕了
今俄國有錫伯利部 盛京有錫伯大率西域以此稱東土也猶鮮卑之遺

音矣

阿塔哈帖

乞兒蠻_二

六年冬駐蹕阿塔哈帖 博爾忽傳世祖謂曰卿宜移軍阿荅罕三撒海之地阿荅罕似是山名其地在金山之北此阿塔哈帖蓋亦近此山下其地名乞兒蠻也

阿木河

以此地回回降民分賜諸王百官 即元年紀之阿母河

忽蘭也兒吉

七年春幸忽蘭也兒吉詔諸王征宋 太祖紀有忽蘭蓋側山 召烈台抄兀兒傳有忽蘭也兒吉之地 伯帖木兒傳哈丹王叛轉戰至忽蘭葉兒其地在明安倫城之北 忽蘭也兒吉地在沙漠中召烈台抄兀兒傳哈刺赤等部居堅河之濱忽蘭也兒吉之地堅河即唐書所謂室建河古之黑水又

曰完水又即太祖紀之斡難河也此地既在堅河之濱是以知為沙漠中地也

漠南 玉龍棧上

冬帝度漠南至於玉龍棧以明年忽必烈征鄂則此時來迎在漠南也四年忽必烈還自大理及六年遣沒兒合石詣欲兒陌哥都則世祖數年在漠南之南此玉龍棧乃漠南地世祖本紀歲丁巳冬十二月入覲於也可迭烈孫之地則玉龍棧之別名為也可迭烈孫初非玉龍傑赤此漠南地也

也里本朵哈上

八年春幸也里本朵哈之地

也里海牙上

帝獵於也里海牙地師南征次於河帝自將伐宋由西蜀以入 大德十一年改也里合牙營田司為屯田運糧萬戶府

瓜忽都四

世祖紀憲宗即位同母弟惟帝最長且賢故屬以漠南地軍國庶事遂南駐瓜忽都之地 甲寅至自大理 冬駐瓜忽都之地 下文云壬子帝駐桓撫間上文云憲宗盡以漠南漢地軍國庶事屬之則瓜忽都在漠南桓撫間也 郝經傳世祖以皇弟開邸金蓮川 按金史桓州曷里許東川更名金蓮川有涼陁白灤則瓜忽都即金蓮川也 高士奇集閣書圖東山產五色石甚佳

桓撫間

壬子帝駐桓撫間 甲寅至自大理駐桓撫間 乙卯復駐桓撫間 一統志桓州故城在多倫諾爾牧廠北舊開平城之西南土人呼為庫爾圖巴爾哈孫城直獨石口東北一百八十六里城北周八里已毀明初置桓州驛于此所謂開平西南之第一驛也 又曰興和故城在張家口外太僕寺左翼牧廠西南二十里至張家口百里本金時撫州

曲先惱兒

歲壬子夏六月入覲憲宗於曲先惱兒之地 按憲宗紀是年壬子夏駐蹕和林則曲先惱兒即和林之海子也 百官志七曲先塔林都元帥西負

撫州

甲寅復立撫州 三年十一月升撫州為隆興府宣德之懷安天成及威甯

高原隸焉

奉聖州

乙卯冬駐奉聖州北 至元三年十月降德興府為奉聖州 成宗元貞元年命札剌而忽都虎所部戶居於奉聖雲州者與民均供徭役 遼志奉聖州屬西京道本唐新州後唐置團練使總山海八軍石晉高祖割獻太宗改

州

桓州東灤水北

命僧子聰相地桓州東灤水北 名臣事略引劉東忠文集序上命公相宅公以桓州東灤水北之龍岡卜云其吉厥既得卜則經營不三年而畢務命曰開平尋升為上都 元史河渠志灤河源出金蓮川中由松亭北經遷安

東平州西瀕灤州入海也王曾北行錄云自偏積嶺四十里過烏灤河東有
灤州因河為名

開平府

丙辰城開平府 戊午年禡牙於開平東 中統元年春車駕至此諸王勸
進帝三讓即位四年升開平府為上都其達魯花赤為上都路達魯花赤總
管為上都路總管兼開平府尹 天文志上都北極出地四十三度

合刺八刺合孫

丙辰冬 至元譯語謂城曰八刺合孫 地志謂和林之西有合刺和林河
以此得名則此合刺城蓋和林城之別名

也可迭烈孫

丁巳十二月入覲於也可迭烈孫之地 憲宗紀丁巳年帝度漠南至於玉龍棧則此即玉龍棧之本名 也可蒙古語第一也 金志部族節度使凡八部其末一部為迪烈孟古部族 順帝至元五年紀有紐阿迭烈孫

按坦河上

和林城西阿里不哥僭號於按坦河 阿剌兀思剔吉忽里傳中統初討阿里不哥於按檀火爾歡之地今按火爾歡即鄂爾渾河也

撫州沙井 靖州魚兒灤上

詔燕京西京北京三路宣撫司運米十萬石輸開平及撫州沙井靖州魚兒灤以備軍儲 周伯琦扈從北行前記云察罕腦兒有沙井甘潔

北京上

詔北京運米十萬石 金使地志北京路府四 大定府大定縣倚 方輿
紀要大甯廢衛金曰北京

中都三

七月帝自將討阿里不哥勅劉天麟規措中都析津驛傳馬 二年詔霍木
海自得勝口至中都 中統五年詔燕京為中都 至元九年改中都為大
都此武宗以前所稱中都均燕都也武宗以後別有中都在興和路宣德府
西北至順帝後圯毀 永樂北征錄云興和城之沙城宜牧馬者也 金志
中都路遼會同元年為南京開泰元年號燕京海陵貞元元年定都以燕為
列國之名不當為京師遂改為中都

轉都兄哥三

元年九月丁卯帝在此以阿里不哥速命下詔諭中外帝自將討阿里不哥則此由開平至和林之驛站也 史天澤傳云扈從太祖征阿里不哥次昔木土之地據彼傳文則世祖實至昔木土之地 轉都兒哥及昔光者昔木土左右之地 丁卯與戊午相去五十日

昔光三

十月戊午車駕駐昔光之地 十一月至自和林 此亦和林近地故是年至和林移蹕燕京近郊

字關奚片

罷諸路拘收字關奚 兵志屯田云世祖至元二十二年以大甯遼陽平灤諸路拘刷漏籍放良字關奚人戶及僧道還俗者立屯於瑞州之西瀕海荒

地 元劉燠隱居通議三十一有北士吳助教陳定本十六條有云州料有
字歌孫之偏枯頭匹有不蘭奚之乾沒係管頭匹牲口之人戶

火少里

賑火少里驛戶之乏食者 火少者火燒之對音 遼志宏州屬西京道統
和中道有白登山亦曰火燒山有火井 方輿紀要元廢蔚州以蔚州屬宏
州宏州今直隸宣府鎮廢順聖西城是在蔚州西北九十里

鴨綠江

巴思答兒乞於高麗鴨綠江西立互市從之 三年命婆婆府屯田移駐鴨
綠江之西以防海道 婆婆府滿洲源流攷改曰博索府博索府路即賈耽
所紀之泊汊口泊汊城在鴨綠江海口不遠也 遼志涿州軍節度李高麗

故國渤海號西京鴨綠府

開元女直水達達上

以賈文備為開元女直水達達等處宣撫使 以開元路隸北京宣撫司二年罷十路宣撫司止存開元路 至元八年簽女直水達達

沙井 魚兒泊上

勅西京運糧於沙井北京運糧於魚兒泊 前文沙井屬撫州 中統二年詔指揮使董文炳率善射者千人由魚兒泊赴行在所 金史地志撫州章宗明昌三年為桓州支郡治桑遠大定十年隸宣德州後來屬有魚兒泊

阿石寨上

給阿石寨申價銀千二百兩

宣德州 四

括西京西路官民有壯馬皆從軍令宣德州楊庭訓統之 中統三年陝西
言西京宣德太原匠軍困乏

豐州尋麻林 四

金志豐州屬西京路縣一有黑山神山 明志東勝衛西北有豐州元屬大
同路洪武中廢 張鵬翮俄羅斯行程錄至歸化城次日入城觀甸碑碑曰
豐之為郡其來舊矣地名九原雲朔三輔控御方面之劇金置天德軍節度
使鎮守焉郡南負郭黑河青塚古蹟猶存北山名祁連 大德二年罷尋麻
林酒稅羨餘 明志懷安衛元懷安縣屬興和路洪武三年屬興和府永樂
元年直隸後軍都督府北有尋麻嶺 明李實奏使錄亦作尋麻嶺 廣羣

芳譜蝎子州塞外多有之高四五尺觸之即腫即殺州一名莽麻杜工部有
除穀州詩郭郭守敬傳至元二十五年有言灤河自永平挽舟踰山而上可
至開平有言盧溝白麻峪可至莽麻林朝廷遣守敬相視灤河既不可行盧
溝舟亦不通乃罷

平灤

東至平灤 三年勅阿海分兵戍平灤海口

潮河州

李伯祐率餘兵屯潮河川帝由檀順州駐潮河川 提綱三白河東北源曰
潮河出古北口外西北御馬廠地南大山雨水東南流而合
得勝口

二年十月詔霍木海乞帶自得勝口至中都 金志撫州蔡遠縣有得勝州
舊名北望淀大定二十年更 周伯琦扈從詩序得勝口宣德宣平縣境也
有御花園

古北口

詔塔察兒率軍士萬人由古北口西使道赴行在 二十年車駕由古北口
至上都 金志順州屬中都路密雲遼檀州武威軍有古北口國語留斡
周氏扈從詩前序兩都相望不滿千里往來者有四道焉曰驛路曰東路
二曰西路東路二者一由黑谷一由古北口

昔木土腦兒

中統二年十一月壬戌大兵與阿里不哥遇於昔木土腦兒之地諸王合丹

等破之至元四年封昔本土山為武定山其神曰武定公泉為靈淵其神曰靈淵侯按史天澤傳云扈從世祖征阿里不哥次昔本土之地則扈從諸臣既至昔本土然則世祖亦親征至昔本土明矣昔本土其地在和林之南特薛禪傳云由昔本土與阿里不哥之黨戰追北至索維克禿斬首萬級所謂索維克禿者即明宗紀之必忒怯禿也以明宗行程攷之在鄂勒渾河之東在和林南蓋二百餘里醉隱集凱樂歌詞曲注云析木臺西北藩王弄兵取敗之戰所也云云按析木臺即昔本土

帖買和來以

中統二年十一月癸酉駐蹕帖買和來之地下文云帝親將諸萬戶漢軍由檀順州駐潮河州則此帖買和來乃居庸口左近之地即特薛禪傳送沒

可兒四字之對音蓋即周伯琦扈從記之統幕又即王惲中堂事記之統幕
店也此與潮河州隔一二百里之地

居庸口亦

尚書怯烈門率軍從麥肖出居庸口駐宣德德興府 金志昌平縣屬中都
大興府有居庸關國名查刺合攀

興州亦

訥懷從阿忽帶出古北口駐興州 金志興州屬北京路縣二興化甯興

速木合打亦

移蹕速木合打之地 遼志順州懷柔縣開元二年置松漠府彈汗州隋開
皇中粟末靺鞨與高麗戰不勝厥稽部長突地稽率八部內附置順州以處

之

懷來

詔漢軍屯懷來晉山 金志德興府媯川縣遼汗州遼太祖名縣曰懷戎又
更名懷來 明昌六年更名

蓋利泊

以昌撫蓋利泊薦罹兵革免今歲租賦 至元十八年昌州及蓋利泊民飢
給鈔賑之 金史地志撫州縣有蓋里泊 口北三廳志蓋里泊在興
和故城西 邱氏西游記北過撫州十五日東北過蓋里泊盡邱垤蓋鹵地
始見人烟二十餘家

元史地名攷

順德李文田撰

元和胡玉縉錄

興州 松州 雲州 五

中統三年以興松雲三州隸上都 四年升上都望雲縣為雲州松山縣為松州 口北三廳志今獨石口外自龍門所塘子口以北乃元雲州之東境自滴水崖盤道口以南至珍珠泉大水峪皆元興松二州之西境也

平瀼海口 東京廣甯

三年勅阿海分兵戍平瀼海口及東京廣甯 提綱一海至直隸自山海關南又西經撫甯縣東南又西經昌黎東南又西經樂亭縣之齊家莊為永平府之灤河口又西有小水口又西經灤州南 金志東京路遼陽府東留守司縣四 又廣甯府屬北京路縣三

木速蠻畏吾兒也里可溫 答失蠻

三年括木速蠻畏吾兒也里可溫答失蠻等戶丁為兵 西游錄尋思干乃
謀速魯蠻種落梭里檀所都 西游記至阿里馬城鋪速滿國王來迎宿於
西果園 三年始以畏吾子書給驛 八年勅往畏吾兒地市米萬石 西
北地增錄畏兀兒地至元二十年立畏兀兒四處站及交鈔 輟耕錄九奇
疾條廣惠司卿聶只兒乃也里可溫

北京

括北京鷹坊等戶丁為兵 金志北京路大定府遼中京金初因之海陵貞
元元年更為北京

弘州

徙弘州錦工繡女於京師 遼志宏州博甯軍屬西京道 金志宏州下刺
史本襄陰村遼統和中建國初置保甯軍後廢軍

金州

勅河東兩路元括金州兵付鄭鼎將之 金志復州屬東京路有化成縣貞
祐四年升為金州興定二年升為防禦

望雲驛

免松山興州望雲縣新舊差賦以望雲松山興州課程隸開平府勅非軍情
毋行望雲驛

龍門

中統三年西京宣德威甯龍門霜 至元二十八年升宣德龍門鎮為望雲

縣割隸雲州置望雲銀冶 金志宣德州及德興府之龍門縣並屬西京路
遼志龍門縣屬奉聖州有龍門山石壁對峙高數百尺望之若門徼外諸
河及沙漠潦水皆於此趨海雨則俄頃水踰千仞晴則清淺可涉實塞北控
扼之衝要也

女直 *

禁女直侵軼高麗國民 至元二十一年定假軍官格例以河西回回畏吾
兒等依各官品充萬戶府達魯花赤同蒙古人女直契丹同漢人若女直契
丹生西北不通漢語者同蒙古人女直生長漢地者同漢人

槍杆嶺 *

三年立槍杆嶺驛以便轉輸 明葉盛八城詩序云長安嶺即舊槍杆嶺亦

名森乾嶺

應州_二

勅河西民徙居應州給牛具 金志應州屬西京路領縣三金城山陰渾源
隆興府_二

三年升撫州為隆興府四年命董文炳以所獲宋諜赴隆興府撫州帝之潛
邸故升為隆興州

興隆路_二

割北京興州隸開平府建行宮於興隆路 四年十月初置隆興路驛興
隆當是隆興誤倒

上都_二

四年升開平為上都丙申立上都馬步驛至元二年二月丁巳車駕幸上都八月車駕至自上都以後年年如此至元三年建大安閣於上都鑿金口導盧溝水以漕西山木石二十四年帝自將攻乃顏發上都案乃顏反於是年四月乃顏分地在廣甯本字魯古歹之孫也見地理志案字魯古歹即別里古台也有傳大清一統志上都牧廠東北灤河北岸巴哈呼爾虎之麓土人呼為金臺蘇默城直獨石口東北二百二十五里

野狐嶺

四年禁野狐嶺行營民毋入南北口畜牧二十五年駐蹕野狐嶺又大駕次此明朱詔本地圖綜要野狐嶺在萬全右衛勢高峻風烈雁飛觸地

宣德府

四年升宣德州為宣德府隸上都至元五年以德興府改奉聖州隸宣德
金志宣德州大定七年更為宣化八年後更為宣德統縣二宣德宣平

雙塔河上

至元元年發阿海軍疏雙塔漕渠河渠志雙塔河源出昌平縣孟村一畝
泉經雙塔店而東至豐善村入榆河

吉里迷

至元元年征骨菟先是吉里迷內附言其國東有骨菟亦里於兩部歲來侵
疆故往征之至元十二年命開元宣撫司賑吉里迷新附飢民金史地
理志金之壤地封疆東極吉里迷兀的改諸野人之境元食貨志歲課篇
朱砂水銀在北京者至元十一年命蒙古都喜以恤品人戶於吉里迷之地

採煉 明志三萬衛元開元路洪武初廢二十年十二月置三萬衛於故城
西兼置元者野人乞例迷女直軍民府乞例迷即吉里迷也

謙謙州六

至元二年勅徙鎮海百里八謙謙州諸色匠戶於中都給銀萬五千兩為行
費 六年二月賑久州人匠貧乏者 七年徙謙州甲匠於松山給牛具
至元十八年謙州織工百四十二戶貧乏以粟給之 西北地埴錄謙州亦
以水為名賈塔刺澤傳師還至謙謙州即古烏孫國 雙溪醉隱集有伯里
行原注云伯哩山名也遼多伯哩者即此遼多亦是山名地在和林西南崐
余山又在其南據雙溪所云似是此紀之百里八蓋和林距謙州本不遠故
同時命遷也

匣荅路

城西番匣荅路 至元十二年紀成哈荅城 十三年以吐蕃合荅城為甯遠府則所謂匣荅路者即哈荅城之本名今四川甯遠府也

八東乞兒部

八東乞兒部牙西來朝貢銀鼠皮二千

恤品

至元三年立東京廣甯懿州開元恤品合懶婆娑寺路宣撫司 金志恤品路節度使遼時為率賓府置刺史本率賓故地太宗天會二年以阿懶路都掌事所居地瘠遂遷於此 食貨志至元十一年命蒙古都喜以恤品人戶於吉思迷之地採煉朱沙水銀

德興府

至元三年十月降德興府為奉聖州 金志德興府屬西京路晉新州遼奉聖州武定軍節度國初因之大安元年升為府名德興領縣六順帝紀後至元四年地震改奉聖州為保安州

茶速禿

四年立茶速禿水十四驛 永樂北征錄玉帶川即柴禿富平鎮即兀思禿案柴禿當即茶速禿之省文以北征錄攷之去兀兒禿一站兀兒禿者桓州故城一統志所謂庫爾圖巴爾哈縣城者也

大都城

至元四年城中都 九年改中都為大都 金志中都路遼會同元年為南

京開泰元年號燕京 海陵貞元元年改中都

東勝二

至元四年七月自中興至西京之東勝立水驛十 金志西京路東勝州下
邊刺史國初置武興軍有古東勝城領縣一 方輿紀要東勝州故城在大
同府西五百里 明史太祖諸子遼簡王植傳云洪武三十年命都督楊文
督衛士繕治遼府城郭宮室復圖西北沿邊要害示植與甯王權諭之曰自
東勝以西至甯夏河西察罕腦兒東勝以東至大同宣府開平又東南至大
甯又東至遼東抵鴨綠江北至大漠又自雁門關外西抵黃河渡河至察罕
腦兒又東至紫荆關又東至居庸關及古北口又東至山海衛云云

亦即納三

至元四年七月詔亦即納新附貧民從人借貸官為償之 二十二年分甘
州屯田軍於亦集乃之地 亦即納即亦集乃路之對音也
中興路文

至元四年中嚴西夏中興等路僧尼道士商稅酒醋之禁
別怯赤山文

至元四年制國用司言別怯赤山石絨織為布火不能然詔采之 姦臣阿
合馬傳別怯赤山出石絨織為布火不能然請遣官採取案此即野馬川之
瑣瑣木已見前

遼東水驛文

四年立遼東路水驛七

東京

六年以懿州廣甯等府隸東京 金志東京路遼陽府東京留守司其懿州

廣甯金志屬北京路

東甯府 慈悲嶺七

至元七年高麗西京內屬改東甯府畫慈悲嶺為界 十二年升高麗東甯

府為路 事亦見宋史新編

兀魯吾

至元七年振兀魯吾民戶鈔 太宗紀五年冬帝幸阿魯兀忽可吾行宮即

兀魯兀惕

撫甯縣

至元七年復平灤路撫甯縣以海山昌黎入之 金志撫甯海山昌黎三縣均屬中都路之平州

應昌府

至元七年振應昌府饑又云設應昌官吏 特穆禪傳至元七年斡羅陳請於上都東北三百里谷兒海子駐夏之地建城邑以居世祖從之遂名其城為應昌府二十二年升應昌路

黃忽兒川

至元七年諸王拜答寒部曲告飢命有車馬者徙居黃忽兒玉良之地 鐵哥列傳初詔遣宋新附民種蒲萄於野馬川見火兒不刺之地鐵哥以北方多寒奏賜衣服蓋地近和林令其赴此處耕屯田耳 至元十九年紀有晃

兀兒似一地 至元二十六年紀作黃兀兒月良又至元二十八年紀作晃
火兒月連皆一地也

興中府

七年降興中府為州 金志興中府屬北京路本庚營州城遼太祖遷漢民
以實之曰霸州重熙十一年升為府更名

婆娑府 義州

七年以義州隸婆娑府 地理志元初以廣甯府婆娑府懿州蓋州作四路
直隸行中書省至元十七年又以婆娑府懿州蓋州屬遼陽廢婆娑府為巡
檢司 滿洲源疏攷曰博索府應在鳳凰城東一百餘里義州今義州地
案地理志義州屬大甯路蓋廢婆娑府為巡檢司故割隸也

高良河

建大護國仁王寺於高良河十一年建成
宋路振乘輶錄孫和館五十里
出北安門十里高梁河

珍島

高麗安撫阿海略地珍島謀知珍島餘糧將竭
八年命高麗發軍征珍島

沙州瓜州

八年以沙州瓜州鷹坊三百人充軍
十一年在沙州北陸驛三明志沙州
衛元沙州路屬甘肅行省西有瓜州元屬沙州路洪武初廢

全羅道

八年高麗叛臣裴仲孫願得全羅道以居
至元九年調兵增戍全羅州

地理志征東等處行中書省領勸課使五有全羅州道

韓端三

八年招集河西韓端昂吉阿居民 十一年四月詔安慰韓端等城 十七年也罕的斤進征韓端 二十五年海都犯邊也不干入寇以忽撒馬丁為管領甘肅陝西屯田達魯花赤督韓端可失合兒工匠五十戶屯田

昂吉阿三

八年招集此地居民

怯鹿難下

至元九年初拔都軍於怯鹿難之地開渠耕田 怯鹿難蓋即克魯倫河也

乞里吉思上

至元九年減乞里吉思屯田所入租 十九年七月發米賑乞里吉思貧民
二十年吏部尚書劉好禮以吉里吉思風俗來上 二十六年乞兒吉思
戶居和林驗其貧者賑之 成宗元貞元年徙縉山所居乞里吉思等民於
山東 大德九年給脫脫所部乞而谷思民糧 金劉祁北使記曰興定四
年七月詔遣禮部侍郎吾古孫仲端使於北朝翰林待制安庭珍副之至五
年十月復命自夏國七八千里山之東水盡東山之西水亦西地浸下又前
四五千里歷城百餘皆非漢名訪其人有磨里奚有磨可里有乞里迄斯乃

蠻

獅子國八

至元十年詔遣持金十萬西市藥獅子國

于闐

至元十一年立于闐鴉兒看兩城水驛十三見于闐采玉工差役 明史外國于闐古國名自漢迄宋皆通中國隋唐時倭并戎盧于彌梁勒皮山諸國其地益大南距蔥嶺二百餘東北去嘉峪關六千三百里大略蔥嶺以南撒馬兒罕最大以北于闐最大

鴉兒看

十一年立于闐鴉兒看水驛十三 四月詔安慰幹端鴉兒看合失合兒等城 耶律希亮傳作也里虔城 鴉兒看與于闐幹端連文此今和闐相近地也又與合失合兒連文此今喀什噶爾相近地也必葉爾羌矣俞浩云雅兒堪亦見元史疑即葉爾羌 乾隆府廳州縣志葉爾羌在土魯番西南二

千餘里領之北即古于闐國于闐河在城北今名塔里母河 和韻士西域
釋地葉爾羌漢莎車國唐以後併入于闐本名普爾奇木或稱葉爾欽葉爾
謂土宇奇木急呼為羌廣大之謂言其土宇廣大也

土番國

十一年帝師八合思八歸土番國 後文泰定帝記以珠字詔賜帝師所居
撒思加部則所謂土番國者蓋即撒思加部也

合失合兒

十一年詔安慰幹端鴉兒看合失合兒等城 二十五年以忽撒馬丁督幹
端可失合兒工匠五十戶屯田 西北地增錄作可失哈耳 曷思麥里
傳作可失哈兒 耶律希亮傳作可失哈里城 明史外國傳哈實哈兒亦

西域小部落

八達山北

至元十二年以三衛新附生養軍赴八達山屯田 十三年王孝忠以罪命往八答山採寶玉 西北地附錄已達哈傷地今名已達克山 明史外國傳八答黑商在俺都淮東北城周十餘里山川明秀浮圖壯麗如王居

合答城九川

十三年以瓦吉刺帶母漢所部五百戍哈答城 十三年以吐蕃合答城為甯遠府蓋即前文之厘答路 兵志鎮戍條世祖至元十一年十二月調四川王安撫楊摠帥軍與火尼赤相合母漢黃元刺同鎮守合答之地 阿力麻里之地

至元十四年諸王昔里吉誅北平王於阿力麻里之地械繫右丞相安童誘
脅諸王以叛使通好於海都海都弗納東道諸王亦弗從遂率西道諸王至
和林城北詔伯顏帥師禦之十九年正月時皇子北平王以軍鎮阿里麻
里之地諸王昔里吉等謀劫北平王以叛二十一年丁巳皇子北平王南
木合至自北邊王以至元八年建幕庭於和林北野里麻里之地據二十
一年紀知阿力麻里之地在和林城北西北地埵錄諸王海都行營於阿
力麻里等處蓋其分地也自上都西北行六千里至回鶻五城唐號北庭置
都護府又西北行四五百里至阿力麻里至元五年海都叛舉兵南來世祖
逆敗之於北庭又追至阿力麻里則又遠遁二千餘里上令勿追以皇子北
平王統諸軍於阿力麻里以鎮之命丞相安童往輔之 乾隆府廳州縣志

伊犁元為阿勒穆爾地

別十八里十日

至元十五年征別十八里冬十月振別十八里日忽思等饑民十八年四月自太和嶺至別十八里置新驛三十二十年給別十八里屯田軍戰輿二十三年樞密言臣等議別十八里軍事聽伯顏節制十月遣侍衛新附兵千人屯田別十八里置元帥府即其地總之憲宗元年作別失八里輟耕錄別失八華言連五城也祁韻士西域釋地云阿克蘇漢及北魏為溫宿國元明為別失八里至京師萬三百餘里

日忽思 三

至元十五年振別十八里日忽思等饑民今阿克蘇左近地

四川

至元十六年正月壬戌分川蜀為四道以成都等路為四川西道廣元等路為四川北道重慶等路為四川南道順慶等路為四川東道並立宣慰司此四川命名之始

脫里北

至元十六年二月癸卯發嘉定軍屯田脫里北之地

桑乾河

十六年封桑乾河洪濟公為顯應洪濟公 金志西京路大同府大同縣有桑乾河 宋路振來輶錄云桑根河繞幽州城桑乾訛曰根也

龍門鎮

十六年改宣德府龍門鎮復為縣 遼志龍門縣屬西京道奉聖州有龍門山

朵哥麻思

至元十六年以此地之算木多城為鎮西府 此蓋四川徼外地

算木多城

見上條

和州十一

至元十七年合刺所部和州等城為叛兵所掠者賜鈔給之 二十年立別十八里和州等處宣慰司

察罕腦兒

至元十七年五月作行宮於察罕腦兒 十九年廢察罕腦兒軍千人治魯
山道 二十七年命帝師坐靜於茶罕腦兒 至大三年立宣慰司都元帥
府於察罕腦兒之地 元周伯琦扈從者行前記曰察罕腦兒漢言白海深
不可測氣皆白霧 元王惲中堂事記由察罕腦兒亂灤河而北至東北土
樓下泉流縈紆沙草氍毹茂極利畜牧蓋金人駐夏金蓮涼陞一帶遼人曰王
國產者也云云則察罕腦兒在灤河之南岸 周伯琦扈從詩後序發上都
宿六十里店明日過桓州至李陵臺驛雖厠兒又明日至明安驛泥河兒翼
旦至察罕腦兒由此轉西至懷禿腦兒有大海在納鉢後懷禿腦兒猶漢言
後悔也土人名為鴛鴦灤 口北三廳志突林諾爾在獨石口北一百四十
里周四十餘里距紅城北二十里疑即元之察罕腦兒也 承德府志察罕

諾爾在上都南少西

北庭都護府三

至元十七年置鎮北庭都護府於畏吾境以脫脫木兒等領其事 十八年
二月乙酉改畏吾斷事官為北庭都護府成宗元貞元年立北庭都元帥府
西北地附錄畏兀兒地 至元二十年立畏吾兒四處站及交鈔又云自
上都西北行六千里至回鶻五城唐號北庭都護府至元五年海都叛興兵
南來世祖逆敗之於北庭又追至阿力麻里

太和嶺二

至元十八年四月自太和嶺至別十八里置新驛三十 七月以忻都戍太
和嶺所將蒙古軍還復令漢軍戍守

烏木拔都怯兒文

至元十八年勅賽典赤火尼赤分管此處民戶

怯憐口

至元十八年賜怯憐口及四幹耳朵下與范文虎將士羊馬衣服幣帛有差

本紀中言怯憐口者不可勝計百官志察罕腦兒等處提領所提領掌

怯憐口地方隸察罕腦兒長官司百官志上都設大宗正府秩從一品其

斷事官札魯忽赤管上都所屬蒙古人怯憐軍站色目與漢人相犯者悉歸

處斷兵志屯田篇至元十九年以軍站屯戶拍收為怯憐口戶計放還而

無所歸者籍為屯戶名臣事略耶律楚材傳時諸王大臣及諸將校所得

駝口往往寄留諸郡幾居天下之半公因奏括戶口皆籍為編氓駝口即怯

憐口 案怯憐口亦作駝口蒙古語奴婢也輟耕錄蒙古色目人之奴婢總
曰駝口國初平定諸國俘到男女匹配為夫婦而所生子女永為奴婢故買
良為駝者有禁奴婢止可互相婚娶不許聘娶良家

干不昔國上

至元十八年詔諭干不昔國來歸附

柳林十二

至元十九年二月幸柳林 元柳林在灤州

晃兀兒

至元十九年收晃兀兒塔海民匠九百五十三戶入官 上文至元七年紀
作黃忽兒

龍虎臺

至元十九年大駕駐蹕於龍虎臺 周伯琦扈從北行前記龍虎臺有納鉢
漢言頓宿所此昌平境又名新店距京師僅百里 楊允孚滌京雜詠詩注
龍虎臺納寶地也凡車駕行幸速頓之所謂之納寶又名納鉢

木速蠻

至元十九年又管領木速蠻馬合馬亦奉表赴闕

曲先

十九年十一月分元帥恭公直軍戍曲先 二十年遣阿塔海戍曲先成宗
元貞元年立曲先塔林都元帥府 曲先地在金山北之和林 耶律希亮
傳由苦先城至哈刺火州出伊州涉大漠以還入覲上都苦先即曲先其地

在大州北 明史外國傳曲先衛東接安定在肅州西南古西戎漢西羌唐吐蕃元設曲先峇林元帥府

禿烈禿

至元二十年勅於禿烈禿等富戶內貸牛六百頭給乞里吉思之貧乏者

禿烈禿者幹羅斯之對音字

慙答孫

二十年流叛賊陳弔眼叔陳桂龍於慙答孫之地 二十一年從慙答孫請

移阿剌帶和林屯田軍與其所部相合屯田五河

狗國十三

至元二十一年命開元宣慰司造船百艘付狗國戍軍 輟耕錄高麗以北

名別十八罪人流奴兒干必經此地征東行省每歲委官至奴兒干給散因糧須用站車每車以四狗挽之狗悉諸人性站有狗分例若減尅之必囓其主者至死乃已

欽察 康里

二十一年五月從禿禿合言立二千石總欽察康里子弟願為國宣勞者禿禿合即吐吐哈也有傳

雙城

二十一年命也速帶兒所部軍六千人淘金雙城 二十九年高麗女真界前雙城告飢勅高麗王於海運內以粟賑之 案雙城有二賑粟之雙城在遼東淘金之雙城在今多倫廳屬 王惲中堂事記十月入宣德州十二日

癸酉宿青麓十三日定邊城十四日抵權場金初南北互市之所也是夜露宿雙城十五日早察罕腦兒北今直隸多倫諾爾廳地口北三廳志雙城即金史所謂燕子城北羊城之間也

亦集乃

二十二年分甘州屯田新附軍三百人田於亦集乃之地二十五年甘肅發新附軍屯田亦集乃乃鹽台傳云自甘州又千餘里始達亦集乃路而甯夏距亦集乃僅千里明史韃靼傳征西將軍馮勝遂由亦集乃路至瓜沙州連敗王保保之軍輟耕錄亦集乃路在西北方有山曰塞占山北多龍湫土人欲有所事則投之

羅不怯台 閣鄺十四

二十三年立羅不怯台及闡鄺輯端等驛 此今和闐近地也

朵魯朵海

二十三年斡答孫言軍士乞振贍宜於朵魯朵海驗虛實 成宗大德二年
賜朵魯朵海所部鈔八十五萬錠 牙忽都傳有朵兒朵哈上其功語此或
朵兒朵哈分地

合思罕

二十三年以新附軍千人屯田合思罕關東曠地 大金國志契丹恐女直
為患誘豪右數千家處之遼陽之南而著籍焉分其勢使不得與本國通謂
之合蘇款 金志昌蘇館路屬上京路有化成關國言曰曷撒罕首

欽察衛

二十三年立欽察衛親軍都指揮使司

咸平府

二十三年徙東京行中書省於咸平府 二十四年諸王失都兒所部鐵哥率其黨取咸平府渡遼欲劫取家懿州勅以北京戍軍千人赴之又乃顏黨失都兒犯咸平宣慰塔出從皇子兵出瀋州亦兒撒合分兵趣懿州其黨悉平 明志廣甯衛元廣甯府路北有懿州元屬遼陽路 金志咸平府屬上京咸平路縣八平郭倚舊名咸平大定七年更 方輿紀要簡賢遼咸平廢縣在今鐵嶺縣境案乃顏之黨失都兒所部鐵哥率其黨取咸平府者今盛京開元鐵嶺地也 塔北從今奉天府迎擊之亦兒撒合從懿州路站迎擊至今之鐵嶺縣等處平之也乃顏於壬午二十四年反是年六月世祖親

征七月平紫平亦暫平耳

遼陽

二十三年能遼陽等處行中書省復北京咸平等宣慰司

八都兒

二十三年八都兒飢民六百戶駐八剌忽思之地 二十七年只深所部八

剌忽思等飢民命甯夏給米賑之

八剌忽思之地

二十三年給米千石賑八都兒飢民

合迷里

二十三年賜合迷里及合剌和州民牛種合迷里加賜幣帛千匹 二十四

年以別十八里漢軍屯田合迷里玉連曲之地業玉連曲者合迷里之小地名也 二十五年合速裏民飢種不入土 二十六年合木里飢命甘肅省發米千石賑之 成宗大德八年詔諸路畏吾兒合迷里自相訟者歸都護府 案今哈密地也五行志至元二十六年合木裏部飢 明史外國傳哈密里地近甘肅元諸王兀納失里居之

亦里黑

二十三年徙成甘州軍千人屯田中興千人屯田亦里黑 二十五年海都將暗但著以兵犯葉里干腦兒元帥阿里帶戰卻之疑亦里黑即葉里干之對音也 中興者即和林地 明宗紀云春則命從者耕於野泥此野泥二字即亦里之音轉其地與中興相連故燕鐵木兒傳云即命明里董阿荅刺

麻失里來驛迎明宗於中興 百官志云中統元年世祖遷都中興始置宣慰司都元帥府謂遷都上都而和林始置宣慰也 董文用傳中興自渾都海之亂民間相恐動竄匿山谷謂和林渾渾都海之亂也

阿兒渾

二十三年命塔又兒忽難使阿兒渾 輟耕錄色目三十一種有阿兒渾 明史韃靼傳云李文忠自臚朐河疾馳敗驍子哈刺章於土刺河追及阿魯渾河又追及稱海是阿兒渾即今鄂爾坤河也此阿兒渾部蓋以河得名

宣甯縣

二十三年遣使開宣甯縣饑民周給 金志宣甯縣屬西京路大同府有官山石綠山產礬玉砂

開元 三

二十三年遼東開元饑振糧三月 二十七年合丹寇開元案元之開元即
今奉天府開原縣

唐古衛文

至元二十四年免唐古衛河西地元籍徭賦 輟耕錄色目三十一種有唐

古

女直水達達部文

二十四年弛女直水達達部地弓矢之禁又女直水達達部連歲饑荒免所
輸皮布之半 二十九年遼陽水達達女直饑詔忽都不花趣海運給之

霍心部文

至元二十四年雍古部饑發米賑之 輟耕錄有雍古歹

涼陁

至元二十四年章涼陁 唐書突厥列傳左羽林大將軍孫佺等與奚戰冷陁為奚所執 金志桓州昌里許東川更名金蓮川景明宮在涼陁 王惲中堂事記由察罕腦兒亂灤河而北至東北土樓下泉流縈紆揭衣可涉沙草氍毹極利畜牧按地志蓋金人駐夏金蓮涼陁一帶遼人曰王國崖者也 距雙城七十里

太子河

二十四年遼東饑弛太子河捕魚禁 金志東京遼陽府遼陽縣東梁河國名兀魯忽必刺俗名太子河 提綱二太子河即古大梁水源出 興京西

南葦子村峪柳邊界日他呵羅河西南流經東京城南遼陽州城北又西與

渾河合

馬八兒國

二十四年馬八兒國遣使進奇獸一類騾而巨名阿塔必即

豐州

二十四年復立豐州亦刺真站 金志豐州天德軍節度使屬西京路遼寧

軍名應天尋復領縣一富民

撒兒都魯之地

二十四年六月征乃顏至撒兒都魯之地敗之 鐵哥傳從征乃顏至撒兒
都叛王塔不台率兵奄至鐵哥奏令帝張曲蓋路胡床鐵哥從容進酒塔不

台疑有伏遂引去云云据此則甚險則移駐之千大利必在撒兒都魯之西可知矣蓋帝亦有戒心也 又洪福源傳作撒里禿魯即此撒兒都魯也彼傳云六月至撒里禿魯是月至乃顏之地計師行自西而東則撒兒都魯地在乃顏之西

千大利幹魯脫之地

二十四年六月征乃顏車駕駐千大利幹魯脫之地 洪福源傳中有失刺幹耳朵語則此幹魯脫者即幹耳朵之異文千大利即失刺也蒙古語失刺黃也猶漢語黃帳殿也

豪州

二十四年移北京道按察使置豪州

潘州

二十四年潘州飢又經乃顏叛兵克今歲絲銀祖賦 金志潘州昭德軍本
遼定理府遼太宗時置軍曰興遼後為昭德軍節度使金明昌四年改刺史
縣五

河西務

二十四年置河西務馬站 二十六年發武衛親軍濬河西務至通州漕渠
元制河西務屬通州 元河渠志運糧河隄自楊村至河西務三十餘處
業今制武清縣屬順天府有河西務主簿一員河西務巡檢一員
八立渾

二十五年海都犯邊掌吉舉兵叛諸王拜答兒追之至八立渾 徹里傳奉

命同客省使拔都兒等往八兒胡之地

怯烈河 黃土山

二十五年浚怯烈河以溉口溫腦兒黃土山民田 周伯琦扈從北行前記
龍門黑石頭之北有站名黃土嶺此紀云黃土山蓋即其地

口溫腦兒

見上條 二十六年六月戊申朔發侍衛軍二千入濬口溫腦兒河渠 大
德元年給可溫種田戶耕牛 明史韃靼傳洪武五年命左副將軍李文忠
征王保保文忠東出居庸至口溫元將葉營遁

宏吉刺站

二十五年立宏吉刺站 又命上都募人運米萬石赴和林應昌府運米三

萬石給宏吉刺軍 二十六年從斃吉利民戶貧乏者就食六盤宏吉刺站
者時薛禪所居之地在潢水之南潢水之西者也輟耕錄蒙古七十二種有
永吉列思有斃吉刺歹斃吉歹蓋皆其族

建州上

二十五年復立咸平至建州四驛 又床哥里合兵犯建州殺三百餘人
咸平大震 金志建州保靖軍遼初名軍曰武宣後更名建州金因之

業里干腦兒上

二十五年海都將暗伯著暖以兵犯業里干腦兒元帥阿里帶戰卻之 耶
律希亮傳有也里虔城杭忽思傳有押里

許泥百牙上

二十五年駐蹕許泥百牙之地

孛羅海腦兒

二十五年六月庚辰車駕次此九月癸未朔即次野狐嶺旋至大都則此腦兒去野狐不遠只四站也邊堠紀行扼胡嶺之後即至孛羅海則孛羅海者孛羅嶺北之海子即狗泊也口北三廳志威鹵驛城蒙古名波羅河屯猶華言青城也在明安城東北六十里

兀良合

二十五年兀良合飢民多殍死

朵郎不帶之地

二十五年十二月丙子也速不花以昔列門叛甘肅行省官約諸王八八拜

蒼卒駟馬昌言合兵計之皆自縛請罪獨昔列門以其屬西走追至朵郎不帶之地邀而獲之歸於京師

沙院片

二十六年發兵塞沙院 備海都諸叛王也

鐵烈兒河片

發兵塞沙院開鐵烈兒河 提綱二十五布塞山即忒勒兒即嶺南幹盡處東南有一河北自忒勒兒即嶺東南流來會

鼎延驛下

二十六年立威平至鼎延驛十五所 癸丑愛牙合赤請以所部軍屯田威平懿州以省糧餉 柳邊紀略明朵顏衛自開平起至山海關止此鼎延驛

蓋明三衛稱朵顏之對音

胡魯口下

二十六年正月合丹入寇 二月丁卯寇胡魯口開元路治中兀顏牙兀格

戰連日破之

狗站下

二十六年命塔海廢忽都不花等所部軍屯狗站北以禦寇 成宗大德四年併遼陽省所轄狗站為一此備合丹也 兵志凡站陸則以馬以牛或以驢或以車而水則以舟遼東狗站亦附見云 洋英宗延祐七年狗站注

昂兀刺下

二十六年發大同宣德等路民築倉於昂兀刺 口北三廳志鴛鴦灤在興

和北明時稱集甯海子今呼昂古立腦兒者即金之鴛鴦泊也蒙古言昂古立猶華言鴻雁義頗相類

托吾兒河

二十六年諸王乃璽帶敗合丹兵於托吾兒河提綱二十五嬾泥江古名難水亦曰那河東南經枯魯駙之西南拉必兒忒地東有洮兒河亦曰拖羅河自西合諸山水匯為拖拉渾地來會科沁部之巨川也亦曰桃爾河案此水今名洮爾河元祕史卷十三合撒兒領右手軍討語兒河回舊營中間亦有語字則元人口音與今微異然漸為此河也

折連怯兒

二十六年乙亥金剛奴寇折連怯兒兵志馬政篇作折連怯景兒後北

征錄雙泉海即撒里怯兒元太祖發迹之所云云此折連怯兒當即其地

黃兀兒

二十六年黃兀兒月良等驛乏食以鈔賑之又給鈔賑黃兀兒月良站人戶
二十八年發兵塞晃火兒月連地河渠鐵哥傳有晃火兒不利蓋其地
以水得名在回紇野馬川也至元七年紀命有車馬者徙居黃忽兒玉良
之地計口給糧無車馬者就食肅沙甘州

望都榛子

二十六年罷平州望都榛子二驛望都據松漢紀聞當是雙望榛子鎮

金志在灤州石城縣國朝以來奉天驛尚有榛子鎮永平府屬亦有雙望

站馬

木鄰站

二十六年木鄰站經亂乏食 成宗元貞二年木鄰等九站飢以米六百餘石賑之後文仁宗延祐紀中屢賑木鄰等驛蓋上都至和林必由之站也 泰定帝元年木憐撒兒驛部及北邊蒙古戶饑賑糧鈔有差 地理志元貞元年於和甯路北方立站帖里干木隣納隣等一百一十九處

禿木合

二十六年禿木合之地霜殺稼 王惲中堂事記統募店店北舊有統軍墓故名 周伯琦扈從北行後記統募去阻車納鉢廿里與中路驛程相合而南楊榮後北征記次土木 提綱云桑乾河經懷來縣土木驛在水東十數里

禿魯花片

二十六年禿魯花之地飢輟耕錄色目三十一種有禿魯花武宗紀大德十一年唐兀禿魯等軍乏食發粟賑之兵志或取諸侯將校子弟充軍曰質子軍又曰禿魯華軍又世祖中統四年詔統軍司及萬戶千戶遵太祖之制令各官以子弟入朝充禿魯花其制萬戶禿魯花一名馬十匹牛一具種田人四名千戶見管軍五百或五百以上者禿魯花一名其家富強子弟健壯者亦出禿魯花一名萬戶千戶子弟充禿魯花者挈妻子同至

甘木里十六

二十七年章吉寇甘木里諸王亦伯拜答寒亦憐真斡走之輟耕錄色目三十一種有甘木里

亦乞烈

二十七年呂至魯言招集韓者所屬亦乞烈令屯田遼陽行省給之食
輟耕錄蒙古七十二種有亦乞列歹 太祖紀云亦乞烈部人孛徒

伯要

二十七年伯要民乏食命撒的迷失以車五百兩運米千石賑之 祕史有
伯牙兀歹后妃傳有伯岳吾氏輟耕錄有伯要歹是伯要為蒙古之一族

納鄰

納鄰等站戶飢 至元十五年禁使人經行納鄰驛

老鼠山西

二十七年駐蹕老鼠山西 郝經集沙院行曰老鼠山陰界牆北隱隱磷磷

起沙磧坡陀瀾漫重復重舊樂新尖宛如一

瓦法_一

闕里鐵木兒與合丹戰於瓦法破之 瓦法地當在遼東境

苦鹽_二

二十七年隆興苦鹽_二等驛飢 成宗元貞元年賜章河至苦鹽貧乏驛戶

鈔 周伯琦扈從北行後記苦水河兒屬興和路遼志西京道豐州有大鹽

樂

山後_三

二十七年禁山後釀酒二十八年嚴山後酒禁 成宗元貞元年以隕霜賑
安西王山後民米萬石 金志西京路大同府西京留守司晉雲州大同軍

遼重熙十三年升為西京府名大同金因之皇統元年以燕京路隸尚書省
西京及山後諸部族隸元帥府

雙城 婆婆府

二十七年詔乃蠻帶分成雙城及婆婆府城防合丹兵 金志雙城屬潘州
婆婆府路金初置統軍司天德二年置總管府

茶罕腦兒 雙泉

二十七年命帝師坐靜於茶罕腦兒桓州南屏庵雙泉等所 周伯琦扈從
北行前記曰察罕腦兒漢言白海深不可測氣皆白霧 天歷二年八月遣
道士毛穎遠祭遁甲神於上都南屏山 遼史本紀道宗太康二年正月駐
蹕雙泉樂口北三廳志引明人讀雪鎮志雙水泉子在獨石口東北

斡古

二十八年以札散充充合摠兵於斡古之地命有司供其軍需勅大同路發米振斡古飢民即汪古也祕史有汪古種元史汪世顯傳系出旺古族又阿剌兀思剔吉忽里傳汪古部人又輟耕錄色目三十一種有雍古多

列兀難

二十八年以列兀難粳米振給貧民

大口

二十八年幸上都月次大口周伯琦扈從北行記大駕北巡上京啟行

後即至大口方到白土辰店

牙兒馬兀

乃顏所屬牙兒馬兀等同女直五百人追殺內附民 山名也柳邊紀略引
明實錄永樂十四年八月詔命女直鎖奴兀為亦馬忽山衛指揮使哈散哈
為亦馬忽山衛指揮同知

呂連站下

呂連站木赤五十戶飢

武平下

振遼陽武平饑民 金志武平縣屬北京路大定府遼新州統和間更為武
安州皇統三年降縣大定七年更名承安三年隸高州泰和四年來屬

闊里吉思下

二十八年振闊里吉思飢民 泰定元年紀有火兒火思之地

晃火兒月連地下

二十八年發兵塞晃火兒月連地河渠 至元七年拜答寒部饑命有車馬者徙居黃忽兒玉良 即二十六年黃兀兒月良等驛

寬河

二十八年賑上都桓州武平寬河官德西站女直等站飢民 皇慶元年遼陽省增置灤陽寬河驛 提綱盛京灤河東南流有寬河自東北合諸水來會寬河即豹河其上源則西爾哈河也

白塔

二十八年建白塔二各高一丈二尺以居呪師桑四的性吉等七人 以周伯琦扈從北行前記校之白塔兒一站在額家營之北而沙嶺之南 五行

志至正二十八年六月大都大聖壽萬安寺災其殿脊東轆轤口火燄出佛
身上亦火起帝聞之泣下此寺舊名白塔自世祖以來為百官習儀之所殿
陛欄楯一如內廷之制

外刺

二十八年立乞里台思至外刺等六驛

塔义兒

二十八年塔义兒帶民飢發米賑之給按答兒民戶四月糧

午平

二十九年午平地震 即上年武平

赤城

二十九年桓州至赤城站戶告飢 明朱紹本地圖綜要赤城堡在甯府東北屬万全司有赤城山山石俱赤

合敦奴孫

二十九年三月詔遣脫忽思儂獨赤普剌門至合敦奴孫界與駙馬闊里吉
思議行屯田 遼史鎮州本古可敦城東南至上京三千餘里方輿紀要廢
鎮州在臨潢西北三千餘里

杭海

三十年新正月和林漢軍四百留百人餘令耕屯杭海 成宗元貞元年以
從世祖狩杭海功賜諸王忽剌出金五十兩珠一串 太祖紀太陽罕營於
沆海山

合里賓下

三十年置遼陽路慶雲至合里賓二十八驛 金志胡里改路北至邊界合里賓貳千戶一千五百里 至治二年紀作合里賓

耽羅 鴨渌江下

詔沿海置水驛自耽羅至鴨渌江口凡十一所 地理志至元三十年沿海立水驛自耽羅至鴨渌江并楊村海口凡十二所

合思合

三十年以只兒合忽所汰乞兒吉思戶七百屯田合思合之地 上年設征東招討司出征女直議於合思罕三千新附軍選撥千人此即合思罕也 又前文二十三年以新附軍千人屯田合思罕關東曠地合思罕即曷蘇款

其地在遼陽之南此皆備合丹黨也

阿合兀蘭

勅以桑哥沒入官田給阿合兀蘭所司匠戶

元史地名攷

順德李文田撰

元和胡玉緝錄

安西十八

成宗紀至元三十一年賜西安王阿難答鈔祁剌士西域釋地庫車漢龜
茲國唐置安西都護府於此

困赤禿

三十一年給困赤禿出征軍士鈔

肇州

三十一年罷肇州宣慰司併入遼東道劉哈刺八都魯傳世祖曰乃顏故
地曰阿八剌忽產魚吾今立城而以兀速熱哈納思乞里吉思三部人居之
名其城曰肇州云云

隆興_二

三十一年中書省言上都隆興西京應昌甘肅等處糴糧鈔 明志興和守
禦千戶所元隆興路直隸中書省皇慶元年改為興和路

應昌_二

見上條 元貞二年以虎賁三百人戍應昌 特薛禪列傳韓羅陳及妃囊
加真公主請於朝在上都東北三百里答兒海子建城邑遂名其城為應昌
府 二十二年改應昌路 元貞元年以應昌路東七百里馬冬之地新建
城邑為金甯路

兀魯思_片

成宗元貞元年諸王也只里以兵五千人戍兀魯思界遣使來求馬不允

西北地附錄作幹羅思又作阿羅思

禿禿合

元貞元年以禿禿合所部貧乏賜鈔 卽列傳之土土哈

縉山

元年徙縉山所居乞里吉思民於山東 仁宗紀皇慶元年縉山縣行宮建

涼殿 金志德興府有縉山縣 周伯琦扈從詩前序縉山乃軒轅縉雲氏

山山下地沃衍宜粟粒甚大歲供內膳今名龍慶州者仁廟降誕其地故也

稱海

元貞二年給稱海屯田軍農具 武宗大德十一年罷和林宣慰司置行中

書省及稱海宣慰司都元帥府和林總管府 仁宗至大四年命和林行省

右承經理稱海屯田 稱海蓋近和林之海子 元史地理志和甯路元貞
元年於六衛漢軍內撥一千人赴稱海屯田 明史韃靼傳李文忠敗蠻子
哈剌章於土刺河追及阿魯渾河又追及稱海獲元太子官屬子孫并軍士
家屬千八百餘送京師 稱海二字莫詳於許有壬集鎮海碑丞相名鎮海
即稱海系出怯烈氏或曰本田姓至朔方始氏怯烈或曰實怯烈族時同名
者三因主屯田故加田別之太祖命闕凡里羊歡地為屯田且城之因公名
名其地曰鎮海又曰稱海俾公守焉 案凡里羊歡即今鄂勒渾河

大口

元貞二年幸上都次大口太宗紀八年忠至中都三道兵還遂舍屯大口
周伯琦扈從詩集前序大駕北巡啟行至大口留信宿歷皇后店皂角至龍

虎臺背納鉢猶漢言頓宿所也又大口詩題注云大口有三大坵土人謂之
三疣疽距都北門三十里

合亦而川

二年命也真薩閣罕駐夏於合亦而之地

安同泊

二年聖誕節帝駐蹕於此受諸王百官賀 近上都地 扈從詩後序上都
南六十里店過桓州至李陵臺驛又由察罕腦兒有大海在納鉢後懷禿腦
兒猶漢言後海也曰平院兒曰石頂河兒土人名為兒央灤其地南北皆水
灤勢如湖海以其雨水故名兒央灤此蓋即安同泊也

五條河上

大德元年摘和林漢軍置屯田於五條河 英宗延祐七年改置梅海五條河屯田 地理志和甯路至元二十年令兩京宣慰司送牛一千赴和林屯田二十二年并和林屯田入五條河

可溫

成宗紀大德元年給可溫種田戶耕牛 可溫即至元廿五年廿六年紀之口溫腦兒也明史韃靼傳洪武五年命李文忠出居庸至口溫元將毒營遁乃率輕騎自驢胸河疾馳敗驤子哈剌章於土拉河

柳林

大德元年敗於柳林三年車駕幸柳林 英宗至治元年敗於柳林敕更造行宮 又至治三年大風拔柳林行宮内外大木一千七百 据至順元年

紀築朔州柳林海子堤堰始知元代柳林在大都路之朔州 又百官志八
至正十八年東安朔州柳林日有有警報四隅俱立大都分府

五臺山 三

大德元年五臺山佛寺成 英宗延祐七年禁五臺山樵採 至治二年車
駕幸五臺山 金志代州五臺縣有五臺山

亦乞列文

大德元年亦乞列等二站飢振米 特薛禪傳與亦乞列思為鄰

朵思麻文

大德元年賜朵思麻一十三站貧民五十餘錠 大德十一年以禮店蒙古
萬戶屬土番宣慰司非便仍舊隸脫思麻宣慰司防守陝州 紫脫思麻即

朵思麻也

鐵里干文

大德元年賑鐵里干十四站飢戶 按鐵里干地有驛站與木鄰等驛皆自和林至上都者也地理志嶺北等處和甯路元貞元年立站帖里干木鄰納鄰等一百十九處

八兒思禿

大德元年以八兒思禿食糧隸上都留守司 輟耕錄已而思條云已而思國言虎也

朵甘思

大德元年以朵甘思十九站貧乏賜馬牛羊有差 地理志陝西等處行中

書省為州二十七禮店文州蒙古漢兒軍民元帥府注云自河州以下至此
多缺其餘如朵甘思烏思藏積石州之類尚多載籍疏略莫能詳錄 潘昂
霄河海志河源在吐蕃朵甘思西部有泉百餘泓名火敦腦兒 火敦譯言
星宿也

紅城下

大德元年從大同路軍儲於紅城 一統志明安廢驛土人呼為紅城子亦
名五藍城五藍華言紅也在獨石口北一百里

合刺魯下

大德元年從襄陽屯田合刺魯軍於南陽給種牛田具 合刺魯者畏吾種
人也 元祕史卷九乃蠻古出魯克過委兀魯種去

兩都 16

大德二年給兩都八刺合赤各三萬錠 兩都謂大都上都也 周伯琦扈從詩序大抵兩都相望不滿十里往來有四道曰驛路曰東路三曰西路東路二者一由黑谷一由古北口也

阻媯 17

大德二年九月己丑聖誕節駐蹕於此受諸王百官賀 泰定紀至治三年車駕次於中都丙申次於祖媯辛丑至大都 王惲中堂事記榆林驛大山北環蒼莽沙磧蓋古媯川地也 周伯琦扈從北行後記雷家驛二十里至阻車納鉢又二十里至統幕與中路驛程相合而南云云則阻媯即阻車沒刺由 二十一

大德三年遣番沒刺由羅斛諸國各以方物來貢 沒刺由者南洋諸蠻之
總名今通稱為無來由者也

阿札

大德四年罷稱海屯田改置於阿札之地以農具種實給之以此紀詳之則
阿札去稱海不遠故可改置而稱海又即和林左近之地則阿札去和林又
非遠也

太和嶺

大德四年置西京太和嶺屯田 兵志宿衛篇隆鎮衛條至大四年分諸衛
軍并居庸南北口太和嶺舊滋漢軍屯駐東西四十三處置隆鎮萬戶府
金志朔州屬西京路有鄯陽縣縣有太和嶺

石徑山下

大德六年修盧溝上流石徑山河堤 今石徑峪也宋路振乘輅錄屏山屬涿州多蘭若國業寺石徑院唐舊寺也五天梵文咸刻石於東山之上

黃花嶺

大德六年置大同路黃花嶺屯田 泰定元年罷大同路黃花嶺及崇慶屯田 金志西京路大同府懷仁縣有黃花嶺又應州金城縣有黃瓜堆黃花城又山陰縣有黃花嶺

李陵臺

大德七年振李陵臺等五站戶鈔 中堂事記桓州故城西南有李陵故臺一統志威遠廢驛一名李陵臺

曲尤濠

大德七年命甘肅行省修阿合潭曲尤濠以通漕運
英宗延祐三年徙曲尤倉於赤斤之地 曲尤地屬甘肅其地有倉

和林

大德七年詔大同靜州隆興等路運糧五萬石入和林
八年六月開和林酒禁立酒提舉司 仁宗皇慶元年改和林省為嶺北省五月改和林路為和甯路 延祐七年命儲糧於宣德開平和林諸倉又運和林糧於札是倉以便還軍札是倉 案金史桓州有札實耶律鑄雙溪醉隱集大獵詩注曰禁地園場自和林南越沙地皆濠以塹上羅以繩名曰札什實古之虎落也

金甯府

大德七年升為路 特薛禪傳元貞元年以應昌路東七百里駐冬之地勘
建城邑為金甯府大德元年名其城曰金甯路

薛出合出谷

大德八年命出伯所部軍屯田於薛出合出谷

朵耳思

八年賜西平王興魯赤合帶部民鈔萬錠朵耳思等站戶鈔銀 案大德元
年賜朵甘思十九站馬牛羊有差此朵耳思或仍是朵甘思之諱

斡吉剌

大德九年以斡吉剌部民張道奴等舊為軍者復隸民籍 明志東勝衛元
東勝州屬大同路領千戶所五有斡吉剌千戶所

雷家站口

十年京畿雷家站貢乏給鈔 中堂事記宣德州雷氏驛相距九十里

闊別列廿二

以下武宗紀 大德十一年紀成宗大德四年與海都軍戰於闊別列之地
敗之 似即西北地增錄之可不里今稱為科布多者此三字之聲轉矣

按台山一

大德十一年紀四年十二月軍至按台山乃孛帶部落降十年七月自脫忽
思圖之地踰按台山追叛王幹羅思駐冬按台山降禿曲滅復叛敗之北邊
平十一年自按台山至於和林 脫忽思圖圖字疑當作圖地當在按台山
之南

迭怯里古

武宗本紀補敘大德五年與海都戰於迭怯里古之地
土土哈林兀兒傳
海都兵越金山而南止於鐵堅古山鐵堅古山即此迭怯里古然則其地在
金山南康里脫脫傳所謂次杭海者此其時也然則迭怯里古乃杭海山之
一枝也

合刺合塔

武宗本紀海都悉眾來戰於合刺合塔之地大敗之
字虎傳晉王甘麻刺
并武宗帥師討海都於哈刺荅山
乞台傳從武宗親征哈刺阿荅
錢良
擇出塞紀略有地名哈哈冷譯言古屯田地也此合刺合荅其義相近蓋和
林附近屯田地名

也里的失

武宗紀 大德十年八月至也里的失之地受諸王降 今額爾齊斯河都瓦部

海都之子察八兒逃於都瓦部 察八兒海都之子成宗紀每作察八而都瓦當即篤哇成宗紀每作母瓦

建州

武宗紀建州大雨雹 滿洲源流攷引元一統志曰金上京之南曰建州金志建州屬北京路縣一永霸本唐昌黎縣地

旺兀察都

大德十一年六月甲午建行宮於旺兀察都之地立宮闕為中都 案武宗

以後之中都初世祖沿金舊名以燕京為中都既而改為大都此時又別以
旺兀察都為中都也 又大德十一年七月置行工部於旺兀察都至大元
年發六衛軍萬八千五百人供旺兀察都建宮工役七月旺兀察都行宮成
立中都留守司兼開甯路都總管府 英宗泰定三年次中都畋於汪火察
禿之地宋趙良嗣燕雲奏使錄云阿骨打親領兵甲數萬初欲趨中京道中
聞契丹主聚兵於王國崖亟領兵襲之 遼史地志撫州遼秦國大長王建
為遼東府 永樂北征錄云初七日早發興和行數里有故城名沙城上曰
沙城即元之中都最宜牧馬 元周伯琦扈從詩後序察罕腦兒至鴛鴦灘
百餘里皆雲雷府境由是而西屬興和路興和路者世祖所創置也歲北巡
東西兩還故置有司為供億之所西抵太原千餘里東界則宣德府境上都

屬郡也宣德府之西南名新城武宗築行宮其地故又名中都棟宇至正十二年多圯蓋大駕久不臨矣据周序文則旺兀察都在宣德府之西南也里合牙_三

大德十一年改也里合牙營田司為屯田運糧萬戶府 案憲宗紀八年獵於也里海牙

納蘭不刺_三

武宗紀大德十一年以納蘭不刺所儲糧萬石振其附近飢民 土土哈傳云宗王海都搆亂至元十四年脫脫木失烈吉叛掠憲宗大帳以去土土哈率兵討之敗其將於納蘭不刺即其地也

五臺寺_三

建佛閣於此 又建佛寺於五臺山 金志代州屬河東北路五臺縣有五

臺山貞祐四年升為臺州

忽禿禿也

至大元年莊聖皇后及諸王忽禿禿人戶散入他郡

蘇魯圖

至大元年遣米相使蘇魯圖 蘇魯圖即蘇祿國在南洋其地出珍珠

塔刺思水

至大元年中書言薛迷思干塔刺思塔失玄等城云云 西游錄云虎思窩

耳朵即西遼之都又西數百里有塔刺思城 邱氏西游記有荅刺速沒輦

原注沒輦河也是此城之河名荅刺速沒輦 劉郁西使記二十八過塔刺

寺即此塔刺思城矣

塔失立水

見上 即太祖十七年之塔里寒寨以其與薛迷思干連文故知之今塔什罕蓋其地也明丈外國傳達失干西去撒馬兒干七百餘里城居平原周二里外多園林果木民居稠密又云賽藍在達失干之東

開甯路旧

元年詔開甯路及宣德雲州工役供億浩繁免三年賦稅 中都在開甯縣中都者旺兀察都也至大元年七月立中都留守司兼開甯路都總管府則開甯路於此時始無沒耳開者開平甯者全甯也

西番 廿三

至大二年皇太子言宣政院先奉旨毆西番僧者截其手訾之者斷其舌乞更其令从之 此紀所云西番蓋即泰定元年紀所云撒思加部者蓋其地近黃河源

水達達

至大二年徙上都中都大都蓋舊盜於水達達亦刺思等地耕種 皇慶元年省女直水達達萬戶府光貞 徐霆黑鞋事略云東北之國曰那海益律子即狗國也男子面目拳塊而乳有毛走可及奔馬女子姝麗云云 案益律子即亦刺思之對音那海即奴兒干之對音此即地理志水達達路之遼東女直也

昂兀腦兒

至大三年獵於昂兀腦兒之地
七昂古里池在張家口之西北

英宗至治元年駐蹕昂兀嶺 提綱二十

只合赤廿四三

仁宗紀至大四年罷口合赤八剌合孫所造上供酒

嶺北更

仁宗紀至大四年命賑卹嶺北流民 皇慶元年改和林省嶺北省 百官
志七嶺北等處行中書省元初太祖定都於哈刺和林河之西因名其城曰
和林立元昌路中統元年世祖遷都中興始置宣慰司都元帥府大德十一
年改立和林等處行中書省左右丞相各一員皇慶元年改嶺北等處行中
書省設官如上治和甯路統其北邊等處

西甯州 四

皇慶元年以西甯州田租稅課賜大長公主忙古台 金志秦州西甯縣貞祐四年十月升為西甯州以甘谷雞川治平三縣隸焉

新店 四

皇慶元年賜新店諸驛鈔充使者餼廩 邊垣紀行出燕京至值塔堡有新

店驛

興和路 四

元年改隆興路為興和路賜銀印 一統志興和故城在太僕寺左翼牧廠西南二十里南至張家口百里本金時撫州 周伯琦扈從詩後序察罕腦兒百餘里皆雲霄府境界 是而西則屬興和路矣興和路者世皇所勅置

也歲北巡東出西還故置有司為供億之所城郭周完閭閻業夥可三千家
市中佛閣頗雄偉蓋河東憲司所按部也西抵太原千餘里郡多太原人郊
圻地陂陀宏濕便種執路置二監一守餘同地上郡東界宣德府境

夕河川 廿五

仁宗紀延祐二年秦州成紀縣山移是夜疾風雷雹北山南移至夕河川次
日再移平地突出土阜高者二三丈陷沒民居 金志秦州成紀縣有龍馬
泉

雲需

延祐二年增尚舍寺官六員為八員雲需撫寧府增同知二員 周伯琦危
從北行前記察罕腦兒漢言白海行在日亨嘉殿闕廷如上京而殺置雲需

總管府秩三品以掌之

只合赤

延祐二年改只合赤八刺合孫總管府為尚供府 仁宗至大四年嘗罷只合赤八刺合孫上供酒此時又置之也

連怯烈

延祐二年敕阿宿衛戶貧乏者給牛種耕具於連怯烈地屯田 連怯烈者灤河上源之地阿宿衛即阿速衛本係上都宿直兵士以貧乏故會於上都等處近灤河者也田也至元二十五年浚怯烈河以溉火溫腦兒黃土山民

田

赤斤

延祐二年徙曲尤倉於赤斤之地 案曲尤壕地在甘肅見大德七年
倉名曲尤倉也 赤斤地在甘肅外提綱卷五嘉峪關外赤金衛有二水俱
出南山中發源合而西北流一經衛東一經衛西靖逆廳之東俱折東北流
匯為一池曰阿拉克池自源至池各行三百里

鹿頂殿 廿六

延祐五年建鹿頂殿於文德殿後七年為皇后作鹿頂殿於上都 至治二
年詔書蠶麥園於鹿頂殿壁 輟耕錄嘉德殿後偏有盞頂井亭二間又有
盞頂房三間
者連怯耶兒

延祐五年以者連怯耶兒萬戶府為右衛率府 元年以者連怯耶兒萬戶

府軍萬人隸東宮置右衛率府秩正三品

雍吉刺部

五年諸王雍吉刺部之食賑米 泰定三年賑魯王阿兒加失里寬吉刺質民鈔六萬錠

木鄰

延祐五年木鄰鐵里干因乏濟以馬五千匹六年賜木鄰麥該兩驛鈔七年賜木鄰渾都兒等十一驛飢 世祖紀二十六年木鄰站經亂乏食蓋自海都等寇邊故曰經亂則木鄰乃上都至和林之正站也 渾都兒蓋水名明宗本紀自和甯至旺忽察禿中間有坤都也不刺蓋即渾都兒

鐵里干

見上 木鄰與鐵里干皆相連之驛站也

大甯路

五年十月以大甯路隸遼陽省至治二年大甯路水達達驛水傷稼 明史甯獻王權傳大甯在喜峰口外古會州地東連遼左西接宣府為巨鎮帶甲八萬革車六千所屬孫顏三衛騎兵皆驍勇善戰 昌平山水記大甯者遼之中京大定府也漢為新安平縣漢末步翼居之幅員千里多大山深谷其後拓跋氏建牙於此當饒樂水之南溫渝河之北唐太宗伐高麗駐蹕於此翼長率眾內附為置饒樂都督府統和二十五年號中京大定府金海陵北京元世祖至元七年改為大甯路

延祐六年幹端地有叛者遣鎮西五搠思班率兵討之 西游錄回鶻五城之南五百里有和州即唐之高昌亦名伊州高昌西三四千里有五端城即唐于闐國

金甯府下

延祐六年釋金甯府重囚二十七人 案大德七年紀升金甯府為路此仍稱金甯府者沿舊名未改耳 口北三廳志案克西克騰元時薛禪分地復為金甯府明初大甯都司之境

奴兒卜

延祐六年命分蘭奴兒流囚罪稍輕者屯田肇州 七年脫思馬部宣慰使亦連真坐違制不發兵杖流奴兒干之地 至治元年竄成珪李謙於奴兒

寶昌州

六年以故昌州寶山縣置寶昌州隸興和路地理志寶昌州屬興和路即
金之昌州也元初隸宣德府中統三年隸本路置鹽使司延祐六年改寶昌
州

塔塔刺

延祐七年河西塔塔刺地置屯田立軍民萬戶府

斡羅思

英宗紀延祐七年斡羅思等內附賜鈔萬四千貫遣還其部至治元年諸
王斡羅思部飢發淨州平地倉賑之

那懷

七年那懷渾都兒驛戶飢賑之牙忽都傳那懷之民擾攘不知所從渾
都兒驛與木憐相連並見延祐七年紀

紅花萬戶

延祐七年散遼陽紅花萬戶府兵宋許亢宗奉使行程錄紅花務九十里

至錦州

哈里賓

廿八

英宗至治二年遼陽哈里賓民飢賑之至元三十年正月置遼陽路慶雲

至哈里賓二十八驛哈里賓在胡里改路之北金志胡里改路北至邊界

合里賓或一千五百里

是吉刺

至治二年宣徽院臣言世祖時見吉刺歲輸尚食羊二千 即宏吉刺

阿蘭禿

至治三年和林阿蘭禿等驛戶貧乏給鈔振之 後文泰定元年紀置海刺禿屯田總管府當即一地 兵志馬政篇元起朔方其牧地東越耽羅北踰火里禿麻所云火里禿麻似即此紀之阿蘭禿蓋其地在和林之北

末吉

至治三年征東末吉地兀者戶以貂皮等來獻 即棘藟二字及勿吉二字之對音 松漠紀聞有麻吉部落在錦州之桃花島北 許亢宗行程錄有沒咄寨在潘州站之西南

兀者

至治三年兀者戶以貂鼠水獺海狗皮來獻 柳邊紀略引明實錄永樂元年十二月置兀者衛二年二月兀者衛頭目脫脫哈等來朝設兀者左衛十月兀者頭目那海叉不札尼等來朝設兀者右衛

野狐桑乾

至治三年治野狐桑乾道 泰定二年修野狐嶺色澤桑乾嶺道 明志長安嶺堡有長安嶺一名槍杆嶺永樂九年置堡弘治二年置千戶所 王惲中堂事記桑乾上流自奉聖東諸山下注白波洶湧若驅山而東

北部

至治三年諸王別思鐵木兒統兵北部別頒歲賜

南坡

至治三年車駕南還駐蹕南坡御史大夫鐵失等謀逆弑帝於行帳泰定
本紀英宗南還駐蹕南坡周伯琦扈從北行前記南坡店去上京一舍
禿刺廿九

泰定本紀補敘至治三年八月二日晉王獵於禿刺之地鐵失以逆謀告帝
禿刺即土拉河

龍居河

泰定紀癸巳即皇帝位於龍居河英宗延祐七年紀有賑龍居河諸軍語
雪不台傳云太祖建興都於班朱尼河今龍居河水也按太祖紀十一年
丙子春還廬朐河行宮即此又金志北京路臨潢府長泰縣北千餘里有龍
廟河亦即此河

四大斡耳朵

泰定本紀至治三年詔甘麻刺爺爺授晉王統領成吉思皇帝山簡大斡耳
朵及軍馬達達國土 泰定三年增給太祖四大斡耳朵歲賜銀三百錠
泰定四年敕塔失鐵木兒倒刺沙領內史府四斡耳朵事 至順二年紀有
太祖四大行帳語 又至順二年紀斡耳朵思之地頻年畜牧多死 光獻
皇后傳太祖后妃有四斡耳朵四十餘人 至元三年幸失刺斡耳朵七年
上都斡耳朵成 至正九年紀太傅脫脫提調大斡耳朵

高良河川

泰定帝紀敕會福院奉北安王那木罕像於高良河寺 宋路振乘輅錄幽
州城永和館孫侯館出北安門十里至高梁河又三十里孤溝河又三十五

里長城至順州

不賽因

泰定元年正月近侍忽都帖木兒假禮部尚書使西域諸王不賽因部三
月癸丑諸王不賽因遣使朝貢三年九月戊辰命懽赤等使於諸王怯別月
思別不賽因三部 文宗紀至順二年八月甲辰朔西域諸王卜賽因遣使
忽都不了來朝十月諸王卜賽因使者還西域詔酬其所貢藥物價直 西
北地附錄凡不賽因所轄地以今地球攷之皆巴爾西亞之地古所諸波斯
大唐西域記所謂波刺斯國也

撒思加部

泰定元年以珠字詔賜帝師所居撒思加部後文三年紀以疾還撒思加部

之地至順三年紀作撒思吉牙太平傳作撒思嘉脫脫傳馬札兒合徙甘肅復移西域撒思之地則此撒思加部乃西域地也

阿難荅

泰定元年命昌王八剌失里往鎮阿難荅昔所居地三年命湘甯王八剌失里出鎮阿難荅之地以本年本紀攷之又命八剌失里鎮兀魯思部此必相連之地也後文至正二十七年立行樞密院於阿難荅察罕腦兒則阿難荅又與察罕腦兒連文食貨志賑貸篇元貞元年諸王阿難荅民飢賑粮二百石則阿難荅本是諸王之名

海刺禿

元年置海刺禿屯田總管府前文英宗至治二年和林阿蘭禿等驛戶負

之給鈔此海刺壳似為一地其時屯田每在和林故其為一地也

潤連

元年諸王伯顏帖木兒出鎮潤連東部 秘史卷一有潤連于其東部合黑

龍江省地也

徹徹兒 火兒火思

泰定元年徹徹兒火兒火思之地五十質之賑糧二月 太祖紀帝駐軍於

徹徹兒山起兵伐塔塔兒部 火兒火思疑即吉利吉思也耶律希亮傳有

徹徹里澤刺之山 案世祖紀至元二十八年賑活里吉思飢民與此火兒

火思疑一地

帖列干木倫

元年賑帖列于本倫等驛戶糧鈔有差本倫即本鄰又作本憐帖列于又作鐵里干皆自上都至和林之站也

玉泉山河

元年罷浚玉泉山河役 金志大興府宛平縣有玉泉山行宮 明志順天府大興縣有玉河源自玉泉山流經大內出都城東南注大通河

卓兒罕 察苦魯 山後

泰定二年詔曰向者三處皆地震 卓兒罕蓋即察苦魯腦兒也 周伯琦扈從記稱遮里哈刺之聲轉 察苦魯即扈從後記之回回柴國語稱忽魯禿者也 察苦對音苦魯又忽魯之對音 永樂北征錄所稱柴禿者也 山後者保安州也 遼志奉聖州武定軍本唐新州地後唐置團練使總山後八軍

石晉割獻遼太宗改升奉聖州

兀敦十八

泰定二年站八兒盟藏叛於兀敦 宋史新編高昌列傳王延德使高昌敘其水程歷臥梁劾特族地有都督山又歷搜利王子族有合羅山以次至阿墩族經馬駿山望鄉嶺所云阿墩即此兀敦矣 巴而朮河而忒的斤傳高昌先世居畏吾兒之地東至兀敦甲石哈

五花城十五

泰定二年五花城宿禿拙只干麻兀三驛飢賑糧二千石 國朝楊賓柳邊紀略云山海關唐太宗時築城五所謂五花城是也元時為遷民鎮明洪武十四年建山海關但此紀五花城又非今山海關之地 永年縣志五花城

在永年西北三十里元末脫脫領兵所築以上之五花城與紀皆不合
兀魯思部三十

泰定三年以湘甯王八刺失里鎮兀魯思部

月也倫宮又

泰定三年遼王脫脫請復太母月也倫宮守兵及女直屯戶不允月也倫
太祖之母也本斡勒忽納氏

黃羊坡子

三年遷黃羊坡民二百五十戶於薺鞑部周伯琦扈從北行後記曰上都
有忽察禿漢言有山羊處也水草野獸最最多

汪古刺

泰定三年罷甘肅札渾倉徙其軍儲於汪古刺倉
上都左右舊為汪古部
地舊有倉故名汪古刺倉也

賀蘭山

四年修佛事於賀蘭山及諸行宮
元和郡縣志賀蘭山在關內道保靜縣
西九十三里

萬歲山

四年植萬歲山花木八百七十本
禿剌傳云武宗幸涼亭既而大宴萬歲

山

札顏

明宗紀每歲冬居札顏夏居幹羅幹察山
兵志兵制篇回回河西漢兒

人并札魯花赤及札也種田人等通驗丁數每二十人出軍一名 按札也即札顏之音轉蓋指和林人種田於札顏之地者也

斡羅斡察山

明宗紀夏居斡羅斡察山以明宗啟行在潔堅察罕之北計之則所居似和林北地

野泥

明宗紀春則命從者耕於野泥十餘年間邊境甯謐 博爾忽傳月赤察兒奏宜處降人金山之陽吾軍屯田金山之北云云此紀所云命從者耕於野泥必金山北屯田之夕名知前文斡羅斡察山者亦金山之地名也 至元廿一年紀云皇子北平王南木合以至元八年建幕庭於和林北野里麻里

之城留七年至是始歸云云則此野泥者野里麻里也麻里猶云八里蒙古語城也按世祖紀至元二十五年海都將暗伯以兵犯業里干腦兒杭忽思傳戰於押里耶律希亮傳有也里虔城皆似即野泥之地蓋地在金山之

北

潔堅察罕川

明宗紀天曆二年三月次潔堅察罕之地太宗紀九年築掃隣城作迦堅茶寒殿太宗紀九年春獵於揭揭察哈之澤憲宗紀三年四年皆獵於怯蹇义罕之地計其地在和林之北地志太宗乙未城和林丁酉治迦堅茶寒殿在和林北七十餘里

朵里伯真子

明宗本紀天曆二年五月朔次於朵里伯真之地 太祖紀朵魯班部與諸部會於撻河 又太祖禽殺太陽罕於是朵魯班等部來降此朵里伯真當是朵魯班部所由得名 元祕史地名稱真者多是海子此海子名朵里伯也 世祖紀至元十六年二月發嘉定軍屯田脫里北之地 失刺伯都兒傳至自脫別之地

必忒怯兒

明宗紀天曆二年五月癸亥次必忒怯兒之地 特薛禪傳中統二年與阿里不哥戰於孛羅克禿之地自旦及夕斬首萬級 張德輝邊城紀行西北行三驛至畢兒訖都乃弓匠積養之地 新疆識略十一畢齊克圖卡倫此小卡倫在庫庫哈瑪屯卡偏東北六十里與精河交界在惠甯城東北百四

十里

探禿兒海身

天歷二年五月壬申次探禿兒海之地 水道提綱塔米爾河東流瀦為台
魯倭里池廣數十里即此紀之探禿兒海也 按張德輝邊堠紀行畢兒紇
都之南渾獨刺河之北其地為契丹故城此紀下文之禿忽刺河即紀行之
渾獨刺此紀上文之必忒怯禿即紀行之畢兒紇都合上下站求之則此紀
之禿忽河東與探禿兒海至契丹故城舊日所統轄之地矣

禿忽刺子

天歷二年五月乙亥次禿忽刺已卯次禿忽刺河東 元祕史王罕在土兀
刺河邊黑林子裏住著

翰羅幹禿_上

二年五月辛巳次翰羅幹禿之地 元祕史卷一豁兒豁納川當即此
不魯通_上

二年五月壬午次不魯通之地 元祕史巴勒敦阿剌當即此

忽刺火失溫_上

天曆二年五月甲申次忽刺火失溫之地 永樂北征錄至忽蘭忽失溫名
其地曰殺胡鎮明岷峨山人譯語曰永樂中敗酋苻荅里巴馬哈木太平把
禿字羅於此遂土刺河為忽蘭忽失溫云云據譯語所云則忽蘭忽失溫在
土刺河邊故可以改土刺河為忽蘭忽失溫今以此紀攷之則忽刺火失溫
即永樂北征所到之地是忽蘭忽失溫本蒙古語乃元代舊名無疑且永樂

開所改地名皆被以漢名未有反被以蒙文之理且此地離土兀刺河遠矣
上文不魯通即巴勒諱阿刺之對音以祕史證之雙泉海即撒里怯兒西北
有三關口通飲馬河土刺河云云既而經三峽口又次蒼崖峽州則次忽蘭
忽失溫矣名其地曰殺虎鎮永樂北迹止此矣此後次迴流甸即頒師南旋
再經三峽口即所謂西北三關口及蒼崖峽者也嗣此再經雙海子又再經
雙泉海所謂迴流甸即丁亥之坤都也不刺所謂三峽口即撒里及兀納八
所謂雙海子即濶朵又一站則永樂之雙泉海即此紀之撒里怯兒也然而
坤都也不刺及撒里與兀納八者蓋即三峽口之北與南而濶朵及撒里怯
兒即兩海子之一北一南也

坤都也不刺上

天歷二年六月丁亥朔次坤都也不刺之地 此坤都也不刺在撒里之北
太祖紀帝會汪可罕於薩里河與泰赤烏部長大戰斡難河上 王惲集不
刺川在上都西北七百里外董侯承旨扈從北迴過於榆林酒酣因及今秋
大獵之盛賦詩以紀其事

撒里

天歷二年六月次撒里之地 太祖紀帝麾下棚只別居薩里河札合木部
人掠薩里河牧馬以去 又帝疑汪罕有異志退師薩里河

兀納八

天歷二年六月丁酉次兀納八之地 周伯琦扈從北行前記云納鉢猶漢
言頓宿所也

濶桑上

天歷二年六月己亥次濶桑之地 祕史三王罕從不兒罕山背後經過河
濶兒禿望土兀刺河回去了此濶桑即訶闊兒禿之合聲 邊墩紀行臚胸
河之北大山曰窟迭吾漢言黑色也有一舍外望之黯然而有茂林近而視
之皆蒼石 太祖紀帝與汪罕自虎圖澤逆戰於蓋亦烈川虎圖字與濶桑
聲轉其地皆在克魯倫河左右知為一地
撒里怯兒上

天歷二年六月辛丑次撒里怯兒之地 祕史一也速該到扯克撒兒名字
的山過着德薛禪又卷二帖木真順客魯連河尋去到扯克撒兒山德薛禪
家 永樂北征錄備哀海即撒里怯兒元太祖發迹之所按太祖紀駐軍於

徹徹兒山當即撒里怯兒所謂元太祖發迹者也 金史地志北京路臨潢府長泰縣其北千餘里有龍駒河國言曰喝必刺有撒里葛覩地今按撒里葛覩即撒里怯圖之對音蒙古語圖者有也言此地有撒里怯兒山也喝必刺即克必拉亦即今克魯倫河又名龍駒元史本紀作盧朐河列傳作龍居河亦稱班朱尼河者也

哈里溫_上

天歷二年六月丁未次哈里溫之地 祕史_五均作合刺溫山 特薛禪傳哈老溫迤東塗河潢河之間火兒赤納慶州之地据此則哈老溫在塗河潢河之間迤西是其所也

濶朵傑阿刺倫_上

天歷二年六月戊申次濶朵傑阿刺倫憲宗紀二帝駐蹕月帖古忽蘭之地因獵傷臂即此濶朵傑阿倫也 元祕史末卷末行云此書於克魯連河闊迭額阿刺勒地面處下時寫畢了 憲宗本紀諸王大會於闊帖兀阿蘭哈兒哈納禿上

二年六月辛亥次哈兒哈納禿之地 祕史卷七成吉思至明日午後於合刺合勒只惕額地面歇息 祕史三帖木真望着豁爾豁納黑土不兒地面回了

忽禿上

天歷二年六月癸丑次忽禿之地 元祕史卷五失兒古額禿至忽禿忽地而其子納牙將塔兒忽台放回去了 金史地理志撫州有麻達葛山大定

二十九年更名狐土白山上有冰井又金史章宗紀章宗小字麻達葛世宗謂李石等曰朕見嫡孫又生於麻達葛山地行氣清其以山名之按忽禿即狐土又即冰井又即麻達葛山也北征鎮富平鎮即兀兒禿其地去飲馬河八站約二百四十里北與克魯倫河相去五日蒙古馬行較捷似忽禿與兀兒禿當是一地且本紀之王忽察都即永樂之沙城為武宗時之中都核其驛路亦皆相合

字羅火你

天歷二年七月次字羅火你之地 兵志四怯薛篇牧羊者曰火你赤 金志撫州柔遠縣有羊城國有口火俺 口北三廳志威遠廢蒙古呼波羅河屯猶單言青城也在明安城東北六十里

不羅察罕_三

二年七月乙亥次不羅察罕之地 文宗紀由王忽察都又次字羅察罕翼日即位於上都則此地去上都僅一日程按元上都即今直隸宣化府北之多倫諾爾廳也廳西南有波羅城蓋即不羅察罕

小只_二

二年七月戊寅次小只之地 金志桓州有白灤國言曰勻赤勒似即小只二字之對音

王忽察都_二

二年八月乙酉朔次王忽察都之地庚寅帝暴崩 武宗紀大德十一年六月甲午建行宮於旺兀察都之地立宮闕為中都世祖紀作瓜忽都之地其

地在桓州撫州之間周伯琦危從詩後序宣德府西南名新城武宗行宮又名中都棟宇今多頽圯蓋大駕久不臨矣按中都即王忽察都伯琦作詩序時在順帝至正十二年去武宗末年已四十二年矣土木之工輟於是時故頽圯又從至正十二年逆數至飲藥而崩之時亦二十四年蓋文宗既醜殺明宗故不敢復幸其地仍居上都耳順帝自元統元年至至正十二年亦未臨幸者凡二十年故曰久不臨也自周伯琦作記以後又歷七年為至正十八年關先生破頭潘等陷上都焚宮闕其明年為至正十九年不復幸上都又九年而順帝北奔元亦亡矣

居庸關附二

以下文宗紀調諸衛兵守居庸關及盧兒嶺

明志昌平州元昌平縣直隸

大都路西北有告庸關

盧兒嶺

見上周伯琦扈從北征記均兒嶺下臨溪澗流為渾河疑即此盧兒嶺也
王沂公行程錄古北口外有鹿峽館熱河志鹿泉峽在平泉州南境

白馬甸

文宗紀遣右衛率使充魯將兵屯於白馬甸 明志山西太原府壽陽縣東
北有白馬山北有滹沱河

泰和嶺

文宗紀遣隆鎮衛指揮使幹都蠻將兵屯泰和嶺 金志朔州順義軍屬西
京路領縣二鄯陽有泰乾河有太和嶺

碑樓口川

文宗紀遣隆鎮衛指揮使也速台兒將兵守碑樓口又上都兵攻碑樓口

古北口川

文宗紀脫脫木兒自上都來歸即命守古北口又命脫迭守古北口又燕鐵木兒夜遣撒敦趨古北口金志密雲屬順州遼檀州武威軍古北口國有

曰苗韓嶺

院羅臺

文宗紀遣龍鎮衛指揮使幹都蠻以兵襲上都諸王滅里鐵木兒等於院羅臺執之歸於京師阿剌瓦而思傳幹都蠻圍滅里帖木兒等於院羅臺驛擒之以獻宋史楊業傳作托羅臺

流沙河

文宗紀遣撒敦拒遼東兵於薊州東流沙河 松漠紀聞由永濟務四十里至沙流河又四十里至玉田縣又四十里至羅山鋪又四十里至薊州此流沙河即沙流河今由京師至盛京猶有此站而金志薊州有永濟務而無流沙河然此无以前驛站名也燕鐵木兒傳亦作沙流河則紀文誤倒一字

崞州

文宗紀上都諸王忽剌台等引兵犯崞州 金志應州屬西京領金城縣有崞川水又河東北路代州崞縣有崞山

兩家店

文宗紀同知樞密院事脫脫木兒與遼東脫滿迭兒戰於薊州兩家店 禿

滿迭兒據徹里作充滿台兒
松漠紀聞由三河縣至薊州中間有邦軍店
及下店殆所謂兩家店矣

榆河三

文宗燕鐵木兒還軍次榆河帝出齊化門視師又燕鐵木兒與王禪前軍戰
於榆河敗之退奔紅橋北榆河即今沙河也提綱云沙河出昌平州西北之
居庸關即榆水亦曰榆河下游至通州入白河 口北三廳志紅橋在張家
口外沙城地案永樂北征錄興和北十里有沙城又北則至紅橋 昌平山
水記昌平州西南十二里有紅橋橋亡而名尚存 口北三廳志榆河在上
都牧廠東界蒙古名海拉蘇台猶華言有榆樹處也直獨石口一百五十里
源出永安岡東流入上都河案此榆河在紅橋之北太遠當是在居庸關之

榆河耳

白浮

文宗紀燕鐵木兒與上都軍大戰白浮之野又王禪收集散亡復來戰我師列陣於白浮之西明志昌平州元昌平縣東南有白浮山元史河渠志通惠河其源出於白浮壅山諸泉水也上自昌平白浮村引神山泉西折南轉過雙塔榆河一畝至泉諸水至西門入都城渾為積水澤

石槽

文宗紀上都兵入古北口其樞密院以兵掠石槽燕鐵木兒遣撒敦倍道趨石槽燕鐵木兒大兵繼至轉戰四十餘里至牛頭山昌平山水記順義縣西北三十里有石槽三曰南石槽曰東石槽曰北石槽元史上都兵入古北

口其知樞密院事竹溫台以兵掠石槽昌平山水記元史燕鐵木兒追擊四十里至牛頭山蓋即牛欄山也順義縣北二十里為牛欄山

瀘溝橋

文宗紀脫脫木兒等擊敵軍於瀘溝橋又諸將與忽剌台戰於瀘溝橋聲言燕鐵木兒大軍至敵兵皆遁明志山西大同府南有桑乾河自馬邑縣流經大同縣其下流至蔚州入北直境為盧溝河

察罕腦兒

文宗紀復立察罕腦兒宣慰司天歷二年二月命察罕腦兒宣慰使撒忒迷失將本部蒙古軍討四川至順元年察罕腦兒宣慰使所部千戶察刺等衛饑又閏七月察罕腦兒并東西涼亭衛士賜鈔銀二年以陝西鹽課鈔賑

察罕腦兒蒙古饑民周伯琦危從詩前序至察罕腦兒猶漢言白海也其地有水灤江洋而深不可測下有靈物氣白露故名其地有行在宮曰亨嘉殿又作鷹房馬蹕於是秋必獵較焉

水達達路卅三

元歷二年水達達路河速古兒千戶所大水至順元年遼陽行省水達達路去夏霖雨黑龍宋瓦二江水溢狗驛狗多餓死列哈刺八都魯傳世祖曰乃顏故地產魚今吾以兀速憐哈納思乞里吉思三部實之兀速即地理志之阿速也水達達路即乃顏故地阿速千戶所蓋世祖所立

王忽察都

八月乙酉朔明宗次於王忽察都丙戌帝入見明宗宴帝及諸王大臣於行

殿庚寅明宗崩帝入臨哭盡哀燕鐵木兒以明宗后之命奉皇帝寶授於帝
遂還

字羅察罕文

八月壬戌次字羅察罕 明宗紀作不羅察罕即其地也壬辰次此而癸巳
即至上都則相去不過一站

按塔罕濶干 忽刺禿

上都西按塔罕濶干忽刺禿之地以兵旱民飢賑糧一月 永樂北征錄後
富平鎮即兀兒禿蓋即此忽刺禿周伯琦扈從北行後記自上都發而南六
十里店納鉢又至察罕腦兒轉西至懷禿腦兒又至平院兒又至石頂河兒
苦水河兒又至回回柴回回柴國語忽魯禿漢言有水灤也

開元路胡里改州

文宗至順元年開元路胡里改萬戶府軍士饑令吉林之虎兒哈河也提綱二十五甯古塔即呼拉哈河亦曰虎爾哈河唐時謂之忽汗河金時曰出虎水即金源也又曰烏蘇里江即古胡里改江案後說似誤 宋史新編金國傳天會五年從宗徽宗於鶻里改路亦名五國城

帖麥赤

至順元年饑 西北地附錄有塔米設太遠疑非此地又天歷二年紀云大都至上都路有旭麥怯驛

永西解

至順元年永西解驛三千人入松栲山燒沿邊官軍營堡 明志貴州宣慰

使司元改順元路軍民安撫司領長官司七有亦西蠻夷長官司在宣慰使東北

哈刺火州

至順元年三月乙亥西番哈刺火州來貢蒲萄酒九月復立總管府於哈刺火州

哈思罕

至順元年七月改哈思罕萬戶府為總管府秩四品兵志屯田篇金復州萬戶府屯田世祖至元二十六年分京師應役新附軍一千人屯田哈思罕

關東荒地

棘斯察兀阿罕

至順元年七月賜諸王養怯帖木兒字亦木台徵棘斯察兀阿罕等金銀鈔幣有差今西域之愛烏罕西人稱為阿富罕者也蓋即元史之阿兀罕

木鄰札里 苦鹽泊

至順元年賑木鄰札里苦鹽泊等九驛每驛鈔又至順元年鐵里干木鄰等三十二驛自夏秋不雨牧畜多死鐵里干木隣蓋近和林之地以其命嶺北行省賑糧知之 安童傳子兀都帶以安童歸只臘禿疑即札里之聲轉後文至順三年賑木隣苦鹽泊札哈掃憐連文知苦鹽泊蓋近和林非豐州之鹽池也

偏嶺

至順元年大駕將還敕上都兵馬司二員率兵士由偏嶺至明安巡邏以防

盜賊 元楊允孚灤京詩注人到偏嶺之北面不可洗頭不可梳冷極故也
遇此始有暖意素非高嶺寒氣只隔於此良可怪也明志大同府懷仁縣西
南有偏嶺口距此太遠

東西涼亭

至順元年賜察罕腦兒并東西涼亭諸衛士鈔糧 趙世延傳又有北涼亭
周伯琦近光集立秋日書事詩注上京之東五十里有東涼亭西百五十里
有西涼亭其地皆饒水草有禽魚山獸置離宮巡狩至此歲必獵較焉

嶺北

至順元年九月御史王文若言嶺北行省乃太祖肇基之地 二年二月以
上都留守乃馬台行嶺北行樞密院事

黑龍江 宋瓦江

二江水溢民無以為食 金志上京路有宋瓦江肇州始興有黑龍江提綱二十五松花江南自長白西北流會嫩泥江折東流會虎爾哈河東北流與

黑龍江合

木納火失溫

至順元年木納火失溫所告諸牧人賑糧 李忽蘭合傳有合納忽石溫

明史瓦剌傳脫懽與阿魯台戰敗之遁母納山察罕腦兒刺聞云云此木納即母納也火失溫者山也火失溫者山也蓋在察罕腦兒之北又云也先復逼徙朵顏所部於黃河母納地是木納火失溫山又近黃河也

欽察左右二衛

至順二年以欽察衛軍士增多析為左右二衛又左右欽察衛軍士餓命上都留守司鎮之

霧靈山

至順二年命西僧於五臺及霧靈山作佛事一月 熱河志霧靈山在馬蘭關外遵化州界上 明志順天府遵化縣在薊州東南有霧靈山

昔竄赤 失兒禿

賑灤陽桓州李陵臺昔竄赤失兒禿五驛 周伯琦扈從北行前記昔竄赤在察罕腦兒 明志山西行都指揮使司領衛十四有東勝衛元東勝州領千戶所五其一即失竄赤千戶所灤陽蓋上都南之南坡也昔竄赤即察罕腦兒之鷹房失兒禿當作失八兒禿其地亦名牛羣頭有驛見周伯琦扈從

詩前序過沙嶺則朔漠平川如掌天氣徙涼風物大不同矣遂歷里鬲兒至
失八兒禿其地多泥淖以國語名之牛羣頭其地有驛有郵亭閑曠甚感
野馬川

至順二年賜野馬川等處駐冬衛士衣 太宗九年獵於野馬川定宗元年
獵黃羊於野馬川地在和林

龍刺亦集乃

至順二年征西元帥府自泰定初調兵戍龍刺亦集乃期以五年今已十年
逃亡者衆宜加優卹期以來歲五月代還又晉軍亦集二路旱

法郎

至順三年諸王不別居法郎遣使者忽要難等及西域諸王不賓因使者也

先帖木兒等皆來貢方物業法郎蓋即拂菻國後文順帝至正二年紀拂郎國貢異馬蓋即此國也

撒思吉牙

至順三年遣使往帝師所居撒思吉牙之地 前文泰定帝元年紀以珠字詔賜帝師所居撒思加部泰定二年紀帝師以疾還撒思加部即此撒思吉牙也 八思巴傳又作薩斯迦

鐵幡竿

至順三年命僧於鐵幡竿作佛事施金銀幣帛布鈔 遼志東京遼陽府外城謂之漢城街西有駙馬寺鐵幡竿在焉 元楊允孚詩鐵幡竿下草如茵 澹澹東風六月春注云鐵幡竿即鞦韆耳 周伯琦近光集立秋日書事詩注

上京西山上鐵幡竿高數十丈以其下海中有龍用楚家說作此鎮之
北邊

至順三年北邊諸王月即別遣使南忽里等來朝貢 至元二年月即別遣
使來求分地歲賜以賑給軍站

上都

順帝紀帝即位於上都 明志開平衛上都路洪武二年為府屬北平行省
尋廢府置衛

扼胡嶺

順帝紀車駕至扼胡嶺 即太祖紀之野狐嶺 遼志德州屬西京府有野
狐嶺白道坂領縣一宣德縣本漢相 縣地唐會昌中置 明志萬全石衛

北有野狐嶺 周伯琦扈從詩後序由興和行三十里過野狐嶺嶺上為納鉢地甚高風寒凜凜不可留山石瑩瑩中央深淵夏秋多水東南盤折而下引者思卅九

至元二年七月詔以公主奴倫引者思之地五千頃賜伯顏

不蘭奚

發阿魯哈不蘭奚駱駝上供太皇太后乘輿 兵志馬政篇阿剌忽馬之地有不蘭奚羅罕又屯田篇有不蘭奚一百三十二名又有獨居不蘭奚一十二口 隱居通議元貞新政有北士吳助教條引時弊有云草料有孝歌孫之偏枯頭匹有不蘭奚之乾沒則不蘭奚乃管馬之軍士也

薛連可 怯魯連川

至元二年命宗王駙馬等鎮薛連可怯魯連之地 薛連可即色楞額河
明未紹本地圖線要作昔今哥河 耶律鐸雙溪集成中已酉北中大風詩
注和林東北斜連柯河有古城唐賈耽地志所謂仙娥河富貴城者是也仙
娥河今聲轉為錫蘭河云云按錫蘭即薛連二字之聲轉 怯魯連即秘史
之客魯連河太祖紀作曲綠連河今本作由綠連由者曲之爛字太祖紀亦
作怯綠連河也

馬札罕

至元二年立屯衛於馬札罕之地

哈刺奴兒

至元三年以米八千石賑哈刺奴兒飢民 提綱二十七蘇尼特部有黑水

灤在左翼西南百二十里土名喀喇烏蘇周伯琦扈從詩後序察腦兒轉西至懷禿腦兒有大海土人名為死央灤其地南北皆水灤勢如湖海水禽集育其中國語名其地曰遮里哈喇納鉢猶漢言遠望則黑也

失刺斡耳朵三

至元三年七月癸卯車駕出獵丙午幸失刺斡耳朵七年上都斡耳朵成用鈔九十餘錠至正九年命太傅脫脫提調大斡耳朵內府史 此上都之斡耳朵

龍岡三

丁未車駕幸龍岡酒馬乳以祭壬子幸乾元寺龍岡在上都

八魯刺思四十一

至元五年八魯刺思千戶所民被災 輟耕錄蒙古氏族七十二種有八魯刺思其云忽即兀也或作思或作兀或作歹皆種族之別名

佛郎國

至正二年七月佛郎國貢異馬長一丈一尺一寸高六尺四寸身純黑後二蹄皆白佛郎國即至順三年紀之法郎國 郭侃傳戊午旭烈命侃西渡海收富浪國

怯薛丹

至正三年正月沙汰怯薛丹名數 輟耕錄二十八怯薛則內府執役者之譯語也 輟耕錄二十一大明殿中設七寶雲龍御榻白蓋金鏤褥並設后位諸王百僚怯薛官

吾者野人

至正三年遼陽吾者野人叛又六年吾者野人及水達達皆叛秋以遼陽吾者野人未靖命太保伯撒里為遼陽行省左丞相鎮之至正七年以朵郎吉兒討吾者野人明志三萬衛元開元路洪武二十年置兀者野人乙例迷女直軍民府

八憐二

至正七年九月八憐內哈刺那海秃魯和伯賊起斷嶺北驛道據此文知八憐一地在嶺北之南故賊起而驛道遂斷土土哈傳師踰金山攻八憐之地其南有答魯忽河

至正十三年答兒麻討南陽賊有功以西安王印與之命鎮龍吉兒之地
哈兒分四十四

十五年立吾者野人乞列迷等處諸軍萬戶府於哈兒分之地柳邊紀略引
明實錄永樂十二年九月野人阿魯克等百十五人來朝設塔達兒河等八
衛為哈爾分衛

阿輕乞

十五年命福賈脫脫於阿輕乞之地以脫脫傳致之則阿輕乞亦雲南地也
太兒古撒兀四十五

二十年陽翟王阿魯輝帖木兒擁兵數十萬屯於太兒古撒兀之地將犯京
畿使來言曰祖宗以天下付汝汝已失其大半若以國璽付我當自為天命

禿堅木兒殺不克 阿魯輝帖木兒傳作木兒古兀徹按此殆即木納火失
溫

八兒思 四十六

至正二十五年禿堅帖木兒以餘兵往八兒思之地八兒思在漠北 脫力
世官傳祖領畏吾阿剌溫滅乞里八思四部所云八思即此八兒思也

阿難答察罕腦兒 四十七

二十七年立行樞密院於阿難答察罕腦兒 阿難答既與察罕腦兒連文
則是上左匠之地 永樂北征後錄龍沙面即阿蘭腦兒其地在小甘泉大
甘泉之東南是時上都已燬預為北奔之計故於上都之南議設行樞密院
分此兩站也 泰定元年三年俱命八剌失里出鎮阿難答昔所居地 世

祖紀至元十七年五月作行宮於察罕腦兒 提綱二十七白海子在蒙古
阿霸坡部右翼南三十里亦曰長水海四望皆白沙土人呼為察罕腦兒

亦母兒乞嶺 五十里

五行志皇慶元年六月大甯水達達路雨宋瓦江溢民避居亦母兒乞嶺

元史地名攷

順德李文田撰

元和胡玉縉錄

阿刺合的思哇

睿宗拖雷列傳拖雷至阿刺合的思之地遇疾而薨

祕史見元年幹歌

皇帝征金國過居庸關駐軍龍虎臺忽得疾拖雷禳神以身代遂死了然則

阿刺合的思謂居庸也

金志中都大興府昌平有居庸關國語查刺合攀

今按查刺合與阿刺合音近攀者達坂蒙古語高山也

鐵門關呼

察罕傳回回國王札刺丁拒守鐵門關

太祖紀十六年夏四月駐蹕鐵門

關明史外國傳渴石在撒馬兒罕西南三百六十里又西三百里大山屹

立中有石峽番人號為鐵門關

清水荅蘭荅八

太宗即位從略河南北還清水荅蘭荅八之地 太宗紀六年帝在八里里
荅蘭荅八思之地八里里漢語八刺河也八刺泉也故譯漢語曰清水
畏兀兒

巴而朮河而忒的斤傳先世居畏兀兒之地 紐林的斤復五畏兀兒城池
此下敘唐時回鶻國始都和林後遷火州故唐之回鶻在金山北元之畏
吾兒在火州地段有殊而稱族未昧漢北人重門第仍唐代之風俗也

和林山

有和林山二水出焉 雙溪醉隱集凱歌詞第二首取和林章注云和林城
蘇伽可汗宮城遺址在城西北七十里城東北七十里有唐明皇開元壬申

御製御書闕特勤碑 按唐史突厥傳闕特勤骨咄祿可汗之子苾伽可汗之弟也名闕闕元十九年立碑上自為文云云今按闕特勤三字即葛屬的斤四字之對音然則此傳所述之事雖不盡可信自是開元間事

寬田吉思海 韓羅斯

昔里鈐布傳明年至寬田吉思海從諸王拔都征韓羅斯 速不台傳此海兩見一作寬定吉思海 大清一統志鄂羅斯國元時有阿羅斯等處 又云鄂羅斯國佛兒格河發源西北山中東南流至喀山城東南受喀穆河又流三百餘里至西穆必爾斯科之地轉西南流又五百餘里入土爾古特國界南流匯於騰吉斯湖此河在鄂羅斯名佛兒格在土爾古特國名厄濟爾他皆北流入海惟此自北而南不入海其所經之喀山亦八道中之一道也今

按喀山即阿速之聲轉此湖即元史之寬田吉思海騰吉斯即田吉斯之聲轉

阿速 滅怯思城

己亥至阿速滅怯思城拔之 土土哈傳作麥怯斯拔都兒傳作麥各思即太宗紀之蔑怯斯城也 一統志鄂羅斯國王察漢汗所居之城曰莫斯科

窪近西北大海

薛迷則干

哈散納傳從太祖征西域下薛迷則干不花刺等城 太祖紀作薛迷思干

此作則干殆本作斯干而斯則形近轉寫遂作則字也

海刺兒 阿帶 亦兒渾

召烈台抄兀兒傳以兵收海刺兒河帶亦兒渾之地 後文杭忽思傳有亦
里渾察罕兒 伯帖木兒傳征叛王乃顏敗之於忽爾阿刺河追至海刺兒
河 洪福源傳乃顏之地哈刺河 海刺即合懶亦兒渾即移鹿古也 金
志合懶路屬上京有移鹿古水西北至上京一千三百里 滿洲源流攷古
林甯古塔斯內 國初尚有海蘭路之名輿圖海蘭河不一處則自海蘭窩
集延袤至大小海蘭河皆金時海蘭路一帶舊境歟

乞失哈里川

拜延八都魯傳諸王朮伯命兀渾察往乞失哈里之地 今喀什噶爾地
西北地附錄作可失哈耳 新疆識略天山以南是為回疆乾隆二十四年
平定後建城八曰喀什噶爾其地在漢為疏勒國今地皆沿回語從其俗也

喀什為各色噶爾為甄房其地富庶多磚房故以為名

合刺合察兒

阿朮魯傳統兵征西夏與敵兵戰於合刺合察兒之地 懷都傳亦同此五字疑合刺賀蘭二字對音也

回鶻 八瓦耳

阿刺瓦而思傳回鶻八瓦耳民仕其國為千夫長太祖征西域駐蹕回鶻之地 西北地附錄有巴瓦兒的

拔沙河 納火石

趙阿哥潘傳中統元年從總師汪良臣引兵至拔沙河納火石地地皆在和林之西 列傳第四十九之李忽蘭吉傳有合納忽石溫急讀為納火石耳

白霄城

塔本傳從太祖圍燕征遼西下平灤白霄諸城太祖使撫白霄諸郡松漢紀聞中京古白霄城舊唐書北狄傳霄匈奴之別種居於潢水北亦鮮卑之故地其國在京師東北五十里

唆里迷

哈刺亦哈赤北魯傳畏兀人也國王月仙帖木兒亦都護聞其名自唆里迷國徵為斷事官唆里迷國與獨山城均當在別失八里左右

別失八里 獨山城

月朵失野訥以質子入宿衛從帝西征至別失八里東獨山見城空無人帝問此何城對曰獨山城又賜月朵失野訥獨山城達魯花赤西域水道

記保惠城東北九十里為古城元史亦朶失野納從帝西征至別失八里東
獨山見城空無人帝問此何城也對曰獨山城此地當北來要衝宜耕種以
為備疑獨山城即古城矣 案獨山城者唐守捉城也唐書地理志伊州納
職縣自縣西經獨泉東華西華駝泉渡茨其水過神泉三百九十里有羅護
守捉自羅護守捉西北上乏驢嶺百二十里至赤谷又出谷口經長泉龍泉
百八十里至獨山守捉又經蒲類百六十里至北庭都護府云云別失八里
唐北庭故治今此城在其東核以里數相同則為守捉舊城無疑月朶回紇
人故尚知其故蹟今名古城而已去古已遠反不如元人年代較近猶有父
老口傳之故也

畏兀國相瞰欲谷

岳璘帖穆爾傳回鶻人畏兀國相瞰欲谷之裔也 舊唐書突厥傳突騎施
蘇祿自立為可汗乃召默啜時衛官瞰欲谷為謀主初默啜下衛官盡為闕
特勒所殺瞰欲谷以女為小殺可敦免死放歸及復用年已七十餘 新唐
書突厥傳默棘連召瞰欲谷與謀國年七十餘眾等畏之云云則瞰欲谷相
突厥非相回鶻也

八達

速哥傳己未齊謂曰我將官汝西山之境八達以北汝其主之 元王暉中
堂事記出居庸關北口至八達嶺於山兩開俯望燕京殆井藏然 明史地
理志延慶州南有八達嶺

別庵伯爾

賽典赤瞻思丁傳回回人別庵伯爾之裔明史外國傳默德那回回祖國
也地近天方相傳其國王謨罕慕德生而神靈盡臣服西域諸國諸酋為
別語拔爾猶言天使也國中有經三十本凡三千六百餘段其書各行兼篆
州楷三體西洋一國皆用之其教以事天為主而無像設每日西向虔拜隋
開皇中其國撒哈八撒阿的韓葛思始傳其教入中國迄元世其人徧於四
方皆守教不替俗重殺不食豬肉常以白布蒙頭

阿力麻里張卜

伯顏傳初海都兵內向詔安童佐皇子北平王那木罕統諸軍於阿力麻里
備之阿力麻里其地在和林城北亦作野里麻里北平王那木罕至元
二十一紀作南木合

塔刺不歡_レ

又今軍士捕塔刺不歡之獸而食者積其皮至萬 按塔刺不歡蒙古語獾也今譯語作塔爾巴哈 明錢允治食物本草土撥鼠蒙古人名為荅刺不花生西番山澤間穴土為居形如獾夷人掘取食之李時珍曰鼯皮可為裘甚暖 正字通鼯鼯鼠在西番夷人掘食之蒙古人名荅刺不花唐書有鼯鼯鼠言其肥也 唐書地理志蘭州土貢鼯鼯鼠

阿撒忽禿嶺_レ

二十九年宗王明理挾海都以叛詔伯顏討之相值於阿撒忽禿嶺 其時伯顏出鎮和林則其地在和林西

必失禿_レ

伯顏引軍夜還至必失禿卒遇伏兵墜壁不動方觀承宜田景福詩注畢
赤克圖山在顏窩之南石壁如削錫度人經用古梵書填以黃金衛有畢赤
圖壩四楷字道整徑尺蓋元時道跡馬畢赤圖有字之謂也

別竭兒

追明里鐵木哥至別竭兒 土土哈傳戰也不干於字怯別竭兒即字怯兒

山也當在金山北

白只刺山

伯顏孫相嘉失禮至治末省先塋於白只刺山 白只刺山蓋八鄰部落所

在當是金山北

哈刺霍州

阿朮傳二十三年受命征昔刺木叛王繼又西征至哈刺霍州以疾卒西
北地附錄作合刺火者徐松西域水道記曰吐魯番者元時火州地吐魯
番鎮城曰廣安唐之安東城其東七十里為元火州治今日喀喇和卓

玉里伯里山文

土土哈傳自曲出徙居西北玉里伯里山因以為氏曲出生唆末納唆末
納生亦納思世為欽察國主

貴烈河上

還至哈刺溫山夜渡貴烈河收叛王哈丹盡得遼左諸部置東路萬戶府
即特薛禪傳之龜剌兒河今科爾沁部之歸勒里河也貴烈河蓋從漠南
至遼必經之地明史成祖紀永樂十二年親征阿魯台阿魯台棄輜重於濶

藥海側北遁帝謂諸將曰阿魯台敢悖逆恃兀良哈為羽翼也當還師翦之
簡步騎二百分五道並進秋七月庚午遇屈裂兒河親擊敗之追奔三十里
所云屈裂兒河即貴烈河在今科爾沁部內水道提綱謂之歸勒里河也

漢塔海下

於是率哈刺赤萬人北獵於漢塔海 蓋即前文所云按答罕山也博爾忽

傳有阿答罕

玉龍罕

元貞二年仍出守北邊身至玉龍罕界饋餉安集邊民 世祖紀帝度漠南

至於玉龍機則其地在漠南也

百塔山下

土土哈子休兀兒傳詔從大師月兒魯行軍戰於百塔山有功 蓋即西北
地附錄之八克達山也西域釋地曰博克達山在烏魯木齊都統所駐鞏甯
城東南二百餘里望之如在目前二峯入雲山頂有潭周數十里山腰有潭
周十餘里土人呼海子山山嶺最高處路通土魯番為軍台孔道

阿雷河 火兒哈禿

次阿雷河與海都遣援八鄰之將孛伯軍過河之上有高山敗之 太祖本
紀阿雷泉各部即此河也 傳又云北邊諸王都哇徹徹禿等潛師襲火兒
哈禿之地其地亦有山甚高 祕史三卷不兒罕山背後有地名忽里牙禿
在土兀刺河東

兀兒禿

復與都哇相待於兀兒禿之地 紫永樂後北征錄富平鎮即元代兀兒禿地其地在臚胸河之南 玉哇失傳海都至兀兒禿玉哇失敗之

赤訥思

詔遣御史大夫禿只等即赤訥思之地集諸王軍將問戰勝功狀 赤訥思元祕史作赤那思是其地也祕史卷四云札木合回去將赤那思地面有的大王每教七十鍋都煮了 張翥蛻菴集有送鄭宣伯赴赤那思山大幹爾朵詩云那思山水曾觀六龍飛

渾麻出之海上

成宗崩武帝時在渾麻出之海上休兀兒請急歸定大業 以武宗紀校之時從按台山至和林則所謂海上者疑即和林東之大澤泊

亦忒海迷失

延祐元年敗叛王也先不花等軍於亦忒海迷失之地

赤麥干

延祐二年敗也不花所遣將也不干忽帖木兒於赤麥干之地 赤麥干地在鐵門關之北以音類求之蓋即薛迷思干之對音 大唐西域記颯秣建國今西人釋為撒馬兒罕以元史按之撒麻耳干即太祖時之薛迷思干此稱赤麥干與颯秣建音最近可證薛迷思干亦可稱薛迷干乃唐時舊名也

高麗雙城

來阿八赤傳乃顏叛戰於高麗雙城

金志潘州統縣五有雙城遼雙州保

安軍也皇統三年章宗時慶

珊竹帶川

紐璘傳珊竹帶人

此即散求歹也此與前卷純只海之散求台乃同族之

人

唐古

子也速答兒鎮唐古之地張德輝邊墩紀行有唐古河水東北流地在峻嶺之東峻嶺即金山也又遼史部族表大石西行有唐古部此即唐古河之部族金史地理志部族節度使有唐古部族詳穩九處亦有唐古詳穩火而赤博而赤

阿剌罕傳祖撥徹事太祖為火而赤又為博而赤兵志宿衛篇其怯薛執事之名則主公矢鷹隼者曰火兒赤親烹飪以奉上飲食者曰博爾赤

昔門禿

宗王阿里不哥稱兵阿剌罕擊之於昔門禿 即中統二年記之昔木土
於彌下

李恆傳其先姓於彌氏唐末賜姓李世為西夏國主 漢書西域傳于彌國
治于彌城東北去都護治三十五百五十三里東北與龜茲接西通于闐三
百九十里

兀納刺城

太祖經略河西有守兀納刺城者夏主之子也城陷不屈而死 秘史卷十
四成吉思自雪山起程過兀刺孩城卻來攻打靈州城

康里 拜

不忽木傳一名時用字用臣世為康里部大人康里即漢高車國也唐書
回紇傳其先匈奴也俗多乘高輪車元魏時亦號高車或曰敕勒訛為鐵勒
忽爾阿刺河 誨刺兒河

伯帖木兒傳征叛王乃顏敗之於忽爾阿刺河追至誨刺兒河又敗之金
志合懶路置總管府上京至合懶路一千八百里 提綱二十六有海蘭河
三源出黑山北即長白相去上京東北幹山 黑龍江外紀云呼倫貝爾一
作呼倫布爾通稱海蘭兒蓋其地有池一日呼倫一日貝爾官軍屯駐二
池間因以名地而謂之海蘭兒則指凱喇爾一河亦音轉也

夢哥山

進至夢哥山并擒金家奴 提綱二十五有莫勒根城 王守傳作蒙哥山

那江那江者今黑龍江省之那河亦曰嫩江又曰諾尼江者也黑龍江外記作墨爾根城

幹麻站兀刺河

哈丹王叛從諸王乃麻歹討之至幹麻站兀刺河等處案此六字當連讀謂幹麻站之兀刺河也洪福源傳作兀木站字禿子忽憐傳與哈答罕

遇於兀刺河

帖麥哈必兒哈

轉戰至帖麥哈必兒哈又敗之兵志曰牧駱駝者曰帖麥赤則帖麥二字蒙古語駱駝也洪福源傳作貼滿哈

明安倫城

進至明安倫城哈丹迎戰敗走 提綱二小凌河源出柳邊外土默特右翼
明安喀喇山俗曰明安河又曰蘇八兒寒河

霸郎兒

至霸郎兒與忽都禿兒罕戰殺其裨將五人擒曲兒先 洪福源傳作木八
蘭 黑龍江外紀齊齊哈爾境內有巴蘭河

納兀河 乞荅真

率師往納兀河東等處招集逆黨乞荅真一千戶達達百姓 納兀河即洪
福源傳之那兀江古稱那河明人稱腦漲江者也 乞荅者契丹二字之對
音也秘史卷五乃蠻種亦難察起軍將都趕入合刺乞圪塔種古兒罕處去
合刺者黑也乞圪塔種者契丹也古兒罕者耶律大石也則此乞荅真即契

丹戶

黑河上

懷都傳祖父阿朮魯與太祖同飲黑河水 班朱尼河即龍居河龍居河即

臚胸河臚胸河亦即克魯倫河克魯倫河為黑龍江上源故亦稱黑水也

合刺合察兒

討西夏大戰於合刺合察兒 前文阿朮魯傳同 似即賀蘭山

馬八兒國

亦黑迷失傳使馬八兒國取佛鉢舍利 海國圖志小西洋利未亞洲在西

紅海之西其北有伊損國即元史馬八爾國

北庭

拜降傳北庭人 西北地附錄云自上都西北行六千里至回鶻五城唐號北庭都護府然則拜降乃畏吾人美其名曰北庭用古稱謂耳元人作家傳往往有此

失木里禿

杭忽思傳中統二年危駕親征阿里不哥追至失木里禿之地 世祖紀中統二年大兵與阿里不哥遇於昔木土腦兒之地

禿刺 幹魯歡

十一年復與藥木忽兒軍戰於禿刺及幹魯歡之地 禿刺者土兀刺河也 幹魯歡者鄂爾渾河也

伯牙

十五年至伯牙之地與赤恰軍合戰 秦不華傳有白野山 闊里吉思傳
大德元年遇敵於伯牙思之地大敗之則伯牙乃西北地名

別失八里川

二十二年征別失八里 海國圖志元別失八里元帥府即唐北庭都護府
之地漢之車師後庭今之烏魯木齊西境

懷魯哈都川

玉哇失傳只兒瓦多叛率所部兵擊之至懷魯哈都擒其將 上卷苦徹拔
都兒傳作懷刺合都其事在至元十四年

斡耳罕河

諸王和林及失刺等叛從皇子北安王討之至斡耳罕河 即鄂爾渾河也

失刺即昔里吉憲宗之第四子河平王也

不里古 都伯塔哈

諸王乃顏叛世祖親征玉哇失敗之追至不里古都伯塔哈之地 乃顏者
太祖弟別里古台之曾祖其分地在廣甯也 金志海蘭路有穆鹿古水

滅怯該

乃顏餘黨塔不歹金家奴聚兵滅怯該從大軍討平之 滅怯該即伯帖木
兒傳之夢哥山提綱二十五有莫勒根城即此滅怯該之聲轉 一統志墨
爾根城在齊齊哈爾城北四百三十五里諾尼江南岸有墨爾根河在城東
里許 黑龍江外紀墨爾根以河名城康熙初拙井得有文石曰莫來耕繫

唐年號

曲連江_又

哈丹復叛於曲連江 以洪福源傳及王綽傳校之此即黑龍江三字之對
音也金志肇州始興縣備有黑龍江上京會甯府西至肇州五百五十里
亦必兒失必兒_又

又與海都將八憐帖里哥歹必里察等戰於亦必兒失必兒地戰屢捷 祕
史十二自失必兒等種以南林木中百姓

兀兒禿_又

武宗鎮北邊海都復入寇至兀兒禿王哇失敗之獲其駝馬器械以獻 兀
兒禿已見上卷土土哈之子林兀兒傳後與都哇相持於兀兒禿 耶律鑄
雙溪集之崐崙或即兀兒禿之對音也

徹兀臺

麥里傳徹兀臺氏 案麥里之祖飲班真河水則蒙古人也蒙古無徹兀臺氏其祖領徹里臺部故有此氏然則是亦乞烈氏耳華言繫馬之所也

麥各思

拔都兒傳兀馬塔兒沙從憲宗征麥各思城 雪不台傳云討定欽察鏖戰幹羅思大小密赤思老降之此麥各思即密赤思老也 昔里鈴部傳作滅怯思城土土吟傳作麥怯斯皆此地也今俄羅斯有馬加地即此麥各之對

音

草地

宋徐靈思韃事略曰出居庸關過野狐嶺千里入草地則關外通稱草地也

後文哈麻傳帝不得已奪哈麻雪官居之草地

渴密里叶三

脫力世官傳父帖哥求憲宗命長渴密里及曲先諸宗藩之地 渴密里即

葉密里城也耶律希亮傳云乃定宗潛邸

克流速 不魯合 不周兀又

暗伯傳世祖親征命為克流速不魯合不周兀等處萬戶 不魯合者西北地附錄之不里阿耳也

石巴秃又

諸王哈魯駙馬秃綿答兒等叛暗伯戰於克流速石巴秃之地刺秃綿答兒殺之生擒哈魯以獻 克流速即西北地附錄花剌子模之對音也蒙古語

謂泥滿曰西八兒台石巴禿即西八兒圖之對音 哈魯查睿宗第六子旭烈兀之孫阿八哈之子也旭烈兀分封波斯

黑山山

撒吉思傳以功與火魯和孫分治黑山以南撒吉思理之其北火魯和孫理之 蒙古謂黑曰哈刺此黑山指哈刺火州之山也就其為回鶻人故知非他處之黑山若遼東之慶州亦有黑山元人文集則桓州亦有黑山此無涉歐陽元傑氏家傳曰高昌者今哈喇和綽地哈刺黑也其地有黑山也即此傳之黑山矣

靜州天山

月乃合傳祖把掃馬野禮徙靜州之天山 金志淨州屬西京路大定十八

年以天山縣升為豐州支郡刺史兼權機察領天山一縣 馬祖常石田集
有馬月忽乃世神道碑云居靜州之天山天山古居延海也

不里罕哈里敦

關關傳世居不里罕哈里敦地 祕史三札本合再說王罕上馬時經過不
而罕合勒墩山前與帖木真一同來即此山也今為必兒喀嶺

玉耳別里 伯牙吾什

和尚傳玉耳別里伯牙吾台氏 元祕史有伯牙兀歹 玉耳別里蓋即土
土哈傳之玉里伯里山 成宗后傳卜魯罕皇后伯岳吾氏伯牙吾即伯岳
吾蓋其族出於金山之北與乃蠻不魯欲罕乃一家也

馬札兒國

闊里吉思傳曾祖八思不花從攻馬札兒諸國 馬札兒國蓋指太祖十年
所拔之阿速蔑怯思城也速不台傳作馬札兒部雪不台傳作馬劄部
失敵里禿

朵羅台傳父塔兒忽台襲職阿里不哥叛從戰於失里禿之地死之 即
世祖紀之昔木土腦兒

鑲寶直

口兒吉傳子的迷的兒從玉瓜失征叛王乃顏却金剛奴軍於鑲寶直之地
降哈丹禿魯干 玉瓜失即玉哇失也金剛奴彼傳作金家奴鑲寶直蓋今

黑龍江境地

脫脫忒

孛兒速傳脫忒氏 脫忒蓋即塔塔兒之異文

揭只揭烈溫_上

孛答阿兒從征字可有功由宿衛升武德將軍揭只揭烈溫千戶所達魯花赤 兵志宿衛篇至元九年初立阿速拔都達魯花赤後招集阿速正軍三千餘名復選阿速揭只揭了溫怯薛丹軍七百人扈從車駕掌宿衛城禁

兀朗孩_上

月舉連赤海牙傳為隴右河西道提刑按察使兀朗孩火石顏謀亂從皇太子安西王往鎮之 秘史十四成吉思自雪山起程過兀刺孩城蓋即此城牙里伴朵

阿答赤傳孛伯答兒從別急列迷失北征與斡吉刺只兒瓦台戰於牙里伴

朵之地

別失八刺哈思

明安傳領蒙古軍北征至別失八刺哈思之地與海都軍戰又云時別失八刺哈孫盜起又云戰於別失八里禿兒古闐之地有功

哈刺

失刺拔都兒傳從世祖至哈刺之地世祖記丙辰城開平府冬駐於合刺八刺合孫之地

脫別

至自脫別之地世祖紀至元十六年二月癸卯發嘉定軍屯田脫里北之地明宗紀天歷二年五月次朵里伯真之地

博落脫兒叶

徹里傳成宗時盜據博落脫兒之地 盜謂海都也 西域釋地賽里木諾

爾城東北二百餘里塔爾奇嶺之東其北有川名博羅塔拉策妄阿喇布坦
舊牧處 新疆識略賽里木淖爾在惠遠城東北二百餘里塔勒奇嶺之北
周三百餘里四周皆大山其北山後有地名波羅塔拉水草豐茂土地平曠
八兒胡叶

奉命同客省使拔都兒等往八兒胡之地 世祖本紀至元二十五年海都
犯邊掌吉舉兵叛諸王拜答罕敗之追至八立渾蓋一地而殊譯耳 玉哇
失傳作不里古

魁烈兒叶

乞台傳從創兀兒於魁烈兒之地 即土土哈傳之貴列河創兀兒即牀兀兒乃土土哈子

不別八憐

復從創兀兒征不別八憐 據土土哈傳知八憐地在金山北此稱不別八憐者蓋八憐別部從諸王稱兵者也

帷臺嶺

阿沙不花傳有帷臺嶺者數十里無居民請詔有司作室嶺中 口北三廳志引舊甯鎮志曰帷臺嶺在新河堡東北十二里

板勒紇

察罕傳西域板勒紇城人也 西北地珣錄作巴里黑太祖紀十六年帝攻

班勒訖等城邱處機西游記云過班里城 西游錄五里隄城之西瀕大河
有班城明世法錄哈烈國東有八刺黑諸城並隸其國

脫必赤顏 聖武開天記

又命譯脫必赤顏名曰聖武開天記及紀年纂要太宗平金始末等書 虞
集傳作脫卜赤顏 許有壬圭塘集鎮海碑國史曰脫必赤顏至祕者也非
有功不紀公名在焉 聖武開天記即皇元聖武親征記 以文宗至順二
三兩年紀攷之脫卜赤顏即元祕史也

河中

察罕生於河中其夜天氣清肅月白如畫 察罕孝友田宅在河中者悉分
與諸昆弟 西游記耶米思干大城大石有國時名為河中府 西游錄河

中府亦曰尋斯干城

別失拔里

脫烈海牙傳世居別失拔里之地

西游錄金山南有回鶻城名別石把

北鄙

康里脫脫傳成宗初丞相伯顏在北鄙大德三年武宗以皇子撫軍北鄙

脫脫從行以武宗記攷之武宗與海都軍戰於闊別列之地所謂北鄙者

也

榆林

燕鐵木兒傳上都王禪及太尉不花丞相塔失帖木兒等軍次榆林元王

暉中堂事記榆林驛大山北環與自己莽蒼沙磧蓋古媯川地也周伯琦北

行後記懷來縣四山環抱有媽川榆林驛即衛青傳榆谿舊塞

北山三

燕鐵木兒循北山而西 案元人以昌平密雲一帶山巒稱為北山郭守敬
傳陳水利所云引北山白浮泉水西折而南謂昌平州南之白浮山在京師
之北也

哈刺塔

伯顏傳大德三年從北征海都五年從至迭怯里古之地力戰又至哈刺塔
之地累捷迭怯里古地在金山南 武宗本記戰於合刺合塔之地乞台
傳作哈刺阿荅皆即哈刺塔

察八兒

十年幹羅思失班等逃奔察八兒之地武宗命伯顏追降之 宗室世系表
太宗第六子合失大王生海都大王海都大王生汝甯王察八兒 博原忽
傳察八兒者海都長子也海都死嗣領其眾至是月亦察兒踰金山掩取其
部八十餘萬口察八兒等相率降則察八兒地在金山之北
默而吉

至順元年文宗以伯顏功大賜虎士三百怯薛丹百默而吉軍百 即太祖
本紀之蔑里乞部

帖列堅 末憐

後至元五年奏請以賜田歲入一萬錠賑帖列堅末憐納憐三道驛置及關
北十三驛之困乏者 泰定元年紀賑帖列千木倫等驛戶即此傳之帖列

堅及木憐也

雞鳴山 渾河

脫脫傳至元四年扈從上都還至雞鳴山之渾河 金志德興府屬西京路
德興倚郭有雞鳴山 中堂事記雞鳴山東南距懷來七十里而遠 周伯
琦扈從北行後記坳兒嶺下臨深澗流為渾河南為雞鳴山疊嶂排空綿亙
二十餘里 河渠志渾河本盧溝水從大興縣流至東安州武清縣入瀋州
界

撒思

馬札兒台從甘肅復移西域撒思之地 泰定元年以珠字詔賜帝師所居
撒思加部 地理河源附錄朱思本曰河源在中州西南直帝師撒思加地

之西南二十餘里水從地涌出如井曰火敦腦兒

亦集乃路攷一

乃蠻台傳云自甘州又千餘里始達亦集乃路而甯夏去亦集乃路僅千里
撒思嘉驛上

太平傳也先忽都當貶撒思嘉之地道由朵思麻 泰定元年記作撒思加
至順三年作撒思吉牙 河源附錄朱思本曰河源直帝師撒思加部之西
南二十餘里又云折東流過崑崙山下番名亦耳麻不剌河隨山足東流過
撒思加闊即闊提地

元史地名攷

順德李文田撰

元和胡玉縉錄

白野山理三片

秦不華傳世居白野山 前文杭忽思傳至伯牙之地與赤哈軍合戰後文
石林也先傳有北野山 金志上京會甯府會甯縣有勃野淀

卜領勒多理伯臺

月魯帖木兒傳卜領勒多理伯臺氏 卜領疑蒙古七十二種之八憐部也
太祖時部落如哈答斤朱力斤皆以斤字為部落之名不盡稱歹稱兀此八
憐斤也對音寫為卜領勒耳臺即台字又即歹字多理伯者蓋其分房之祖
故曰多理伯歹

鐵藩竿山理三

達里麻識理傳一旦布列鐵藩竿山下揚言四方勤王之師皆至郭守敬傳召至上都議開鐵藩竿渠

臥龍岡

與禿堅帖木兒大戰臥龍岡敗之上都以安明志開平衛元上都路西北

有臥龍山

狼牙嶺

張柔傳柔率所部逆戰於狼牙嶺馬蹶被執遂以眾降金志應州山陰縣有黃花嶺金城縣有黃瓜堆黃花城疑因狼牙而易其名也

中興

董文用傳中興自渾都海之亂民間相恐動竄匿山谷此中興即故和林

也百官志云中統元年世祖遷都中興始置宣慰司都元帥府云謂世祖遷上都為都而以和林立宣慰司蓋元史有稱西夏之中興為中興者而此傳則斷屬和林以渾都海之亂在和林也

牛心帷殿上

嚴實傳庚寅四月朝太宗於牛心之帷殿 庚寅者太宗即位之次年金哀宗正大七年秋自將南伐夏避暑於塔密兒河則牛心帷殿正在其上 一統志牛心山在克西克騰旗西北二百十里蒙古名巴顏朱爾克

迪吉腦兒

耶律留哥傳留哥與金兵對陣於迪吉腦兒

河西阿里湫城

留哥妻姚氏見太祖於河西阿里湫城 元志兀刺海路下注太祖四年由
黑水城北兀刺海西關口入河西獲西夏將高令公克兀刺海城 輟耕錄
廿四亦集乃路在西北方有山曰蹇占山北多龍湫

合迷城

帝曰長子薛閣之征西域也回回圍太子於合迷城 此合迷城在西域別
有合迷里屢見世祖本紀中彼即今哈密此與哈密無涉所謂罕勉力者即
此地也 巴而朮阿而忒的斤傳征罕勉力鎖潭回回諸國此合迷即罕勉
力 太祖紀云帝攻卜哈兒薛迷思干等城此云合迷城者作史人強為省
文誤以兩地為一

蒲華 攝思干城

薛闊又於蒲華得思干城與回回格戰身中流矢 蒲華即卜哈兒得思干城即薛迷思干與上合迷城本是一事史官不明地理既合兩地為一又分一事為二也長子薛闊即太祖之長子拙赤大土也

東夏萬奴國

自庚寅至丁酉連征高麗東夏萬奴國 太祖本紀十年十月金宣撫蒲鮮萬奴據遼稱天王國號大真改元天泰十一年十月降以其子帖哥入侍既而復叛僭稱東夏太宗五年九月擒萬奴

古徐鬼國 訛夷朵城

郭寶玉傳甲戌從帝討契丹遺族歷古徐鬼國訛夷朵城破其兵三十餘萬 西游錄云虎思窩魯朵西遼之都古徐即虎思二字對音訛夷朵即窩

耳朵三字之對音西遼耶律大石本遼代之後人都於尋斯干名河中府其都又名虎思斡耳朵此云古徐鬼與訛夷朵城實一地也史官失攷妄析為二耳元遺山集大丞相劉氏先塋碑車駕征契丹餘族是為西遼歷古續兒國訛夷朵等城戰合破之遂征遼丹之斜迷思云云古續即古徐之對音此傳鬼字乃兒之誤字也

別失蘭城

收別失八里別失蘭等城西使記三目一日過賽藍城三日過別石蘭諸回紇貿易如上已節四日過忽章河據記文則別失蘭去賽藍三日程去苦蓋一日程苦蓋即忽章也

忽章河 攝思干城

次忽章河進下搆思干城 忽章即西游錄之苦蓋城 以經西大典西北
地圖矚之忽章河即忽疆也在散馬耳干之東七八百里散馬耳干即此傳
之搆思干城 英國恭甯翰說大唐西域記之颯秣建國即元史之搆思干
在赤道北三十九度四十九分京師偏西四十九度八分

暗木河 馬里四城 三

次暗木河收馬里四城 即阿母河也西使記三月十四日過暗木河即今
阿母河 英國恭甯翰元獎游蹟攷阿母河二源均出今富罕曰阿格蘇河
曰平查河均西流至瓦馬城而合始名阿母河 鄒代鈞西征紀程云西使
記十九日過里母城即郭寶玉傳之馬里四城今阿富汗國巴爾克城之東
百里有馬薩里什里福城在赤道北三十六度四十分京師偏西四十九度

十分即里也

乃滿國

辛巳可弗義國惟算端罕破乃滿國引兵據博思干聞帝將至棄城南走
元祕史作乃蠻邱處機西游記亦作乃滿是時乃蠻之在金山者早為太祖
所滅乃蠻字孛屈出律其西直魯古而有其國故曰乃蠻國國名乃滿其地
則虎司窩魯朵也

鐵門 大雪山

入鐵門屯大雪山寶玉道之遂奔印度 恭甯翰元獎游蹟攷明史渴石國
今布哈爾境內喀什城在赤道北三十八度有鐵門關即元太祖駐軍處
又云大雪山今阿富汗國都喀布爾北之海給伽山

乞則里八海又

郭德海傳從先鋒拓柏西征渡乞則里八海西使記龍骨河西注瀦為海約千餘里曰乞則里八寺多魚可食

鐵山雪嶺又

攻鐵山踰雪嶺西北萬里進軍劉好禮傳西踰雪嶺東出鐵壁山蓋即此傳之鐵山及雪嶺西使記曰乞則里八寺海漸西有城曰業瞞又西南過寧羅城城北有海鐵山風出往往吹行人墜海中舊唐書李靖傳自破定襄後頡利大懼退保鐵山又靖妻卒詔墳塋依漢衛霍故事築闕象突厥內鐵山吐谷渾內積石山以旌殊績

答里國

次答里國志平之 薛塔刺海傳從太祖征回回等國有帖里麻西北地附錄有塔里干有忒耳迷均在散麻耳干之南

乞都卜片

郭德海子侃傳從宗王旭烈兀西征癸丑至木乃分破其兵下一百二十八城斬忽都答而兀朱算灘算灘華言王也丙辰至乞都卜其城在檐寒山上西征紀程云今阿富汗國侯勒特城之北有山曰乞都應是乞都卜山侯勒特城在赤道北三十四度二十五分西五十四度十七分 檐寒山疑即西北地附錄之塔里干

兀里兒城片

丁巳至兀里兒城伏發盡殺之海牙算灘降 西使記曰四月六日過訖立

兒城所產蛇皆四跗長五尺餘首黑身黃皮如鱗魚口吐紫艷
阿刺汀

又西至阿刺汀破其兵三萬禡撈答而算灘降 西使記過阿刺汀城禡咱
蒼兕人被髮率以紅帕勒首衣青如鬼然

乞石迷部

至乞石迷部忽里算灘降 西使記作乞石迷西 地理志西北地附錄無
此地而經世大典圖有乞失迷耳海國圖志謂即今克什迷爾其說是也
西戎

西戎大國也地方八千里父子相傳四十二世勝兵數千萬兩城間有大河
城破合里法算灘登舟覩河有浮梁扼之乃自縛詣軍門降明日獲其將紂

答兒斬之拔三百餘城 西使記作報達國

大房

又西行三千里至大房其將至石來邀我師大敗之巴兒算灘降下城百八十五 西使記作天房西征紀程云即明史天方今阿剌伯之麥地拿城西史言摩哈默葬此

密昔兒

又西行四十里至密昔兒下令軍中銜枚轉戰可乃算灘降 西北地附錄作毛昔里明史米昔兒一名密思兒永樂中及正統六年來貢

富浪

戊午命侃西渡海收富浪兀都算灘降 至正二年紀拂郎國貢異馬長一

丈三尺三寸高六尺四寸則拂郎蓋即富浪又即唐書之拂菻國也

石羅子

師還西南至石羅子一鼓敗之換斯干阿荅畢算灘降 西使記作失羅子國西征紀略云西使記失羅子國今波斯國法爾斯部之什拉自城 西征紀略又云西人紀載云帝學時有開我摩斯者建波斯國都色立齒城即今波斯國法爾斯部之什拉自城北二十九度三十九分偏西六十三度四十六分即郭侃傳之石羅子國

賓鐵

至賓鐵以奇兵掩擊之加葉算灘降 西征紀略云賓鐵即今波斯國吉德羅部之賓鐵城赤道北二十六度十二分西五十六度四十三分

兀林卜

己未破兀林阿必丁算灘來降得城一百二十
西征紀錄云兀林當在今
俾路支國境內

乞里驛卜

西南至乞里驛忽都馬丁算灘來降
西征紀略云乞里驛即今俾路支國
之意拉驛部赤道北二十七度三十分西五十度十六分
經世大典圖設
里汪在毛夕里之東南

奚霫環仁

王珣傳太師木華黎略地奚霫
霫即霫字
遼志崇信館乃契丹舊境其
南奚地也
遼志中京大定府大定縣白霫故地

宿覓都呼又

郝和尚拔都傳進拜宣德西京五路萬戶朝定宗於宿覓都之行宮 案此
甲辰年事

賽因八都兒

張榮傳太祖壯之拊其背曰真賽因八都兒也 前文移刺涅兒傳太祖賜
名賽因必閣赤賽因蒙古語好也

賽蘭國語

薛塔刺海傳虎忽纏帖里麻賽蘭諸國俱以炮立功 明史外國傳賽藍在
達失干之東西去撒馬兒干千餘里有城郭周二三里元太祖時都元帥薛
塔刺海從征賽藍諸國以礮立功即此地也

迪烈訖氏孫

石抹阿辛傳迪烈訖氏 此即石抹也先已見三十七卷但此傳敘其子查刺事為多當名查刺傳也 金史部族節度使八處其八為迪烈孟古部族

黑軍片

阿辛軍皆猛士以黑為號故曰黑軍 石天應傳木華剌承制授天應興中府尹天應造攻戰之具捷出如神成燕天應旌旗色用黑人目之曰黑軍 又石抹孛迭兒傳以黑軍鎮守固安水寨

撒里禿魯孛

洪福源子俊奇之子萬傳乃顏叛率兵征之六月至撒里禿魯之地 世祖紀至元二十四年征乃顏至撒兒都魯之地 伯帖木兒傳云征叛王乃顏

於忽爾阿刺河又云迨至海刺兒河則撒里禿魯必在此二河之西

哈刺河

是月至乃顏之地奉旨留蒙古女直軍鎮哈刺河 柳邊紀略引明實錄永樂六年三月忽的河法胡河車爾河海刺河等處女直野人頭目來朝遂并其地入建州衛海刺河即哈刺河蓋在明代建州衛界內地 金志海蘭路西北至上京一千八百里

失刺幹耳朵

復選精騎扈駕至失刺幹耳朵 觀此文作失刺幹耳朵則知至元二十四年紀當作失刺幹魯脫其作十大利乃誤字

札刺麻禿

從討乃顏七月至札刺麻禿與金家奴戰敗之
伯帖木兒傳從王速帖木
兒追戰於札刺馬禿河

木骨不剌

九月師還哈丹八刺哈赤再叛十月征之十二月次木骨不剌
金志海蘭
路有穆鹿古水案不剌者水也

西域別石八里

李進傳命屯田西域別石八里西北地附錄至元二十三年遣侍衛新附
兵屯田別失八里置元帥府即其地以總之

洪水山

海都及篤娃領軍至洪水山 秦公直傳亦有此山蓋在別失八里左右

合納忽石溫音三

李忽蘭吉傳從宗王哈必赤等次合納忽石溫之地殺渾都海 至順元年
紀有木納火失溫 明史韃靼傳阿魯台獨與其子徙居毋納山察罕腦兒
等處未幾瓦剌脫懽龍殺之則其地近察罕腦兒今多倫諾爾廳境山也
趙阿哥潘傳有納火石蓋一地也

女直 烏古倫卜

劉國傑傳本女直人也姓烏古倫 輟耕錄金人姓氏移刺漢姓曰劉烏古
倫曰商今以烏古倫而改漢姓不曰商而曰劉蓋隨意所適耳

劉二霸都三

行第二因呼之曰劉二霸都而不名霸都華言勇士也

麻峪村 臨

郭守敬傳疏言金自燕西麻峪村分引盧溝一支東流穿西山而出是謂金口兵興以來典守者懼有失以大石塞之 明志保安州元屬上都路之順甯府東有麻谷口堡洪武中置

金口

見上條 至元三年紀建大安閣於上都鑿金口導盧溝水以漕西山木石一畝泉

陳水利十一年大都運糧河不用一畝泉舊源別引北山白浮泉水西折而南 明陸欽病逸漫記曰白浮泉水今入清河一畝泉在雍泰後今已塞積水潭

經筓山泊自西水門入城環匯於積水潭地理志大都路燕京大興府海子皇城之北萬壽山之陰舊名積水潭聚西北諸泉之水流入都城而匯於此汪洋如海都人因名焉恐民漁採無禁擬周之靈沼云

南水門

復東折而南出南水門合入舊運糧河每十里置一牖以至通州牖七地理志通州唐為潞縣金改通州取漕運通濟之義

通惠河文

名曰通惠河明志順天府大興縣倚郭東南有大通河亦曰通惠河水自玉河出繞都城東南下流至高麗莊入白河即元運河也

元運河

孔元傳兀速洋國兵討叛王失里木等從行院別乞里迷失追其眾至兀速洋而還即阿速海

幹魯禿駝

王綽傳征哈丹禿魯謀平章闊里帖木兒賊次幹魯禿塞兀愛討降之幹魯與貴列二字音轉此河名也即洪福源傳之貴列河矣

經春

又明年九月哈丹禿魯平復寇經春兀愛引兵擊之之洪福源傳作禪春

威甯

石抹狗狗傳歲辛未太祖至威甯歲辛未者太祖之六年也是年二月帝自將南伐敗金將定薛於野狐嶺取大水滌曲利等縣是冬駐蹕金之北境

口北三廳志攷元虞集所撰威甯并氏先塋碑則元威甯縣在今張家口外
烏里雅蘇台西豐川衛交界之大青山後其碑尚存蓋前明懷安衛北境外
之地也 明志山西大同府大同縣元大同路屬河東山西道宣慰司北有

威甯海子

阿納禿阿

王昔刺傳

之地

子甯從阿刺台慙合孫北征追擊脫脫木兒之軍於阿納禿阿

益蘭州

劉好禮傳

遷益蘭州等五部斷事官以比古之都護治益蘭其地距京師

九千餘里

欠欠州三

十六年春叛王召好禮至欠欠州 欠欠州即西北地附錄之謙州以謙河
得名西游記又作儉儉州 伯八兒傳亦作欠欠州
哈罕殘川

賈昔刺傳移軍哈罕 哈罕蓋即瀚海二字之聲轉

乞祿倫部

九年北方乞祿倫部大雪 即怯綠連河

白海

劉哈刺八都魯傳 世祖駐蹕白海 周伯琦扈從記察罕腦兒漢言白海
深不可測氣皆白霧

阿八刺忽_三

乃顏故地曰阿八刺忽產魚 乃顏據宗室表係太祖之弟別里古台位下之曾孫也 楊允孚滌京詩嘉魚貢自黑龍江注即哈八都魚也御膳用此指今混同江吉林船廠之地在今奉天府開原縣東六百里地產大魚宋人使遼金所稱牛魚者是也 乃顏以至元二十四年四月及五月諭北京等處宣慰司凡隸乃顏所部者禁其往來帝自將征乃顏六月至撒兒都魯之地又駐千大利幹魯脫之地七月乃顏平繁其地在咸平豪懿瀋州之東

兀速 慙哈納思 乞里吉思_二

遷兀速慙哈納思乞里吉思三部民於肇州命為肇州宣慰司 兀速即阿速 天歷二年紀有阿速千戶所蓋即是時所立以居阿速人 英宗至治

元年紀兀兒速憨哈納思等部貢乏戶給牝馬二匹 憨哈納思即撼合納
吳元珪傳云初詔發軍萬人屯以賓邊海都之亂被俘者眾云云此三部皆
逃海都之亂者無可安置而肇州又以乃顏之亂戶口零落故置之肇州也
案世祖本紀至三十年而止其時乃顏餘黨未盡也故遷兀速及憨合納
思等部以賓肇州亦緣乃顏之亂民多死亡故也不然此和林以西之民而
遷之遼左亦非易事矣 至元三十一年紀罷肇州宣慰司并入遼東道
地理志云廣甯為乃顏分地故以肇州附住廣甯府之下 金志上京路會
甯府西至肇州五百五十里近人曹廷杰云肇州即今遜札堡站東北珠赫
城 吉林外紀云肇州在白都訥廳南 滿洲源流攷肇州在拉林河之東
吉林之北 一統志肇州故城在白都訥城南舊名出河店宗政和四年女

直取甯江州遼人使其將葉嗣先等發兵屯出河店金太祖禦之至混同江
遼兵方壞凌道太祖擊走之遂率眾進登岸大破遼兵於此天會八年以太
祖肇基迹於此置肇州治始興縣業元時亦有肇州疑仍舊且近混同黑
龍二江故產大魚耳今白都訥城東南阿爾楚喀河西岸故城周二十里內
城周四里南距吉林烏喇城三百四十里東去故會甯城六百里與金史道
里相合疑即肇州遺址也 兀速與阿骨打本為一聲金史阿骨打苗耀神
麓記作兀古達此其證也 崔或傳桑哥流御史周祚於懸谷孫疑即懸哈
納思

地理指掌圖 卷三

暢師文傳父納有詩名注地理指掌圖

曲農桑輯要書

上所纂農桑輯要書

食貨志世祖即位之初首詔天下衣食以農桑為本
於是頒農桑輯要之書於民間俾崇本抑末

女真加古部 夾谷臨

夾谷之奇傳其先女真加古部後訛為夾谷 案春秋傳公會齊侯於夾谷
地屬山東今以女真姓加古者寫為夾谷與得姓於齊國者無異恐人誤為
漢姓故言其訛也

馬紀嶺 撒昌水

由馬紀嶺撒昌水徙滕州 金志上京路會甯府有馬奇嶺又山東西路滕
州本宗勝陽軍大定二十四年更今名治滕縣 案滿洲源流攷黑龍江即

薩哈連江薩哈即撒曷對音

東丹

耶律有尚傳東丹王十世孫。遼志東京道東京遼陽府唐高宗平高麗於此置安東都護府後為渤海大氏所有大氏始保挹婁之東牟山武后萬歲通天中為契丹盡忠所逼有乞乞仲象者度遼水自固中宗賜所都曰忽汗州封祚榮渤海郡王十二世至彝震有五京十五府六十二州為遼東盛國忽汗州即故平壤城也號中京顯德府太祖建國攻渤海拔忽汗城俘其王大誣撰為東丹王國立太子圖欲為人皇王以主之神冊四年首遼陽故城以渤海漢戶建東平郡天顯三年遷東丹國民居之升為南京

烏若部

張孔孫傳其先出遼之烏若部 即松漠紀聞之溫熱部也溫熱者國最小
不知其始後為契丹徙置黃龍府南百餘里曰賓州州近混同江即古之粟
末河黑水也遼志賓州懷化軍節度本渤海城統和十七年遷兀惹戶置刺
史於鴨子混同二水之間後升兵事隸黃龍府都部署司

和林野

耶律希亮傳六皇后命以赤帖吉氏歸鑄生希亮於和林南之涼樓曰亮忽
思遂以地名之

涼樓

見上 明人地圖有朔漠圖蓋本之元代朱思本其圖有禿忽思涼在昔今
哥河之東南此非明人所能繪必元代舊圖如此也

禿忽思

見上 秘史三云斡兒浹河薛涼格河兩間有塔刺渾阿刺塔刺渾急讀則成禿忽二字思者種類之意猶阿羅思吉利吉思大小密赤思也

靈武 應吉里 西涼甘州

中統元年世祖即位阿里不哥反遣使召主將渾都海鑄說渾都海入朝皆不從棄妻子來歸渾都海追之不及乃使百人監視希亮母子迫脅使從行自靈武過應吉里至西涼甘州 元志應理州與蘭州接境東阻大河西据沙山乃唐靈武郡地未詳建立之始 明志甯夏中衛元應理州永樂元年置衛

馬支山

阿里不哥遣大將阿藍荅兒自和林帥師至馬支山 明志陝西山丹衛元
山丹州直隸甘肅行省東南有馬支山西距陝西行都司百八十里
黑水東沙院

希亮潛匿甘州北黑水東沙院中 明志甘州左衛元甘州路西有張掖河
流合弱水其支流曰黑水河仍合於張掖河又肅州衛西北有黑水又鎮番
衛西黑河即張掖河下流也又鎮夷守禦千戶所南有黑河即張掖河也
太祖紀帝與江罕戰於哈蘭真沙院之地哈蘭蒙古語黑也 提綱卷五布
隆几勒河疑古黑水

沙州天山 北庭都護府

及抵沙州踰天山至北庭都護府 明志沙州衛元沙州路屬甘肅行省南

有鳴沙山 新疆鐵路云自巴里坤踰天山三百三十里為哈密城即古伊吾廬 元和郡縣志天山一名折羅漫山在伊吾縣北一百三十里今哈密城北一百二十里為天山是伊吾縣治在今哈密城南 西域釋地天山在哈密城百三十里即祁連山俗呼雪山是為南北兩路要隘 西北地附錄回鶻五城唐號北庭都護府

昌入里城

二年至昌入里城夏踰馬納思河抵葉密里城 西北地附錄有彰八里邱氏西游記至回紇昌八刺城經世大典圖彰八里地在別失八里之西直合刺火者之北由北而西則古塔巴又西則仰吉八里又西北行則普刺也普刺即西游錄之不刺城也 西域傳補注云輪臺今玉古爾地今以西游

記攷之九月四日至輪臺之東重九日至回紇昌八刺城是昌八里城在今
玉古爾之西約七百里也 西域水道記昌吉河發源孟克圖嶺北麓維語
昌吉場國也河四源並發匯而北流經昌吉縣治其城曰甯邊乾隆二十七
年建極四十三度四十五分西二十九度二十六分其地疑元之彰八里也
亦作昌八里 耶律希亮傳至昌八里城在馬納斯河之東 李進傳作摻
八里

馬納思河

見上 西域釋地馬納斯河在烏魯木齊城西三百二十里 西域水道記
日額彬格遜淳爾二源西源為馬納斯河五源分出哈屯博克達山之衛和
勒昂嶺水清產玉西北流與烏蘭蘇河會 西域攷古錄馬納思今綏來縣

按今烏魯木齊

葉密里城

亦見上 傳云乃定宗潛邸 按定宗紀無此名獨憲宗紀云分遷諸王脫
脫於葉密立地則即此城也 速不台傳作也迷里 西域釋地額密爾河
在塔爾巴哈台城南七十里河有兩源會合西入河拉克圖琥勒諾爾 經
世大典圖有也迷失其地在普刺之東北以音求之即葉密里城無可疑矣
西域水道記葉密里城為即阿力麻里

火字

冬至於火字之地 西北地增錄有可不里以經世大典圖視之可不里在
巴達哈傷之西南與烏來帖木兒封地相近此火字與瀚海相距不過千里

忽只兒

三年定宗幼子大名王閔其不能歸遣以幣帛鞍馬乃從大名王忽只兒之地會宗室阿魯忽至阿里不哥之唆羅海欲討世祖復從大名王及阿魯忽二王還至葉密里城

字劣撒里

五月又為阿里不哥兵所驅西行千五百里至字劣撒里按字劣二字即不刺之聲轉蓋即本傳之不刺城而西域水道記以為別失八里及字子八里之對音疑其誤也此即憲宗紀之沒脫赤當再攷之

換札孫

六月又西至換札孫之地兵志馬政篇塔刺木達等處有地名換撒里疑

即此傳之換札孫 換札孫者疑忽達之轉聲

不刺城

又從至不刺城 地志西北附錄之普利蓋即此不刺城 西游錄過瀚海

千餘里有不刺城

徹徹里澤刺之山

又西行亦百里至徹徹里澤刺之山 后妃輜重皆留於此希亮母及兄弟皆在焉希亮單騎從行二百餘里泰定元年紀有徹徹兒火兒火思之地

西游錄云不刺城南有陰山東西千里南北二百里即此徹徹里澤刺山所

出布兒城

至出布兒城又百里至也里虔城而哈刺不花之兵奄至出布兒城蓋在
徹徹里澤刺山之西二百餘里伯顏傳斡羅思失班逃奔察八兒之地蓋
其地在金山北

也里虔城

見上至元二十五年本紀海都將暗毐以兵犯葉里干腦兒元帥阿里帶
戰卻之以元經世大典圖攷之自普刺城至可失哈耳中間有亦刺八里一
地則亦刺即也里之對音彼稱八里者城也此稱虔者猶汗也杭忽思傳
失烈吉叛詔伯答兒往征戰於押里

亦思寬

希亮又從二王興師還至不刺城與哈刺不花戰敗之盡殲其眾二王乃遁

其頭遣使報捷十月至於亦思寬 續文獻通攷亦力把力有熱海周圍數
百里俗呼亦思渴兒 按即亦思寬之對音
可失哈里城

四年至可失哈里城四月阿里不哥兵復至 今喀什噶爾也 經世大典
圖作可失哈耳地在忽炭之西忽炭即元史之斡端 明史西域傳哈失哈
兒西域小部落

渾八升城

希亮又從征至渾八升城 西域水道記阿克蘇河東支復東南流經烏克
蘇城南又東南流經渾巴什軍臺東三十餘里是為渾巴什河水寬里許
耶律希亮從征之渾八升城按渾八升城即渾巴什莊矣渾巴什河東南流

經渾巴什莊北是為楚克達爾河

阿體八升山

希亮母從后避暑於阿體八升山 八升者猶明史之稱板井也其地名阿體蓋即西北地附錄之阿忒八矣 據經世大典圖柯提地在花刺子模之南則希亮足迹不當如是之遠尋圖所繪有阿忒八失在可失哈耳之北則阿體八升即阿忒八失之轉聲無疑

苦先城 哈刺火州

聖書云希亮赴闕六月由苦先城至哈刺火州 苦先即曲先腦兒其地去和林不遠世祖紀壬子六月入覲憲宗於典先腦兒是年憲宗壬子夏間正駐和林也 西北地附錄作合刺火者歐陽氏與氏家傳高昌者今哈喇和

綽哈喇黑也其地有黑山也

伊州 大漠

出伊州涉大漠而還 祁韵士萬里程記曰哈密為漢伊吾廬地 唐置伊州

上都大安閣 察納兒台

八月入覲於上都之大安閣 帝駐蹕察納兒台之地為世祖十四年周伯琦近光集扈從上京詩注大安閣故宋汴熙春閣也遷建上京

從軍紀行錄 懷軒集錄所著詩文及從軍紀行

漆水郡

追封漆水郡公 金志利州屬北京路龍山縣有漆河鎮 西游錄序云湛

然居士漆水移刺楚材晉卿序 以上均見希亮傳

皇朝經世大典

卷二

虞集傳趙世延與虞集集修

脫卜赤顏

虞集傳又請以國書脫卜赤顏增修太祖以來事蹟 文宗紀至順二年奎章閣以修經世大典請從翰林國史院取脫卜赤顏一書以紀太祖以來事蹟詔以命翰林學士承旨押不花尋言脫卜赤顏事關祕禁非可令外人傳寫從之 三年撒迪請備錄皇上登極以來固讓大兄往復奏答及燕鐵木兒等宣力效忠命朵來續為蒙古脫卜赤顏一書置之奎章閣從之

鐵燈干

王忠誠傳磁河水泛溢決鐵燈干鐵燈干者真定境也 明志保定府博野縣有鐵燈蓋巡檢司舊治在今蠡縣界蠡縣元蠡州屬真定路楊村河在南滋沙唐三河之下流也

失速幹耳朵思猛

見崔敬傳 失速蒙古語黃也幹耳朵行客也此行宮指上都之所置者

迪烈兒

石抹宜孫傳其先遼之迪烈兒人 金史地理志部族節度使其八為迪烈

蒙古部族

凱烈

諸都刺傳凱烈氏 即克烈之對音

担古思音三

徹徹傳担古思氏 輟耕錄蒙古七十二種有担古歹 案担即捏字蒙古
察合安之後也見祕史

薩斯迦音三

八思巴傳土番薩斯迦人族款氏也相傳自其祖朵果赤以其法佐國王霸
西海者十餘世泰定元年紀以珠字詔賜帝師所居撒思加部 三年記帝
師以疾還撒思加之地 案西海今青海也

旭烈音三

亦思馬因傳回回氏西域旭烈人也 旭烈者忽里二字之聲轉也 西北
地附錄有忽里模子又郭侃傳破元里兒城乞石迷國來降得三百餘城益

即此旭烈也

尼波羅國

阿尼哥傳尼波羅國人

舊唐書泥波羅國在吐蕃西